


عمر عفيفي

عشان ما تنضريش على قفاك !!



أبو عبدو البغل



من غير مقدمات ..}}

إزاي تتصرف في أي موقف ممكن يحصلك مع الشرطة في أي وقت وأي مكان؟ وعشان محدش يلهف حقوقك.. لازم تعرفها الأول وتعرف إيه لوك وإيه عليك والحق ميزعلش...

تعمل إيه لو حد من الشرطة وقفك في الشارع وطلب بطاقتك؟ تنبها له ولا لا؟ ولو قال لك طلع اللي في جيوبك وحاول يفتشك ويمسك ويخدك ع القسم؟ تروح معاه ولا متروحت؟

تعمل إيه لو حد وقفك وقلبك إيه مباحث؟ تعرف إزاي إيه مباحث؟ وهل من حقا تطلب تحقيق شخصيته (الكارنيه)؟ وإيه شكل كارنيه الظابط؟ وتعمل إيه لو رفض يوريك الكارنيه؟

تعمل إيه لو كمين شرطة وقف الميكروباص اللي إنت راكب فيه وطلب من الناس اللي فيه تنزل وطلب بطاقتكم وحاول يفتشكم؟ أو ياخدكم ع القسم؟

تعمل إيه لو حد من الشرطة جالك بيتك ومعاه مخبرين وعالوز يفتش بيتك؟ تفتح له الباب ولا لا؟ وإمتى تسميه يفتش وإمتى ترفض؟ وتطلب منه تشوف إبن التفتيش ولا لا؟ والإبن ده بيبكون مشكله إيه وطالع منين؟ وإبن التفتيش بيبكون على نموذج مطبوع ولا بخط اليد؟ وبيكون مختوم ولا بدون ختم؟ والظابط لازم يديك صورة منه ولا لا؟ وتسببهم يدخلوا بيتك إذا كان مفيش معهم إبن ولا لا؟ ويحصل إيه لو

رفضت؟ هل من حقهم يكسروا عليك الباب لو مفتحتش؟ وتعمل إيه لو كسروا عليك الباب وفتشوك بالعافية من غير إذن نيابة؟ وأهلك يعملوا إيه لو خدوك من بيتك بالعافية أو خدوا حد من ولامك؟ تسببهم يخدوه معاهم ولا لا؟ وإزاي بيتم التفتيش لو كان معاهم إذن نيابة؟

تعمل إيه لو الطباط فتنش مراتك لو بنتك تفتيش ذاتي أو طلب تطلع هدمها عشان يفتشها؟ أو لو خدوا حد منهم بدل الشخص المطلوب عشان يسلم نفسه ليهم؟

تعمل إيه لو حد قالك البيه المعاون علوزك في القسم؟ تروح معاه ولا متروحش؟ أو جالك طلب حضور للقسم؟ من حقك تعرف سبب طلب الحضور قبل ما تروح للقسم ولا مش من حقك؟ وإيه المسئولية عليك لو مروحتش معاهم؟ ويقدر حد ياخذك ع القسم بالعافية في طلب حضور؟

تعمل إيه لو حد من الشرطة قالك إن معاه أمر بضبطك وإحضارك وعلوز يقبض عليك؟ تروح معاه ولا متروحش؟ وشكله إيه أمر الضبط والإحضار؟ وبطلع منين؟ ويكون علي نموذج مطبوع ولا مكتوب بخط اليد؟ ويكون مختوم ولا لا؟ وتعمل إيه لو قبضوا عليك أو علي حد من أهل بيتك من غير أمر ضبط وإحضار؟ ويا ترى يخدوك من بيتك عريان ولا من حقك تلبس هدمك؟ وإيه حكاية الناس الي بينزلوهم ملفوفين في ملاية السرير؟

إيه الفرق بين طلب الحضور للقسم وطلب الحضور للنيابة والضبط والإحضار والإعلان بحضور جلسة في المحكمة؟ وشكلهم

بيكون إيه؟ وإمتى تروح معاهم للقسم وإمتى متروحت؟ وإمتى يخدوك
بالعافية وإمتى ميقدروش؟

تعمل إيه لو عليك حكم وطلبوا منك تروح معاهم عشان تنفذ؟
تروح معاهم ولا متروحت؟ ومن حقت تشوف الحكم اللي معاه ولا لا؟
وبيكون شكله إيه للحكم؟ وبيكون مختوم ولا لا؟ ولو كان حكم غيلبي
تروح لو حكم مخالفة معاهم ولا لا؟ وإيه الفرق بين الحكم الغيلبي
والحكم الحضورى وحكم المخالفة؟ وفيه مواعيد معينة ينفذونها فيها
الأحكام ولا ممكن تنفيذها في أي وقت؟ ومين اللي بينفذ الأحكام؟ الظباط
ولا ممكن ينفذها الأمناء والمخبرين؟

مين من حقه بطلب رخصة عربيتك؟ لازم يكون ظابط ولا ممكن
بطلبها الأمين أو العسكري، ولو طلبها الأمين أو العسكري تدبها له ولا
لا؟ وتعمل إيه لو الأمين أو العسكري سحب رخصتك؟

تعمل إيه لو حد قالك افتح شنطة عربيتك عشان يفتشها؟ وهل من
حقه يفتش عربيتك أو يسالك مين الناس اللي راكبين معاك؟ أو يقبض
عليهم ويفتشهم أو ياخذ حد منهم؟ وتعمل إيه لو خدك بالعافية أو حجز
عربيتك رغم إن رخصتك سليمة ومعملتش مخالفة أو حاجة غلط؟

هل من حقت تخرج مع صاحبك في أي مكان ولا لا؟ وتعمل إيه
لو حد من الشرطة وقفك وقف يسالك عنها، ويسألها عنك؟ وتعمل إيه
لو طلب بطاقتك أو بطاقتها وحاول يخدكم ع القسم؟

هل من حقت تعزم صاحبك في بيتك؟ وتعمل إيه لو حد من
الشرطة جالك وخطب على الباب وهي عندك؟ ومن حقه ياخذها من بيتك؟

هل فيه مشكلة لو كان معاك في بيتك أكثر من صديق وصديق
وعاملين حفلة؟ وإيه الفرق لو كان بيتك قاتون جديد أو تمايك أو
مفروش؟

يعني إيه دعارة؟ وهل بيتعمل للراجل قضية دعارة؟ ويعني إيه
فعل فاضح؟ وإيه الفرق بين للدعارة والفجور؟

تتصرف إزاي لو دخلت بيتك ولقيت راجل غريب مع مراتك؟ أو
لقيتها بتمارس الجنس مع واحدة صحبتها؟ وتتصرفي إزاي وتعملي إيه
لو مسكتي جوزك مع واحدة في شقتك؟ أو فوجنتي إيه بيمارس الجنس
مع راجل في شقتك؟

تعملي إيه لو حد عاكسك في الشارع لو إتحرش بيكي لو مسكتك
من مكان حساس وهتك عرضك؟ أو حاول يغتصبك أو ضايقك في
أتوبيس أو ميكروباص؟

تعمل إيه لو حد من الشرطة شتمك أو ضربك أو بهدل حد من أهل
بيتك؟ تشتكي لمين؟ وتثبت إزاي إيه ضربك أو شتمك؟ وتعمل إيه لو
لفق لك تهمة؟

إيه حقوقك في قسم الشرطة؟ وإزاي تعمل محضر؟ وتدخل لمين
في القسم؟ وتعمل إيه لو رفضوا بعملوك محضر؟ وإيه الفرق بين
المحضر والبلاغ والشكوي؟ وإيه حقوق المقبوض عليه؟ أو المحجوز
في حجز القسم؟

تعمل إيه لو حد مات من التعذيب جوه القسم؟ وإزاي تثبت إنا
مات جوه القسم؟ وتشتكي لمين وتروح فين؟

تعملي إيه لو كنتي بنت محترمه وماشييه في حالك وحد من
الشرطة عاكسك أو استخف دمه وحاول يهددك إنه هيخدك ع القسم أو
يعمل لك قضية؟ تشكويه لمين؟ وهو صحيح ممكن يلفق لك قضية آداب؟
صحيح الظباط اللي يشتمو حد أو يضربوه أو يعذبوه بيتحاسبوا؟
ومين اللي بيحاسبهم؟ وصحيح فيه ظباط إتحبسوا لما عذبوا الناس؟ ولا
ده كلام جرايد والسلام؟

هل صحيح إن فيه مع ظباط المباحث أوامر اعتقال علي بياض
يقدرُوا بمسكوا بيها أي حد ويعقلوه في أي وقت؟ وإيه حكاية قاتون
الطوارئ؟ وبيتطبق علي مين بالظبط؟

بنسمع كتير عن حقوق الإنسان، ونلاقي ناس شكلها بهوت
لايسين كرافعات طالعين ع التلفزيون وفي كل القنوات، ويقولوا كلام
كتير وكبير، ولا تقدر تفهم منهم حاجة، غير إتهم بيتكلموا عن حاجة
إسمها حقوق الإنسان، ويدخلوك متاهات وحكايات وحبشكنات ومتعرفش
هما عايزين إيه بالظبط...!!

ولو النفر قال 'حقوق الإنسان' تلاقي الناس ترد عليه وتقوله يا
عم إنت عايز تحبسنا؟ الحقيقة إن حقوق الإنسان لا هي كلام في
السياسة ولا هي ضد الشرطة أو الحكومة ولا هي ضد حد، لكن هي
حقوق للناس والحق ميز علش.

وتلاقي جمعيات ومنظمات ومراكز كتير بتتكلم في نفس الموضوع،
حتى الحكومة بهجالة قدرها بقت تتكلم عن حقوق الإنسان.. وعملت

مجلس اسمه المجلس القومي لحقوق الإنسان. لكن محدش عارف هو
تعمل ليه أو بيعمل إيه أو فليسته إيه أو هو فين أصلا من أساسه!! زي
م يكون سر. وكل اللي فيه ناس بهوات وشخصيات كبيرة مكشوفة
ومحدش عارف عنهم حاجة لأنهم بكثرة وبيتكلموا كلام كبير زي
معاهدات واتفاقيات واتنهاكات وتصكوك ونحيث أن وربما
ونحيثما وإذا نحتمل ومتعرفش همه بيتكلموا بالطريقة دي ليه؟ أكيد
قاصدين إن محدش يفهم منهم حاجة!!

وكلامنا مش للأستاذة ولا للدكترة ولا للناس اللي لاهية كرافات،
لأن الناس دي محدش يقدر يوجي ناحيتها لأنهم عارفين حقوقهم كويس
قوى والحكومة بتعملهم وتعمل لفقاهم ألف حساب وحساب. لكن كلامنا
لولاد بلدنا الطيبين عشان يعرفوا فين حقوقهم ويعملوا إيه لو حد حاول
يأذيهم أو يحبسهم أو يفتشهم بدون وجه حق. لأن ده يبقى اسمه ضرب
ع القفا ولا مؤلخدة!!

فيه ناس هتقولك الجدة ده بيتكلم في إيه وحكومة إيه؟ وقانون
إيه؟ ده كلام في الهوا هو بيعلم ولا فاكتر نفسه في سويسرا إحنا يا عم
في مصر مش في أمريكا...

تعالوا نجرب نعرف حقوقنا ونحاول نحافظ عليها وهو هيحصل إيه
أكثر م اللي حاصل؟ ده ما يخدش الروح إلا اللي خافها وخلونا مرة
متخفش. وياريت نسيبنا من الأمثال اللي جابتنا لورا، ووبتنا في ستين
داهيه ووصايتنا للي إحنا فيه زي "مبش ندل نموت مستور" و"ضرب الحكومة
ضرب" و"السج للجدعان" و"إحنا الصحت ومعه الضمت" لأن لو كل واحد قالي

بأنه نفسي وساب حقه وإستني حد بجيبهوله لحد عنده ببقى يقابلني،
لأن زي ما المال الساب بيعلم السرقة برضه الحق الساب بيعلم الفساد
والضرب والحبس والتعذيب وساعات الموت من التعذيب. واللي
معرفش حقه ويدور عليه ويتمسك بيه ببقى يستاهل الضرب علي قفاه
"من غيرة مواظده".

وحقوق الناس كثير بس أهم حاجة هي حقوقنا لما بنتعامل مع
الشرطة. لأن في منطقتنا الحكومة عندنا هي 'البية المعاون' لأنه هو
اللي طالع نازل ولم الناس ويعمل لهم قضايا أو ينفذ عليهم أحكام ومعا
'البيوات الأمناء' و 'أعمامنا المخبرين' لأن همه دول 'محرك الشر' اللي
بيدلود عن كل حاجة في المنطقة همه و'الجماعة المرشدين' لكن ربك
والحق.. البية المعاون رغم إته ساعات بيبكون لساته طويل شويتين..
إلا إته بيعمل حاجات كويسه لما يلم العيال الأشقياء اللي يستحقوا
الحبس، لأنهم عاملين مشاكل مع طوب الأرض وعاملين قلق في
المنطقة وطلعين نازلين يعاكسوا البنات ع النواصي ويمكن يغزوا أي
حد بمطوة، وقاعدين يضربوا كيميا وهوا وحالتهم زبالة، ويبضايقوا ف
خلق الله بس ياريت سيادته يفرق ومايخدش العاقل بالباطل..

هنرد علي كل الأسئلة اللي محدش عاجز بردلكم عليها ونتمني إن
كل واحد يعرف إيه حقه ويطلب ويتمسك بيه وتعالوا نجرب ونشوف...
وأكد بعد ما تقروا الكتاب ده هتكتشفوا إن فيه ناس كثير أتضربت علي
قفاها من غير متعرف.

السؤال ع البطاقة

س: أعمل إيه لو حد من الشرطة وقفني في الشارع وسألني فمين
بطاقتك؟

ج: لازم تعرف هو مين الأول.

س: إزاي؟

ج: قول له تحت أمرك بس الأول ممكن أعرف مين سيادتك؟

س: معقول الظابط ولا الأمين لو حتي المخبر هيطلع لي الكارنيه بتاعه
أكيد هيشتمني لو هوضربني؟

ج: من حقا تعرف مين اللي بيسالك ، مش جازز يكون نصاب أو
حرامي عايز يشبك ويقلبك؟ والظابط لو حمس بك واثق من نفسه
وعارف حقوقك مش هيشتمك أو بهينك لو يضربك، لكن هيعاملك
كويس وبكل احترام .. ومتطلعش بطاقتك لأي حد إلا إذا طلع لك
الكارنيه، واناكدت إيه ظابط أو أمين أو مندوب شرطة، لأن
القانون للزم الشرطة إنهم يعرفوا الناس بشخصيتهم^(١) لكن البني
أتم لازم يفرق بين واحد واقف جنب قسم ولايس ميري ومعا
بوكس شرطة، وواحد واقف في حته مقطوعة وعامل كمين
عربية لجرة أو ملاكي وشكله مش ولايد.

١. مادة ٢٤ مكرر من قانون الإجراءات الجنائية مصققة بالقانون رقم ١٧٤ لسنة ١٩٩٨ الجريدة
الرسامة العدد ٥١ مكرر في ٢٠/١٢/١٩٩٨.

س: ممكن بطلع لي أي حاجة.. هو أنا عارف كارنيه الشرطة شكله إيه؟

ج: أول حاجة لازم تعرفها شكل الكارنيه.

كارنيه الضباط

وش



وظهر



س: من حقى لاسل على كارنيه الظابط حتى لو كان لابس مبرى؟
ج: من حقه تشوف كارنيهه وتتعرف على شخصيته سواء كان لابس
مبرى أو ملكى لأنه فيه حراميه ونصابين كثير بيلبسوا لابس
الشرطة ويعملوا على الناس ظباط ويقشطوهم.

س: مين من الشرطة من حقه يطلب بطاقتي؟

ج: الظابط وأمين ومندوب الشرطة حتى الخفير من حقهم يشوفوا
بطاقتك علشان يتأكدوا من شخصيتك. والبنى آدم السليم مايدفعوا
ولازم توريبهم بطاقتك لو حد منهم طلب يشوفها لأن القانون إدارى
للشرطة الحق ده.^(١)

س: من حقهم يشوفوا البطاقة فى أي وقت؟ ولا فيه مواعيد محدد
للسؤال عن البطاقة؟ ولو كانت بنت أو سيدة من حقهم يسألوه
عن بطاقتها؟

ج: من حق الشرطة تطلب البطاقة وتساك عنها راجل كنت أو سيدة
فى أي وقت بالليل أو بالنهار. علشان تتحقق من شخصيتك.

س: وإيه عقوبة اللي يتمسك فى الشارع من غير بطاقة؟

ج: يتعمل له مخالفة عدم حمل بطاقة غرامتها منقلش عن ١٠٠ جنيا
ومتزددش عن ٢٠٠ جنيه لكن ميتحبسش.^(٢)

١. مادة ٢/٥٠ من قانون الأحوال الشخصية رقم ١٤٣ لسنة ١٩٩٤.

٢. مادة ٦٨ و٦٩ من قانون الأحوال الشخصية رقم ١٤٣ لسنة ١٩٩٤.

س: من حق الضابط لو مكنش معايا بطاقة إنه يقبض عليا أو يفتشني أو يحبسني؟

ج: مش من حقه. لأن عدم حمل البطاقة مجرد مخالفة عقوبتها الغرامة ومش من حقه لا للقبض ولا للتفتيش ولا الحبس^(١) في حالة عدم حمل البطاقة.

س: هل من حق الشرطة يحبسوا شخص عنده بطاقة لكن نسيها في البيت؟

ج: مفيش حبس في عدم حمل البطاقة. لأنها مخالفة وعقوبتها غرامة مش الحبس، ومفيش حبس في المخالفات. وحاول تتصل بحد من أهلك أو من أصحابك يجيبوا لك البطاقة أحسن من المخالفة.

س: أعمل إيه لو حد من الشرطة بعد ما شاف بطاقتي سحبها أو خدّها مني ومرجعهاش ليني تاني؟

ج: ممنوع أي حد يسحب بطاقتك أو يحتفظ بيها لأنه لو عمل كده يبقى ارتكب جريمة في حقك والقاتون يعاقبه وتروح عمله محضر في القسم إنه أخذ بطاقتك بدون سبب.^(٢)

س: إيه الأوراق اللي تثبت الشخصية؟

ج: بطاقة الرقم القومي أو جواز السفر أو رخصة القيادة، وهي دي الحاجات اللي طالعة من وزارة الداخلية.

١. نكمن رقم ٤٩٥ لسنة ٥٨ في جلسة ١/٢٤/١٩٩٠م ٤١ من ٢١٤ حضري.

٢. المادة ٥٠ من قانون الأحوال الشخصية رقم ١٤٣ لسنة ١٩٩٤.

س: هل شهادة الميلاد تثبت الشخصية؟

ج: رغم إن شهادة الميلاد طالعة من وزارة الداخلية لكن مفوض عليها صورتك ومينفخس تثبت بيه شخصيتك.

س: هل عذ الجواز اللي عليه صورتى ينفع أثبت بيه شخصيتى؟

ج: لا مينفخس لأنه مش طالع من وزارة الداخلية.

س: هل رخصة تسيير السيارة لو باسمي تثبت شخصيتى؟

ج: رخصة السيارة عثمان العربية وترخيصها بم، ومفيش عليها صورتك ولا تثبت الشخصية.

س: لو كنت طالب أو طالبة في الجامعة ينفع كارنيه الجامعة يثبت

شخصيتى بدل البطاقة؟

ج: كارنيه الجامعة معقول عشان دخول الجامعة بم وميحلش محل البطاقة.

س: ايه السن اللي بتطلع فيه البطاقة؟

ج: البطاقة بتطلع لكل مواطن مصري بلغ سن ١٦ سنة معاه الجنسية

المصرية من مكتب المسجل المدني اللي ساكن تبعه وخلال فترة

سنة شهور من بلوغه ١٦ سنة.^(١)

س: ولية عقوبة اللي يبلغ ١٦ سنة وميطلش بطاقة؟

١. مذ ٤٨ من فكتور الأحوال المدنية رقم ١٤٣ لسنة ١٩٩٤.

ج : يتحبس مدة متردش عن ٦ شهور أو بغرامة منقلش عن ١٠٠ جنيه ومتردش عن ٥٠٠ جنيه.^(١)

س : أعمل إيه لو ضاعت بطاقتي أو بسرقت أو تلفت؟

ج : تطلع بدل فالفد أو بدل تلف من السجل المدني اللي إبتت ساكن فيه خلال فترة ١٥ يوم من ضياعها أو تلفها. ومن الأحسن لو بطاقتك ضاعت أو بسرقت تعمل محضر في القسم اللي ضاعت ف دابرتك بطاقتك علشان تخلي مسئوليتك. لكن مينفعش إن حد يكون معاه بطاقتين أو يتعامل بيهم في وقت واحد.^(٢)

س : بحصل إيه لو لقبت بطاقتي القديمة واستعملتها بعد ما طلعت بدل فالفد؟

ج : اللي يستعمل بطاقتين في وقت واحد يتحبس مدة متردش عن سنة أو بغرامة منقلش عن ٢٠٠ جنيه ومتردش عن ٥٠٠ جنيه، ولو كان سبب ضرر للغير باستعماله البطاقة القديمة يتعاقب بالعيس مدة منقلش عن ٦ شهور وبغرامة منقلش عن ٥٠٠ جنيه ومتردش عن ١٠٠٠ جنيه.^(٣)

س : أعمل إيه لو حد لقي بطاقتي واستعملها؟

ج : كل اللي يستعمل بطاقة شخص غيره يتحبس مدة منقلش عن سنة وبغرامة منقلش عن ٥٠٠ جنيه ومتردش عن ١٠٠٠ جنيه أو

١. مدة ٦ أشهر من قانون الأحوال المدنية رقم ١٤٣ لسنة ١٩٩١.

٢. مدة ٥٥ من قانون الأحوال المدنية رقم ١٤٣ لسنة ١٩٩١.

٣. مدة ٦ أشهر من قانون الأحوال المدنية رقم ١٤٣ لسنة ١٩٩١.

واحدة من العيوبتين، والتي يدي بطاقته لحد غيره عشان
بمتصلها بتعاقب بنفس العقوبة.^(١)

س: هل لازم يكون معايا بطاقة لو عاوز اشتغل في أي وظيفة؟
ج: لازم يكون معاك بطاقة وتكون سارية وصالحة لأن محدث هشفتك
من غير بطاقة، لأن أي صاحب عمل يشغل عنده حد من غير
بطاقة يتحبس مدة مترش عن ٣ شهور أو بغرامة متقلش عن
٢٠٠ جنيه ومترش عن ٥٠٠ جنيه.

س: أعمل إيه لو مسافر وعاوز أنزل في فندق ومفيش معايا بطاقة؟
ج: محدث يقدر ينزل في أي فندق لأن أي مدير فندق لو سكن عنده
نزول من غير بطاقة يتحبس مدة متقلش عن ٦ شهور أو يدفع
غرامة متقلش عن ١٠٠٠ جنيه ومترش عن ٣٠٠٠ جنيه.^(٢)

س: لو كنت مسافر أو عايش بره مصر ممكن أطلع بطاقة؟ ومين
أطلعها؟

ج: تقدر تطلع بطاقة من القنصلية المصرية في البلد اللي انت مسافر
فيها.^(٣)

س: هل البطاقة القديمة تنفع للوقت ولا لا؟
ج: البطاقة القديمة انتهى العمل بيها، وكل الناس لازم يكون معاهم
بطاقة الرقم القومي.

١. مادة ٧٣ من قانون الأحوال الشخصية رقم ١٤٣ لسنة ١٩٩٤.

٢. مادة ٧١ من قانون الأحوال الشخصية رقم ١٤٣ لسنة ١٩٩٤.

٣. مادة ٦٢ من قانون الأحوال الشخصية رقم ١٤٣ لسنة ١٩٩٤.

التوقيف (التحري)

س: يعني إيه تحري؟

ج : مفيش حاجة اسمها حد يتقبض عليه أو يتحبس تحري، لكن من حق الشرطة توقيف الناس اللي بيحطوا أنفسهم بمزاجهم في مواقف الشك والشبهة والريبة.

س: يعني إيه توقيف (تحري)؟

ج : يعني توقيف عابر سبيل في الشارع وسؤاله عن بطاقته وعن اسمه وعنوانه ورايح أين وجى منين، وده حق لأي حد من الشرطة بقدر عمله علشان يتحقق من شخصيته، بشرط إن الشخص يكون خط نفسه بمزاجه في موقف شك وريبة، لكن مش من حقه يخلده علي القسم ولا يقبض عليه أو يفتشه أو يستعمل معاه القوة لو يمس كرامته أو يعتدي علي حريته الشخصية، وببسموه بلفة القاتون الاستيقاف وبلغة ولاد البلد التحري أو التثبيت أو التوقيف، أو الحكومة مثبته فلان.^(١)

س: أعمل إيه لو حد من الشرطة وقفني وقاللي إحنا مشتبهيين فيك؟

ج : مفيش حاجة اسمها اشتباه لأن الموضوع ده انتهى من سنة ١٩٩٣ بعد ما حكمت المحكمة الدستورية بإلغاء الاشتباه في

١. منذ ٣٦٢ من تنظيمات العامة لتبليغات.

لنظر رقم ١٦٥٨٠ لسنة ٩٧ في جلسة ٢٠٠٠/٢/٢ اجتمعي.

لنظر رقم ٢٣٣٨٠ لسنة ٩٩ في جلسة ١٩٩٠/٤/١٢ اجتمعي.

الناس، ونقوله بكل نوق يا حضرة الظابط قاتون الاشتباه اتلفي
من سنة ٩٣ ومث من حق سولائك تخذني اشتباه.^(١)

س: يعني إيه حط نفسه في موقف شك وريبة؟

ج : يعني يكون مثلا ماشي بالليل بيلعب في كوالين العربيات المقفولة،
أو جنب أطفال المحلات المقفولة ويحاول يفتحها، أو شاول حاجات
زي أجهزة كهربية وعمل بتلفت بيمين وشمال، أو علي مدومه
أثر دم أو متعور أو حاول يجري أو يتداري لما يشوف عربية
للوكس أو الأتاري، أو يكون ماشي بيتطوح أو بيخن مخدرات أو
شاول سلاح... إلخ.^(٢)

س: هل ارتباك شخص لما يشوف الظابط أو الأمناء أو المخبرين يعتبر
موقف من مواقف المنك والريبة؟
ج : مجرد الارتباك فقط لا يعتبر من مظاهر المنك والريبة التي
تستوجب التوقيف.^(٣)

س: أعمل إيه لو طلعت لهم البطاقة وحاولوا يخدوني تحري ويودوني
القسم؟

١. حكم المحكمة الدستورية العليا بجلسة ١٩٩٣/١/٢ رنلة المستشار عوض محمد لمر.

٢. نفض ١٩٥٣/٣/٣٠ قواعد النفض ج ٢ رقم ٢٠ من ٩٢٩.

نفض ١٩٥٥/١١/٧ قواعد النفض ج ٢ رقم ٢٢ من ٩٢٩.

٣. قلطن رقم ١٧٦٢ لسنة ٣١ ق جلسة ١٩٦٢/١/١٠ من ١٣ ص ٢٣٩ جنقي.

قلطن رقم ١٢٨٧ لسنة ١٦ ق جلسة ١٩٧٧/٣/٢٨ من ٢٨ ص ٤١٦ جنقي.

ج : مفيش حاجه اسمها تحري لو بوديك ع القسم ولو كان شكك فيك
يتصل باللاسلكي اللي معاه، ويتأكد إن مفيش عليك أي أحكام لو
طالع لك ضبط وإحضار. لأن أي حكم ببصدر علي أي شخص
بينزل علي كومبيوتر وزارة الداخلية، حتي لو كان غولبي، لكن لو
كان عليك حكم أو طالع لك أمر ضبط وإحضار أو مسموك متلبس
بجريمة يبقى من حقه يقبض عليك ويفتشك ويخذك ع القسم.

س: أعمل إيه لو اللي موقفني صمم ياخدني ع القسم؟

ج : لو كنت فعلا في موقف اتوقفت فيه مبررات التوقيف، وكنت حظيت
نفسك بمزاجك محل شك وريبة أو طلعت مطلوب للتنفيذ عليك في
حكم أو لك أمر ضبط وإحضار، يبقى من حقه بوديك القسم علشان
يتأكد أنك الشخص المطلوب بدون ما يقبض عليك أو يفتشك.^(١)

س: أعمل إيه لو وقفوني وطلعت لهم البطاقة وأنا راجل سليم وقالولي

طلع اللي في جيوبك، وعاوزين يفتشوني؟

ج : لو إبت راجل سليم وإبت عارف بك سليم ومفيش عليك أي أحكام
ولا ليك ضبط وإحضار ومش مسموك متلبس بجريمة وشاف
بطاقتك. قوله بكل نوق ولعب يا حضرة الظابط أو يا حضرة الأمين
حضرتك طلبت البطاقة وريتها لحضرتك، وسياطتك راجل فتقون
وعارف أكثر مني إن التفتيش محتاج إذن من النيابة، ولو فتشتني

١. مادة ٣٦٣، ٣٦٢ من التعليمات العامة للنيابات.

نقض ١٩٥٧/١٢/٣٠ أحكام النقض س ٨ رقم ٢٧٣ من ١٩٩٨.

نقض ١٩٥٩/١/١٢ أحكام النقض س ١ رقم ١٦٨ من ٧٧٢.

هيكون تفتيشي إجراء مش قاتوني. ولنا متأكد إن رجل القاتون
مش ممكن أبدا يخالف القاتون.^(١)

س: أعمل إيه لو إستعمل معاي القوة وخلي للصابر اللي معاه تمسكني
وتفتشني بالعافية؟

ج: ده إجراء غلط وغير قاتوني ومش من حقه، والظابط لو حس إتك
عارف حقوقك كويس وإتك هتشتكبه للمأمور ولمفتش الداخلية
وإن المأمور ومفتش الداخلية لو عرفوا مش هيوافقوا أبدا علي
كده. وإتك مش هتتنازل عن حقك أبدا مهما حصل. وحاول يكون
معك شهود من الناس اللي ماشيين في الشارع علي تفتيشك
وشافوا اللي حصلك. لكن متغلطش أو يستفزك عشان ميعملكش
محضر تعدي علي موظف أثناء تلبية عمله. وأول ما توصل للقسم
تعمله محضر إته قبض عليك وفتشك وحجزك بدون وجه حق.

س: لو شتموني وركبوني البوكس بالعافية وخدوني علي القسم
وعملولي محضر تحري وحجزوني؟

ج: لو الظابط حس إتك راجل بتتكلم معاه بجد وبحسم ورجولة ومش
خايف منه. وإتك فاهم حقوقك كويس. مش هيفدك علي القسم من
أسلمه، لكن لو خدك علي القسم تطلب مقابلة المأمور أو نائب
المأمور واشرح له الموضوع وإن الظابط قبض عليك وفتشك من
غير داعي وبدون رضاك وبدون وجه حق. وإتك لجات له عشان

١. المادة ٤١ من دستور.

نفس ٤٤٩٥ لسنة ٥٨ في جلسة ١٩٩٠/١/٢٤ الحكمه النفس.

سيادته المسئول عن القسم بظباطه سواء كانوا مباحث أو نظام، لأن مأمور القسم رئيس القسم كله بما فيهم رئيس المباحث نفسه، ومتلاني المأمور راجل كبير ومسئول وقاهم حقوق الناس كويس. ومحاسب الظابط علي غلطه معاك، وهديك حقك وهيجازي الظابط أو الأمين أو المنسوب اللي غلط في حقك وتصمم تعمل محضر باللي حصلك ولو رفضوا بعملوك محضر في القسم عمله محضر عند مفتش الداخلية في مديرية الأمن أو تطلع ع النيابة.^(١)

س، أعمل إيه لو عملوا لي محضر تحري وحبسوني؟

ج ، مفتش حاجه اسمها محضر تحري و متمضيش علي المحضر وحاول تتصل بأي حد من قرابيك أو من أصحابك عشان يبعثوا تفرغات على طول لوزير الداخلية ولمفتش الداخلية والنائب العام ورئيس نيابة المنطقة اللي فيها القسم اللي انت ممسوك فيه. ويقولوا فيه إنك مقبوض عليك في القسم بدون سبب وبدون وجه حق. ويلاريت تكتب اسم الظابط أو الأمين اللي قبض عليك لو قدرت تعرف اسمه، ولو تعرف محلي خليه بجوك على طول ع القسم وأكد هبطلحك لو كنت سليم ومش متهم في قضايا أو عليك أحكام.^(٢)

١. المادة ٢٨٢، ٢٨٠ من قانون العقوبات لفرة ٢.

محضر ١٦٢٥٨ لسنة ٢٦٦ ق جلسة ١٩٩٨/٧/٢ الحكم للنقض.

٢. المادة ٢٨٢، ٢٨٠ من قانون العقوبات لفرة ٢، المادة ١٣٩ من قانون الإجراءات الجنائية.

طعن رقم ٣٠٥٥ لسنة ٨ ق جلسة ١٩٨٨ / ١١ / ٢٠.

س: إزاي بيهتوا التلغراف ويكتبوا فيه ييه ولمين بيهتوه؟

ج: بروحوا علي أقرب بوسطة فيها مكتب تلغراف ويكون معاهم بطاقة. وبيهتوا تلغرافات لمفتش الداخلية. ووزير الداخلية والنائب العام. ورئيس نيابة المنطقة اللي فيها لا قسم اللي بت فيه، وأهم حاجة يحافظوا علي إيصال التلغراف ويكون مثبت فيه التاريخ والساعة اللي اتبعت فيه التلغراف ومثبت فيه وقت القبض عليك.

س: إزاي اتصل بأهلي وأول حاجه بيخدها في القسم التليفون المحمول من أي حد بيمسكوه؟

ج: من حقت تتصل^(١) وصرق نفسك، وحاول تخلي أي عسكري من الحراسة اللي في القسم يتصل بأهلك، ولو دخلوك الحجز هتلاقي مع الناس اللي جوه الحجز تليفونات محمولة كتير.

س: إيه عنوان اللي هتبع لهم التلغرافات؟

ج: عنوان السيد المستشار النائب العام (القاهرة دار القضاء العالي بالجلاء)، عنوان السيد وزير الداخلية (القاهرة لاطوغلي مبنى وزارة الداخلية)، ومفتش الداخلية بيكون في (مديرية الأمن في البلد اللي بت ممسوك فيها)، عنوان رئيس النيابة بيكون في (نيابة المكان اللي بت ممسوك فيه) وعلي العموم بيكون موظف التلغراف عنده الضالون دي وممكن أهلك بيهتوا تلغراف بالتليفون، لكن لازم ياخدوا رقم التلغراف من عامل التليفون وميعاد إرساله.

١. مادة ١٣٩ من قانون الإجراءات الجنائية.

نموذج التفغراف

السيد / (المستشار النائب العام أو اللواء وزير الداخلية أو اللواء
مفتش الداخلية أو السيد رئيس نيابة.....)

تحية طيبة وبعد ...

فوجئنا بقيام السيد (الملازم أول أو النقيب أو الرائد أو.....) ومعه
قوة من قسم شرطة (العصرية أو الهرم أو.....) بالقبض على
شقيقي المدعو..... من منزله أو من الشارع أو من محله أو
من..... بتاريخ اليوم..... الموافق/...../٢٠٠٠ م الساعة... ليلاً
وقاموا بتفتيشه وإقتياده بالقوة بعد شل حركته، ونخسى تلقيب أي
تهمة إليه بدون وجه حق، برجاء التكرم بعمرعة التحقيق في الواقعة
وإخلاء سبيله والتحقيق في واقعة ضبطه وتفتيشه بدون إذن النيابة
للغامة واحتجازه وحبسه في قسم..... بدون وجه حق.

مفضلوا معول واحر الاحترام

مرسله لسياوتكم

الإمام/

الضولن/

رقم التليفون/

الفرق بين السؤال عن البطاقة والتوقيف (التحري)

س: إيه الفرق بين إن حد يوقفني علشان يسألني ع البطاقة وإنه يوقفني ويقول أنا مشتبّه فيك أو هخدك تحري؟

ج: السؤال علي البطاقة حق لأي حد من الشرطة علشان يتأكدوا من شخصية الشخص اللي بييسألوه عن بطاقته، وده إجراء إداري لحفظ الأمن والنظام في الشارع، ولو مفيش معاد بطاقة بعملونه محضر مخالفة في المكان اللي هو فيه من غير م يودوه علي القسم ولا يقبضوا عليه أو يفتشوه أو يحبسوه وبدون استخدام للقوة.^(١)

لكن التوقيف (الإستيقاف) بيكون للشخص عابر السبيل اللي خط نفسه بمزاجه في موقف شك وريبه ومن حقهم الاستعلام عنه باللاسلكي. ولو عليه أحكام مفتوحة، أو مطلوب القبض عليه بأمر ضبط وإحضار من النيابة أو المحكمة من حقهم اصطحابه للقسم، لكن لو مش مطلوب في حاجه لازم يسيبوه فورا من غير ما يقبضوا عليه أو يفتشوه أو يودوه ع القسم.

وفي الحالتين مش من حق أي حد إنه يهينك أو يعتدي علي جسمك أو كرامتك، وأي حد يتجاوز حدوده مهما كان يتحاسب علي غلطه في حقك، لكن لازم تتمسك بحقك وتشكي أي حد انتهك حقوقك أو أهتك أو شتمك أو ضربك أو حبسك أو فتشك بدون وجه حق.^(٢)

١. مصر ٤٤٩٥ لسنة ٥٨ ق ١٩٩٠/١/٢٤ أحكام لنقض.

٢. مصر ١٦٦٦/٥/١٦ أحكام لنقض م ١٧ رقم ١٠ م ٦١٣.

القبض

الحرية الشخصية حق طبيعي وأساسي لكل الناس. ولازم تكون متصلة ومحدث بمسها، ولا يجوز القبض علي حد أو تفتيشه أو حبسه أو تقييد حريته بأي قيد أو منعه من التنقل والسفر لأي مكان إلا لأمر ضروري لصالح تحقيق، ولحماية الناس والمجتمع، وبأمر من القاضي المختص أو من النيابة العامة المختصة ماعدا في حالة التلبس، ووفقا لأحكام القانون.^(١)

س: الكلام ده للبهوات بس ولا للناس الغلابة كمان؟

ج : المصريين قدام القاتون زي بعض. وليهم نفس الحقوق وعليهم نفس الواجبات، ومفيش تمييز بين الناس لا بسبب جنسهم ولا أصلهم ولا دينهم ولا عقبتهم.^(٢)

س: يعني إيه قبض؟

ج : القبض يعني ممك الشخص من جسمه، وتقييد حريته وحركته، وحرماته من حرية الحركة أو التجول.^(٣)

١. مادة ١١ من دستور. مادة ١٠ من قانون الإجراءات الجنائية.

ظمن رقم ٣٠٥٥ لسنة ٥٨ في جلسة ١٩٨٨/١١/٢٠.

٢. مادة ٥٠ من دستور.

٣. مقرر ٢١٢ لسنة ٢٩ في جلسة ١٩٥٩/٤/٢٧ أحكام للنظر من رقم ١٠٥ من ٤٨٢.

نظر ١٠٠٩ لسنة ٥٨ في جلسة ١٩٤٤/٥/٨ أحكام للنظر مجموعة الربع لمرز ج ٢ رقم (١) من ٦٣٠.

س: إيه الفترة اللي بيتحبس فيها المتهم لو تم القبض عليه؟
ج: من حى الشرطة قاتونا حجز المقبوض عليه ومتهم بجريمة فترة
من الوقت متزدهش عن ٢٤ ساعة فقط لمنعهم من الهرب، وسماع
أقواله فى محضر بقسم الشرطة، ولو قال اللي ببراءه بروحوه، ولو
مقلش اللي ببراءه يعرضوه على النيابة العامة المختصة عشان
تتصرف معاه، والنيابة إما تأمر بحبسه أو تروحه وتطلق
سراحه.^(١)

س: إيه حالات القبض؟
ج: القبض على أي إنسان أو حبسه لازم يكون بأمر من المحكمة أو
بأمر من النيابة المختصة، لكن لازم يتعامل معاملة كريمة تحفظ
عليه كرامته، ومحدث يهينه أو يؤذيه فى جسمه بأي صورة من
الصور^(٢)، وللقاضي أو النيابة الأمر بالقبض على المتهم الحاضر
أمامهم لو كان فيه دلائل كافية على اتهامه، فيتم القبض عليه فى
الحال^(٣)، أما لو كان المتهم غير موجود أمام القاضي أو النيابة
يطلع له أمر ضبط وإحضار ويتقبض عليه بمعرفة الشرطة أو
المحضر لو رفض تنفيذ أمر الضبط والإحضار فى الحال بمزاجه
و بالقوى.^(٤)

١. مادة ٣٦ من قانون الإجراءات الجنائية.

٢. مادة ٤٠ من قانون الإجراءات الجنائية.

٣. مادة ٣٤ من قانون الإجراءات الجنائية.

٤. مادة ٣٥ من قانون الإجراءات الجنائية.

لكن ممكن القبض على المتهم بدون أمر من النيابة أو المحكمة لو اتمسك متلبس بعمل جريمة (زي أنه يسرق أو يقتل أو يرتكب أي جريمة جنابة أو جنحة يكون حكمها الحبس أكثر من ٣ شهور)، وفيه دلائل قوية على إنه اللي ارتكب الجريمة.^(١)

س: مين من حقه يقبض على الناس؟

ج: النيابة والمحكمة من حقهم الأمر بالقبض على المتهم لو كان حاضر أمامهم^(٢) لو يأمرُوا بضبطه وإحضاره لو كان غير حاضر أمامهم، ومن حق الضباط والأمناء والصولات يقبضوا على المتهم المتلبس بجريمة بشرط إنهم يكونوا في دائرة اختصاصهم يعني في حدود القسم اللي شغالين فيه.

س: ليه الشرطة نازلة تقفوش وقبض وحبس في الناس، وتحبسهم فترة وبعد كده تطلعهم؟

ج: لازم نفرق بين التوقيف وتقبض، لأن القبض إجراء خطير جدا بيمس حرية الناس، والمفروض إن الشرطة متقبضش على حد إلا إذا كان متلبس بجريمة يزيد حكمها عن ٣ شهور حبس، أو يكون ليه أمر ضبط وإحضار من النيابة أو القاضي المختص، أو عليه حكم مفتوح وواجب التنفيذ^(٣)، وأي قبض يحصل في غير الحالات دي يكون إجراء باطل، ولو تم القبض في غير الأحوال

١. مادة ٣١ من قانون الإجراءات الجزائية.

٢. مادة ٣١ من قانون الإجراءات الجزائية.

٣. مادة ٤٣ من قانون الإجراءات الجزائية.

المسابقة يعتبر التي قبض عليه ارتكب جريمة في حقه، ولازم يملك
عنها علشان اللي غلط ياخذ جزاءه.^(١)

س: وإمتي يكون القبض صحيح؟

ج: لو كان فيه حكم من المحكمة واجب التنفيذ، أو كان صادر أمر
ضبط وإحضار من المحكمة أو من النيابة المختصة، أو يكون
المتهم ممسوك متلبس بجريمة يزيد حكمها عن ٣ شهور وفيه
أدلة كافية علي إن اللي ارتكبها الشخص الحاضر في مكان
الجريمة.

س: إمتي يكون القبض باطل؟

ج: يكون القبض باطل لو تم في غير الأحوال التالية:

- لو اتقبض علي شخص غير متلبس بجريمة (جنالية أو جنحة)
يزيد حكمها عن ٣ شهور حبس، أو بدون أمر ضبط وإحضار
أو لتنفيذ حكم واجب التنفيذ من المحكمة.
- لو تم القبض بأمر ضبط وإحضار منتهي مر علي صدوره أكثر
من ٦ شهور من غير ما يتجدد لمدة تالية من النيابة لو من
قاضي التحقيق.^(٢)
- لو كان أمر الضبط والإحضار صدر من نيابة غير النيابة
المختصة والتي تبعها تم القبض، ولم توافي عليه النيابة
المختصة. والتي نفذه كان خارج دائرة اختصاصه.

١. المادة ٢٨٠ ، ٢٨٢ من قانون العقوبات.

٢. مادة ١٢٩ من قانون الإجراءات الجنائية. مادة ٢٠١ من قانون الإجراءات الجنائية.

● لو أمر الضبط والإحضار غير موقع من مصدره أو يكون اسم المتهم كله غلط أو اسم اللي أصدره (وكيل النيابة) غير موجود أو مفكور فيه تاريخ صدوره.

● لو تم القبض خارج دائرة النيابة أو المحكمة اللي أصدرت أمر الضبط ولم يتم عرض المقبوض عليه علي النيابة اللي تم القبض في دايرتها ولم تتحقق النيابة من صحة البيانات الخاصة بشخص المقبوض عليه وأعلنته بتهمة المنسوبة ليه ولم تحرر محضر بذلك.^(١)

● لو تم القبض أو التفتيش بمعرفة مندوب شرطة أو عسكري لأن مش من سلطتهم القبض علي المتهمين.^(٢)

س: يحصل ليه لو كان التوقيف أو القبض باطل؟

ج : يبقى كل إجراء حصل بعدد ويكون مترتب عليه باطل. حتى التلبس يكون باطل لو كان أساسه مبني علي توقيف باطل. وبالتالي يبطل محضر الشرطة ومحضر النيابة وقرار الحبس الاحتياطي، لأن أي إجراء يترتب علي إجراء باطل بيكون باطل.^(٣)

س: ليه حقوق المواطن وقت القبض عليه؟

١. مادة ١٣٢ من قانون الإجراءات الجنائية.

٢. مادة ١٠٤ من القوانين العامة للنيابات.

٣. مادة ٣٣٦ من قانون الإجراءات الجنائية.

ج : حقوق المقبوض عليه هي :

- من حقه يعرف وفورا سبب القبض عليه أو اعتقاله،
وليه التهمة الموجهة ليه تحديدا.^(١)
- من حقه يتصل بأهله أو أي حد تقي ويعرفهم بآته مقبوض
عليه ويطلب مساعدتهم.^(٢)
- من حقه يتصل بمحاميه علشان يحضر معاه في القسم
والنيابة.^(٣)
- من حقه ومن حق محاميه يتظلم من القبض عليه، أو تقييد
حرية أمام القضاء أو النيابة.
- من حقه يفصل القضاء في نظمه خلال مدة محددة أو يفرج
عنه حتما.^(٤)
- من حقه ستر عورته وارتداء هيمه وعدم أخذه عريان بدون
ملابس لو تم القبض عليه من بيته.
- من حقه يعرف شخصية اللي قبض عليه واسمه ووظيفته.

١. مادة ٧١ من دستور، والمادة ١٣٩ من قانون الإجراءات.

٢. مادة ١٣٩ من قانون الإجراءات الجنائية.

٣. مادة ١٣٩ من قانون الإجراءات الجنائية.

٤. مادة ٧١ من دستور.

- من حقه إن محدش يضربه أو يهين كرامته أو إستاتيته أو يهدد وقت القبض عليه، وأي كلام يقوله تحت ضرب أو تهديد ملهوش أي قيمة.^(١)
- من حقه السكوت وعدم الرد علي أي أسئلة لو مش علوز برد عليها.
- من حقه ياخذ نواه لو كان بياخد أنوية، ومحدش يمنعها عنه.
- من حقه يطلبوا له الإسعاف لو كان في حالة تحتاج نقله لمستشفى أو لو كانت حالته حرجة.^(٢)
- مش من حق حد يستعمل معاه العنف لو مقاومش اللي بيقبض عليه، لكن من حق الشرطة تستعمل معاه العنف لو قاوم، لكن بالفدر المعقول بدون تعريض حياته أو سلامته للخطر الشديد.
- من حق أي محجوز في القسم تقديم شكوي للمامور في أي وقت، لتبليغها للنياية العامة.^(٣)
- مش من حق الشرطة إستجواب المتهم أو مواجهته بأدلة أو شهود عليه.

س: إزاي أقدر أتصل بأهلي أو بالمحامى بتاعي وأول حاجة بيعملها الظابط أنه بياخد التليفون المحمول على طول؟

١. مادة ٤٢ من الدستور، مادة ٤٠ من قانون الإجراءات الجنائية.

٢. مادة ١٣٣ من قانون الإجراءات الجنائية.

٣. مادة ٤٣ من قانون الإجراءات الجنائية.

ج : ده إجراء مش سليم من اللي بيقبض عليك، واتمسك بحقك لأن
مش من حق حد يمنعك من الاتصال بأهلك، وقوله مش من حقك
تمنعي من الاتصال بأهلي أو بالمحامى بتاعى.^(١)

س : فين ممكن يتم القبض؟

ج : القبض ممكن يتم فى أى مكان، ويقدرُوا يحجزوك فى اللوكس لحد
متروح ع القسم.

س : إيه المواعيد اللي مبنفعل فيها القبض على حد؟

ج : القبض ملوش مواعيد محددة، وممكن يتم فى أى وقت بالليل أو
بالنهار وبأى طريقة، لكن بدون المعاس بكرامة المقبوض عليه
أو تعريض حياته وسلامته للخطر.

س : إمتي تبدأ مدة ال ٢٤ ساعة اللي لازم يتم فيها عرض المتهم على
النيابة؟

ج : تبدأ من أول دقيقة بيتم فيها القبض عليه.

س : إيه الفرق بين القبض والحبس الاحتياطي؟

ج : الحبس بمعرفة الشرطة بعد القبض على المتهم لايزيد عن ٢٤
ساعة فقط فى قسم الشرطة ويتم عرض المتهم على النيابة.
ويوم آخر بمعرفة النيابة بعد العرض عليها، إما تلمر بحبس
المتهم بعد ذلك أو تلمر بإخلاء سبيله.^(٢) لكن الحبس الاحتياطي

١. مدة ١٣٩ من قانون الإجراءات الجنائية.

٢. المادة ١٣١ إجراءات جنائية.

يكون لمدة أيام أو شهور وبصدر من القاضي وله شروط خاصة جدا.

س: اعمل ليه لو حبسوني في القسم أكثر من ٢٤ ساعة؟
ج: لو حد قبض علي شخص أو حبسه أو حجزه بدون أمر من المختصين (النياية، المحكمة المختصة) وفي غير الأحوال اللي صرح بيها القانون واللوائح يتعاقب بالحبس أو بغرامة متزده عن ٢٠٠ جنيه^(١) ولو حد حجزك أو حبسك في القسم أكثر من ٢٤ ساعة بدون أمر من النياية أو المحكمة، يبقى ارتكب جريمة في حقك ويتحاسب عليها بتهمة حجز مواطن بدون وجه حق. علاوة علي إن أي إجراء يتم معاك بعد كده هيكون باطل وملهوش أي قيمة، لكن لو تم أي تعذيب تكون العقوبة السجن الممتد للشخص اللي حبسك مهما كانت رتبته أو وظيفته.^(٢)

س: إزاي أثبت إني محبوس بدون وجه حق؟
ج: لازم أهلك يتصلوا بالنياية فوراً، ويبعثوا تفرغيات ويطلعوا علي رئيس نياية القسم اللي إبت محبوس في دايرتها ويقدموا له شكوي بباتك محبوس بدون وجه حق في القسم، والنياية هتحقق فوراً في الشكوي وهتنزل تفتش القسم والحجز وتشوف دفاقر الحجز وأوامر القبض والحبس ويسألوك في محضر عن سبب

١- مدة ٢٠٠ من قانون العقوبات.

٢- مدة ٢٠٢ من قانون العقوبات.

ومدة حبسك، ولو كنت محبوس بدون سبب فيطلقوك فوراً
ويعملوا قضية للي حبسك بدون وجه حق مهما كانت رتبته، لكن
لازم توجه اتهام للشخص اللي حبسك بالاسم.^(١)

س: أعمل إيه لو كنت محجوز في القسم لكن بره الحجز عند المباحث
(في التلاجة)؟

ج : النيابة ورؤساء المحاكم لما بتيجي بتفتش القسم كله، وبتخلي
سبيل أي حد موجود في القسم ملهوش ورق أو أمر حبس، أو
موجود بدون سبب وبتعمل محضر بأي مخالفة تلاقيها، وتحاسب
المسنولين في القسم عن حبس الناس بدون وجه حق، وتقدم
الي حبسهم للمحاكمة ويكون المأمور مسنول مع الظابط اللي
حبسك لأن مأمور القسم مسنول عن كل القسم والناس اللي
فيه.^(٢)

س: أعمل إيه لو النيابة أو المحكمة أخلت سبيلي لكن الشرطة استمرت
في حجزني في القسم بعد صدور حكم بالبراءة من المحكمة أو
قرار إخلاء السبيل؟

ج : لازم تشتكي للمأمور وللنيابة التابع ليها القسم، لأنك في الحالة دي
بتكون محجوز بدون وجه حق، والنيابة لازم تتحرك وتفتش

١. مادة ٢٨٢، ٢٨٠ من قانون العقوبات، مادة ١٠٠، ١٠٣ من قانون الإجراءات الجنائية.

٢. مادة ١٣، ١١ من قانون الإجراءات الجنائية.

مادة ٢٨٢، ٢٨٠ من قانون العقوبات.

القسم وتحقق في شكوتك، ولو وجدوك في القسم بعد صدور قرار بالإفراج عنك يعملوا محضر لأي شخص حجزك بدون وجه حق ويتقدم للمحكمة.^(١)

س: أشتكي إزاي وأنا محجوز في القسم؟
ج: أي حد من أهلك أو لصحابك أو محلمك أو أي شخص يعرف بك محبوس بدون وجه حق، أو محجوز في مكان غير مخصص للحبس، يبلغ ويخطر أي حد من أعضاء النيابة العامة، ولازم النيابة العامة تنتقل فوراً للتحقيق في الموضوع، وتلزم بالإفراج عن أي شخص محجوز أو مسجون بدون وجه حق، وتحرر محضر بالواقعة وتقدم الشخص للتي حجزك للمحكمة.^(٢)

س: بعد ما فضح الإعلام موضوع حجز الناس وحبسهم بدون وجه حق في أقسام ومراكز الشرطة بقوا يخذوا ساعات شفق أو جراجات قريبة من القسم ويحجزوا الناس فيها علشان النيابة لما تفتش القسم متلاقيش حد محبوس من غير ورق؟

ج: لازم اللي يبلغ يكون عارف المكان اللي حاجزين فيه الناس بدون وجه حق كويس، والنيابة من حقها تفتش أي مكان يتبلغ لها بيان فيه حد محجوز أو محبوس بدون وجه حق، وتكون جريمة أكبر لو لقوا أي شخص محبوس في مكان غير مخصص للحبس، وأي

١. مادة ٢٨٠، ٢٨٢ من قانون العقوبات، مادة ٤١، ٤٣ من قانون الإجراءات الجنائية.

٢. مادة ٤٣ من قانون العقوبات.

حد من الناس يساعد أو يقدم للشرطة مكان لحجز وحبس الناس بدون وجه حق، النيابة بتقلمه معاهم للمحاكمة.^(١)

س: إيه مدة القبض الغير قانوني اللي تتعاقب عليها الشرطة بالقبض على الناس بدون وجه حق؟

ج: لو تم القبض لدقيقة واحدة بدون أمر قضائي أو في غير حالة تلبس يكون إجراء باطل ويستوجب العقاب.

س: ساعات النيابة لما حد يشتكي إن فيه ناس محبوسه في القسم بدون ورق وبدون وجه حق بيتصلوا بالتليفون بالمباحث علشان ينظفوا القسم من الناس دي والمباحث تطلعهم وتحجزهم في أي نقطة في القسم أو قسم تأتي لحد ما يخلص التفتيش؟

ج: صعب جدا يحصل كده من النيابة، لكن لو حصل يبقى النيابة ساعدت الشرطة في حجز ناس بدون وجه حق وده إجراء أصبح مستحيل يصدر من النيابة في الوقت الحالي.

١. مدة ٤٣ من قانون الإجراءات الجنائية والمادة ٢٨١ من قانون العقوبات.

التلبس

س: يعني إيه تلبس؟

ج: التلبس هو إن المتهم يتمسك وهو بعمل جريمته، يعني الظابط أو حد من الشرطة يشوف بنفسه المتهم ويمسكه وقت ارتكابه الجريمة أو بعدها على طول بوقت بسيط، زي إن المتهم يتفكش وهو يسرق أو يقتل أو بعد ما ارتكب الجريمة عطلول والناس بتجري وراءه وببشاوروا عليه وببصرخوا 'حرامي حرامي' أو 'هو ده القاتل'، أو كان شاول الحاجات اللي سرقها أو السلاح أو الحاجات اللي ارتكب بيها جريمته وبيجري بيها، أو كان علي هدومه آثار دم مثلا وتكون الحالة اللي عليها المتهم بتدل علي إته اللي ارتكب الجريمة أو شريك فيها.^(١) يعني زي ما بيقولوا بالبلدي 'الحرامي بشيلته'.

س: إيه شروط التلبس؟

ج: إن الظابط أو الأمين يكون شاف الجريمة بنفسه أو سمعها أو شمها وبطريقة سليمة ميكونش خالف بيها القاتون يعني ميكونش اتلصص أو اتصنت علي حد، أو سمع بيها من الناس أو حد أخبره بيها، لأنه مينفعش إن حد يكون قاله إته شاف الجريمة أو سمعها، لأن لو الظابط أو الأمين خلق حالة التلبس أو اتصنت

^١. مادة ٣٠ من قانون الإجراءات الجنائية.

على حد أو بص من خرم الباب يبقى مفيض حالة تلبس لأنه يبقى
عمل حاجة خارج القانون واقتنهك حرمت الناس بدون سبب.
وتبقى حالة التلبس باطله وكل إجراء ترتب عليها باطل.^(١)

س: إيه حالات التلبس؟

ج: إن المتهم يتمسك وقت ارتكابه الجريمة (ببسرقي أو ببقتل أو بببيع
أو ببشرب مخدرات إلخ..)، أو بعد ارتكابه الجريمة بلحظات
بسيطة على طول مع وجود علامات ودلائل قوية تدل على إته
هو اللي يرتكب الجريمة، يعني يشوفه الظابط ببسرقي أو ببقتل،
أو الناس بتجري وراه وبتشاور عليه وتصيح 'حرلمي حرلمي' أو
'هو ده للقتل'، أو شابل المسمروقات أو ورق أو فلوس أو أسلحة
وبيجري بيها تدل على إته اللي يرتكب الجريمة أو شريك فيها،
أو تكون ريحة المخدرات فايحة من المكان اللي قاعد فيه وهو
قاعد ببخشش على القهوة أو ماشي في الشارع سكران
وبينطوح، أو يكون على جسمه أو على هدومه آثار دم مثلاً تدل
على إته يرتكب الجريمة.^(٢)

١. الحكم في القضية ٧٧٠٤ سنة ١٩٩١ لظافر الحيرة والمقيدة ١٤٩٣ لسنة ١٩٩١ كلر بلادي
جلسة ١٩٩٢/٢/١٦.

ظافر رقم ٣٩٥ لسنة ١٠ في جلسة ١٩٤٠/١/١٥ مجموعة لأحكام الربع قرن بلد ٨ جنفي.

ظافر ١٩٢٥ لسنة ١١ في جلسة ١٩٤١/٦/١٦.

٢. مدة ٣٠ من قانون الإجراءات الجنائية .

س: إيه شروط القبض في حالة التلبس؟

ج: عشان يتم القبض في حالة التلبس لازم يتوافر شروط وهي:

- إن الجريمة تكون جنائية أو جنحة ببعاقب عليها القاتون بعقوبة الحبس أكثر من ٣ شهور، لأن مفيش تلبس في مخالفة أو جنحة الحبس فيها أقل من ٣ شهور.
- تكون فيه دلائل قوية علي إن المتهم المتلبس بالجريمة هو اللي ارتكب الجريمة، مثلاً يكون فيه بقع دم علي هدومه أو الناس بتجري وراه وتقول 'حرامي' أو 'هو ده القاتل' أو كان شاربل المسروقات أو يتمسك وهو بيرتكب الجريمة.
- يكون المتهم حاضر لأن لو كان المتهم غير حاضر يبقى مفيش تلبس وعلي الظابط إنه يطلع له إذن من النيابة بالضبط والإحضار عشان يقبض عليه.
- تقديم شكوي من صاحب الحق في الجرائم اللي لازم تقديم شكوي فيها من المضرور (مثل الزنا).^(١)

س: مين اللي من حقه يقبض علي المتهم في حالة تلبس؟

ج: من حق اللي ليهم سلطة الضبطية فقط من الشرطة يقبضوا علي

المتهم المتلبس بجريمة وهم (الظابط، والأمناء، والصولات،

والعمد ومشايخ البلاد، ومشايخ الخفر) بشرط يكونوا جوه دائرة

١. مادة ٣٩ من قانون الإجراءات الجنائية.

القسم اللي شغالين فيه، لكن مينفعش مندوب الشرطة أو العسكري يقبض على حد لو يفتشه لأن ملهمش سلطة الضبطية أو حتى ضابط يقبض على متهم متلبس بجريمة خارج دائرة اختصاص القسم اللي شغال فيه.

س: يعني إيه سلطة الضبطية؟

ج: اللي ليه سلطة الضبطية حددهم القانون على وجه التحديد وهم:

- أعضاء النيابة العامة ومعاونين النيابة.
- ظباط الشرطة من ملازم حتى لواء وأمناء الشرطة والصولات.
- رؤساء نقط الشرطة.
- العمد ومشايخ البلاد ومشايخ الخفر.
- نظار ووكلاء محطات السكة الحديد.^(١)

س: إيه سلطتهم في أحوال التلبس؟

ج: من سلطتهم القبض على المتهم، وتفتيشه، ويسمعوا أقوال الشهود الموجودين في المكان اللي حصل فيه الجريمة، ومن حقهم منع الناس الموجودين إتهم يسبوا أو يبعوا عن المكان اللي حصلت فيه الجريمة لحد ما يصلوا المحضر، ومن سلطتهم يستدعوا الناس اللي ممكن يستوضحوا منهم عن معلومات عن الجريمة.^(٢)

١. مادة ٢٢ من قانون الإجراءات الجنائية.

٢. مادة ٣٢ من قانون الإجراءات الجنائية.

س: هل من حق مندوب الشرطة او العسكري القبض على المتهم المتلبس بجريمة؟

ج: مش من حقهم القبض لأنهم مخدّمش سلطة الضبطية، لكن بقدروا يمسكوا المتهم المتلبس بجريمة عقوبتها الحبس والسلاح اللي معاه أو المسروقات اللي شايها ويسلموه لأقرب ظابط أو أمين شرطة في أقرب مكان أو يخلّوه على القسم بدون ما يفتشوه.^(١)

س: لو الظابط كان خارج دائرة القسم اللي شغال فيه من حقه القبض على الناس؟

ج: الظابط لو كان خارج دائرة القسم الي شغال فيه يبقى مش من حقه يقوم بالقبض على حد، حتى لو كان المتهم في حالة تلبس، ويكون للظابط زيه زى أى حد من الشرطة اللي ملهمش سلطة الضبطية، لكن بقدر يمسك المتهم ويسلمه لأقرب ظابط أو أمين شغال في دائرة القسم اللي حصلت فيه الجريمة بدون ما يقبض عليه أو يفتشه.^(٢)

س: يعني إيه دائرة اختصاصه؟

ج: يعني يكون في دائرة اختصاص القسم اللي شغال فيه، بمعنى إيه مينفعش ظابط شغال في قسم الهرم يقبض على حد موجود في دائرة قسم مدينة نصر أو العكس.

١. مادة ٣٨ من القانون الإجراءات الجنائية، مادة ١٠٤ من التعليمات العامة للنيابات.

٢. مادة ١٠٢ من التعليمات العامة للنيابات.

س: هل فيه حالات لا يمكن القبض فيها على متهم رغم وجوده في حالة تلبس بجريمة؟

ج: فيه حالات لا يمكن القبض فيها على المتهم رغم وجوده في حالة من حالات التلبس، لأن فيه جرائم لآرم الشخص المضرور أو صاحب الحق في الشكوي يتقدم بالشكوي للملطات، سواء كانت شكوي مكتوبة أو شفوي للظابط، زي جريمة زنا الزوجة مثلا لآرم الزوج يقدم شكوي في زوجته المتلبسة بالزنا مع راجل غريب، أو لو زوجة سرقت جوزها أو ابن بيسرق لبوه لآرم الأب يشتكي الأول، وفي جرائم المسب والقف، وفي الأحوال دي لا يجوز للشرطة القبض إلا بعد تقديم الشكوي من المضرور رغم وجود المتهم أو للمتهمة في حالة تلبس.^(١)

١. مادة ٣٩ من قانون الإجراءات الجنائية.

تسليم الأهالي

س: يعني إيه تسليم أهالي؟

ج: يعني لو الناس العاليين اللي مش من الشرطة شلفوا مجرم متلبس وهو بيعمل جريمة، جنائية، أو جنحة عقوبتها الحبس بقدروا بفقشود ويمسكوه بمعرفتهم، ويسيطروا عليه ويسلموه للقسم أو للمركز أو للنقطة، أو لأقرب ظابط أو أمين شرطة بدون امر بالقبض من النيابة أو المحكمة.^(١)

س: هل من حق الناس العاليين في الشارع يقبضوا علي حد لو كان متلبس بارتكاب جريمة؟

ج: مش من حقهم القبض، لكن من حق للناس العاليين في الشارع لو شلفوا حد متلبس بجريمة عقوبتها الحبس بمسكوه فقط بالحاجات اللي سرقها ويسلموه لأقرب ظابط أو أمين شرطة بالحدالة اللي يكون عليها، ويمسكوا السلاح اللي معاه ورتك به الجريمة لو الحاجات اللي سرقها ويحول بهرب بيها، وهو ده اللي اسمه تسليم الأهالي لكن ميعتبرش قبض.^(٢)

س: أعمل إيه لو شفت حد بيعمل جريمة؟

ج: القتون إلك الحق تمسكه، إذا كان بيعمل جريمة عقوبتها الحبس وتسلمه لأقرب ظابط أو أمين شرطة، أو لأقرب قسم أو مركز أو

١. مادة ٣٧ من قانون الإجراءات الجنائية.

٢. لكتنور محمد زكي لو علم ص ٣٦٨.

نقطة شرطة أو تثبته في مكان الجريمة وتطلب له النجدة، لكن متقبض عليه لو تفتشه.

س: لو الناس مسكوا المتهم متلبس بجريمة من حقهم يفتشوه؟

ج : مش من حقهم يفتشوه، لكن من حقهم يمسكوا السلاح اللي معاه لو كان معاه سلاح عشان ميعورش حد منهم، أو يعور نفسه. ويمسكوا الحاجات اللي سرقها أو الحاجات اللي بتدل علي إن هو اللي عمل الجريمة ويسلموه لأقرب ظابط أو أمين شرطة أو لأقرب قسم أو مركز أو نقطة شرطة بالحاجات اللي بتدل علي إنه اللي ارتكب الجريمة، والشرطة من حقها تفتشه لو الناس تثبته في مكانه وتسيطر عليه وتأخذ السلاح اللي معاه، ويطلبوا له النجدة علي رقم ١٢٢ والنجدة تخدمه ع القسم.

س: لو كان المتهم مخبي الحاجات اللي سرقها في هدومه؟

ج : مش من حقهم يفتشوه لكن يتحفظوا عليه بالحالة اللي هو عليها ويمنعوه برميها، لكن لو رمي السلاح أو المسروقات اللي معاه يخذوها ويتحفظوا عليها ويسلموها معاه للظابط أو لأمين الشرطة.

س: ليه الشرطة ساعات تبقى هي اللي ماسكة الحرامي وتصل له

المحضر علي إنه تم تسليم المتهم بمعرفة الأهالي؟

ج : لأنهم ساعات يمسكوا حرامي أو متهم ويضربوه ضرب شديد بعد القبض عليه، ويكون عليه آثار الضرب جامدة وواضحة، ولو

عرضوه علي النيابة بالضرب اللي فيه، النيابة هتعملهم مشكلة
علي ضربهم للمتهم، فيعملوا المحضر علي إيه تسليم أهالي
علشان يبقى الأهالي هم اللي مسكوه وضربوه وقت مسكهم
للمتهم من الشرطة، ومش معقول النيابة هتعمل محضر لأهالي
المنطقة كلها.

س: هل مفيش مسئولية علي الناس لو مسكوا حرامي أو واحد
عامل جريمة؟

ج: مفيش أي مسئولية عليهم ولا حاجة لأنهم بيكونوا شهود عليه،
والقاتون كفل لهم الحق ده.

س: لكن في القسم ممكن يعطلونا وقت طويل لحد ما يعملوا المحضر؟
ج: لو كل الناس خالفت من العطلة في الأقسام يبقى الحرامية
والعجرامين محدش هيمسكهم، وأكد للمرة الجاية هيمسرك ببت أو
حد من أهلك.

س: مفيش علينا مسئولية لو طلبوا منا نشهد علي المتهم في القسم؟
ج: مفيش أي مشكلة ع الشاهد طالما بيشهد بالحق والشهادة دي لله،
والمساكت عن شهادة الحق حرام عليه في حق نفسه وفي حق
الناس، وخلينا نخلص من العمال الأضيقا دي علشان البلد تتدفع
منهم ومن أذاهم للناس ونساعد للشرطة في تنضيف البلد من
شرهم.

س: لو الواحد مش عايز يشهد؟

ج: مش من حق حد يجبره على الشهادة.

س: ممكن كل شوية بيعتولنا في النيابة والمدكمة عشان نشهد؟

ج: محدش هيبعت لك، ولازم ننصف البلد من المجرمين والحرامية لأن

الشرطة مش هتقدر تعمل كل حاجة لوحدها.

الفرق بين القبض والتوقيف (الاستيقاف)

س: ليه الفرق بين القبض والتوقيف (الاستيقاف)؟

ج: التوقيف (الاستيقاف) يعني توقيف عابر سبيل في الشارع وسؤاله عن اسمه وعنوانه وعن بطاقته ورائحه فين وجاي منين وده حتى لأي حد من رجال الشرطة حتى لو كان مندوب أو عسكري أو خفير بشرط يكون الشخص حط نفسه بمزاجه محل شك وشبهه وريبه. والقاتون عظامهم الحق ده عشان يقدروا يمنعوا الجريمة قبل ما تحصل، وممكن الظابط يوقف الشخص لمجرد الاستباه فيه ويستعلم عنه بالجهاز اللاسلكي من القسم، عشان يتأكد من شخصيته وإن مفيش عليه أحكام، لكن بدون ما يفتشه أو يقبض عليه أو يحجزه ، ومش من حق الشرطة تستعمل القوة في التوقيف إلا لو الشخص الموقوف حاول الهروب أو المقاومة أو التعدي على الشرطة أو علي غيره.

لكن القبض لازم يكون بأمر من المحكمة أو النيابة للمدئصة فقط، أو في حالة من حالات التلبس بجريمة بيعاقب عليها القاتون بالحبس أكثر من ٣ شهور، بشرط اللي يقوم بالقبض ع المتهم يكون ليه ملاحظة الضبطية وفي داخل دائرة اختصاصه، وفي كل الحالات اللي بيجوز فيها القبض بيكون من حق الشرطة إتھا تفتش المقبوض عليه، لكن مش من حق الشرطة إتھا تفتش بيته

إلا بأمر من النيابة أو المحكمة ولازم يكون أمر تفتيش البيوت مسبب. ومن حق الشرطة تسمع أقوال المتهم ولو قال للي ببراءة تصرفه من القسم على طول، لكن لو مقلش للي ببراءة من التهمة المنسوبة ليه من حق الشرطة حجز للمتهم في القسم مدة متزددش عن ٢٤ ساعة فقط، وتعرضه على النيابة. وفي حالات القبض من حق الشرطة استعمال القوة لكن بالقدر المناسب عشان تسيطر على المتهم وتقدر تنفذ القبض.^(١)

س: هل ممكن التوقيف يتقلب لقبض؟

ج : ممكن مثلا لو اللطابط شك في شخص خط نفسه في موقف ريبية ووقفه عظماني بسأله عن بطاقته، ولثناء م للشخص الموقوف بيطلع بطاقته وقعت منه حاجة ولقطها للظابط ولقاها حاجة ممنوعة 'حشيش أو باتجو مثلا' يتقلب التوقيف لقبض (حالة تلبس) ويكون من حق اللطابط في الحالة دي به يقبض عليه ويفتشه.

س: ليه دائما في قضايا كثير قوي يتلرق حنة الحشيش أو باكتة الباتجو في بطاقة المتهم وهو بيطلعها للظابط وتقع على الأرض ويلقطها اللطابط فيلاتقها مخدرات؟

ج : السيناريو ده قدم قوي وبقي فيلم محروقي وكان بيلجا للحكاية دي بعض اللطابط فكلولي الحيلة والخبرة والضمير عشان يخلقوا حالة

١. مدة ٨٩ من التعليمات العامة للنيابات.

تلبس ويوجدوا مبرر قانوني للقبض والتفتيش، وطبعاً ده كلام غلط جداً ويبقى الطالب في الحالة دي وفق حالة التلبس للمتهم علي غير الحقيقة علاوة علي أنه قام بإجراء باطل يستوجب العقاب وهو القبض والتفتيش بدون وجه حق.

الفرق بين التثبيت (الامر بعدم التحرك) والقبض

س: إيه الفرق بين التثبيت والقبض؟

ج: أمر الشرطة للناس إنهم يشبثوا مكانهم وما يتحركوش في وجود حالة من حالات التلبس وده بيكون إجراء تنظيمي فقط علشان يستقر النظام في المكان ويقدر للظابط يقوم بمهمته اللي حضر علشان ينفذها^(١) ولا يعتبر الإجراء ده تقييد لحرية الناس أو قبض عليهم، مثلاً لو كانت الشرطة بتنفذ قبض على مجرم متلبس بجريمة وموجود في مكان عام زي كافيه أو قهوة، لكن لا تستعمل للشرطة القوة أو العنف في تثبيت الناس أو تقوم بمنعهم من التحرك باستخدام القوة، لكن للقبض بيكون فيه تقييد لحرية المتهم ومنعه من الحركة أو الهروب وبيجوز فيه استئصال للقوة.

س: لو حد من الموجودين اتحرك أو مرضيش يثبت في المكان؟

ج: من حق للظابط يعمل محضر مخالفه مترئس عقوبتها عن ٣٠ جنيه.

س: هل من حق الظابط يخله على القسم ووجده؟

ج: لا طبعا لأن أي مخالفه عقوبتها للفرامة مفيهاش حبس.

١. مادة ٣٢ من لقون الإجراءات الجنائية، مادة ٨٦ من تعليمات العامة للأوقاف.

الفرق بين القبض وطلب الحضور للقسم

س: إيه الفرق بين القبض وطلب الاستدعاء أو طلب الحضور للقسم؟
ج: من حق القضاة بدون إذن من النيابة أو المحكمة بيعتوا للناس طلب للحضور ويستدعوهم للقسم عشان يسألوهم في محاضر أو يسألوهم عن معلوماتهم عن جريمة حصلت^(١)، ومن حق الناس تروح أو مترواحش في الاستدعاء أو طلب الحضور للقسم، لكن مش من حق حد يستخدم العنف أو القوة لإحضار الناس للقسم في طلب الحضور.

لكن القبض بيكون بأمر من المحكمة أو بإذن من النيابة المختصة، أو يكون المتهم في حالة من حالات التلبس بجريمة تزيد عقوبتها عن ٣ شهور حبس، ويمكن استعمال القوة في تنفيذ القبض لو المتهم رفض التنفيذ بمزاجه وبالذوق أو حاول يهرب أو يقاوم الشرطة.^(٢)

١. مادة ٣٢ من قانون الإجراءات الجنائية.

٢. مادة ٤٠ من قانون الإجراءات الجنائية مادة ٨٤ من تعليمات فعلة للنيابات.

استعمال القوة والقبض على الناس بدون سبب أو داعي

(القبض بدون وجه حق)

الشرطة لديها حدود عشان تحبس حد أو تحجزه. ولو حد منها حبس مواطن بدون أمر من القاضي أو من النيابة العامة أو مكنش في حالة من حالات التلبس يبقى ارتكب جريمة و خالف للقانون. ويتعاقب عليها بالحبس أو بالغرامة.^(١)

س: أعمل إيه لو حد قبض علي من غير داعي أو بدون وجه حق؟
ج: أي حد قبض عليك من الشرطة مهما كانت رتبته وحبسك من غير داعي وبدون وجه حق، يبقى ارتكب في حقك جريمة. ومن حقك تعله محضر في القسم بانه قبض عليك أو فتشك أو حجزك بدون وجه حق. ودي جريمة متحقق فيها النيابة وتحاسب النظام أو الأمين أو اللي قبض عليك مهما كان وتقدمه للمحاكمة متهم.

س: إيه عقوبة اللي قبض علي حد وبحجزه بدون وجه حق؟

ج: يتحبس أو يدفع غرامه لاتزيد عن ٢٠٠ جنيه.^(٢)

س: هل معقول تكون عقوبة القبض على الناس وتفتيشهم وحجزهم

بدون وجه حق مجرد غرامة أقل من ٢٠٠ جنيه "يا بلاش"؟

١. مادة ٢٨٠ من قانون العقوبات.

٢. مادة ٢٨٠ من قانون العقوبات.

ج : هوه ده القاتون لكن لو تم أي تعذيب بدني للمتهم لو تم تهديده بالقتل عشان يعترف بأي شئ تبقي العقوبة للسجن المشدد^(١).
لكن لو مات الشخص المقبوض عليه من التعذيب يبقي اللي موته يتعاقب بعقوبة القتل العمد^(٢)

س: لو اللي قبض على طلع عامل ظابط أو لابس ملابس للشرطة؟
ج : تعمل له محضر على طول في القسم أو المركز اللي حصلك فيها الموضوع ده لأنه بيكون ارتكب جناية في حقك ويتسجن^(٣).

س: ولو كان خد مني فلوس عشان يسيبنى؟
ج : خد منك فلوس أو مخدش، القبض على الناس بقتحال صفة الشرطة جناية عقوبتها السجن المشدد، ولكيد هيكون عيل من العمال الحرامية اللي بتتصب على الناس ويعملوا عليهم ظباط ويثبتوهم ويقلبوهم، والمجرمين اللي بيقيموا بالموضوع بيكونوا سوابق ومعروفين في القسم وهتتعرف على صورة حد منهم والمباحث هتجيبه وتحبسه وهتجيبك الفلوس اللي خداه منك وأوعي تسبب حقك، والجريمة دي بلغة المباحث بيسموها بلاغ ثورة^(٤).

١. مادة ٢٨٢ من قانون العقوبات ، القسم ٢٦٤ لسنة ٢٢ في جلسة ١٤/٤/١٩٥٢ جنتي .

٢. مادة ١٢٦ من قانون العقوبات.

٣. مادة ٢٨٢ من قانون العقوبات.

٤. مادة ٢٨٢ من قانون العقوبات.

س: يعني إيه استعمال قسوة؟

ج : استعمال القسوة هو استخدام عنف غير مبرر بدون داعي علشان يؤلم للناس في شرفهم أو جسمهم مهما قلت درجته.

س: إيه عقوبة باستعمال القسوة؟

ج : كل موظف أو مستخدم عمومي وكل شخص مكلف بخدمة عمومية استعمال القسوة مع الناس اعتمادا على وظيفته بحيث أنه أخل بشرفهم أو أحدث آلاما بأبدانهم يعاقب بالعقوبن مدة لا تزيد على سنة أو بغرامة لا تزيد على مائتى جنيه مصريا مهما كان درجة الألم بسيط حتى لو تركش أي أثر على الشخص اللي تعذب.^(١)

س: حتي لو كان معذبش بنفسه؟

ج : كل موظف أو مستخدم عمومي أمر بتعذيب متهم أو فعل نك بنفسه لحمله على الاعتراف يعاقب بالسجن المشدد أو السجن من ثلاث سنوات إلى عشر. وإذا مات للمجنى عليه يحكم بالعقوبة المقررة للقتل عمدا^(٢).

١. مادة ١٢٩ من قانون العقوبات طعن ٢٦٤ لسنة ٢٢ ق جلسة ١٩٥٢/٤/١٤ جنقي.

٢. مادة ١٢٦ من قانون العقوبات.

طلب الحضور للقسم

س : أعمل إيه لو حد من الشرطة جالى البيت وقللى البيه المعاون عاوزك فى القسم؟

ج : مفيش حاجة اسمها البيه المعاون عاوزك ف القسم، لازم بيدك ورقه مكتوب فيها طلب حضور أو طلب استدعاء للقسم.

س : ينى إيه طلب حضور للقسم؟

ج : طلب الحضور للقسم هو طلب من ظابط فى القسم عشان تروح القسم يسألك فى محضر حد شاكيك فيه، أو لسؤالك عن معلوماتك فى جريمة حصلت.

س : إيه شكل ورقة طلب الحضور للقسم؟

ج : هى ورقة طالعة من القسم مطبوعة على نموذج ويمكن تكون مكتوبة بخط اليد لمقابلة ظابط فى القسم أو ف المركز أو ف النقطة بخصوص الرد على محضر أو شكوى أو بلاغ.

س : طلب الحضور للقسم بيبكون مختوم ولا لا؟

ج : طلب الحضور دايمًا بيبكون بدون ختم.

س : لازم أروح للقسم مع الشخص اللي جاب لى طلب الحضور؟

ج : إبت حر تروح أو متروحش فى طلب الحضور للقسم، لكن حاول تعرف إبت مطلوب فى إيه قبل متروح للقسم فى طلب الحضور.

س: أعمل إيه لو اللي جابلي طلب الحضور طلب مني بطاقتي بخد
معاه عشان بضمن تي أروح القسم؟

ج : مفيش حد من حقه يصحب بطاقتك أو بخدها ضماتة عشان تروح
القسم ولرفض تديله بطاقتك.

س: لو مروحتش في طلب الحضور. ممكن يخدوني ع القسم بالعافية؟
ج : ميقدرش حد يخدك في طلب الحضور للقسم بالعافية أو يقبض
عليك بالقوة.

س: إيه المسئولية لو مروحتش القسم في طلب الحضور؟
ج : مفيش مسئولية عليك لو مروحتش القسم في طلب الحضور. لكنهم
هيبعتوا المحضر للنياحة، ولو النياحة شاملة إيه لازم حضورك
هتبعثك طلب حضور للنياحة.

س: أعمل إيه لو جالي طلب حضور م القسم واللي جابيه كان مصمم
يخدني معاه؟

ج : من حقت متروحش معاه في نفس الوقت. لأنك حر تروح أو
متروحش، وممكن تستلم الطلب من الشخص اللي جاب لك طلب
الحضور للقسم. والأفضل إتك تبعت الأول محامي يكون معاه
توكيل عنك يعرف إيه الحكاية قبل متروح القسم في طلب
الحضور.

س: وليه أبعت محامي؟

ج : علشان يعرف إنت مطلوب في إيه قبل م تروح القسم. لأنك لو رحت بنفسك القسم الصبح بدرى في طلب الحضور وكان فيه حد شاكيك في محضر هيخدوا أقوالك في المحضر وبيعتوك علي النيابة، لكن لو رحت القسم بالليل ممكن يبيتوك ليلة في الحجز وبيعتوك ع النيابة تاتى يوم.

س : المفروض أعمل إيه في الحالة دي؟

ج : تبت محامى معاه توكيل عنك يعرف إيه الموضوع ويرد بدل عنك فى المحاضر.

س : لازم يكون مع المحامى توكيل منى علشان يرد عنى في المحاضر؟

ج : لازم يكون مع المحامى توكيل قضايا عنك علشان يقدر يعرف إيه الموضوع ويقدر يرد علي المحضر، لأنهم في القسم مش هيعرفوه أي حاجه عن المحضر لو مفيش معاه توكيل.

س : إيه هو توكيل المحامى وبطلع منين؟

ج : توكيل المحامى بيكون توكيل في القضايا فقط، وبطلع من أى شهر عقارى خلال ساعة.

س : لو حد معاه توكيل عام عنى يقدر يحضر للقسم ويرد علي المحاضر بدل منى؟

ج : مكنش حد غلب. لازم يكون محامى ومعاه توكيل عنك في القضايا فقط.

س: من حقّي بحضور معالي المحامى في القسم؟

ج : يجوز لمحاميك بحضور معك في القسم، ولو معاه توكيل منك **يقدر**

يحضر بدل منك في كل الأحوال ويرد على المحاضر بدل منك

القسم والنيابة و يحضر عنك في المحكمة بدون حضورك بنفسك

ما عدا بك تكون متهم في جريمة سرقة، وفي كل الأحوال محاميك

يَحْضُرُ مَعَكَ وَمُحَدِّثُ مَنْ حَقَّهُ بِإِصْلَاحِ بَيْتِكَ وَبَيْنَ مَحَامِيكَ. ^(١)

نموذج طلب حضور لقسم الشرطة

[illegible]

١. مادة ١١١ من التقديرات العامة للنفقات.

طلب الحضور للنيابة

س: إيه هو طلب الحضور للنيابة؟

ج : هو طلب شخص للحضور للنيابة في وقت محدد، وطلب الحضور للنيابة بيجيبه محضر أو أمين أو صول أو مندوب شرطة من النيابة أو من القسم، ومن حقت تروح أو متروحتش، أو تعتذر إذا كان عندك ظروف تمنعك عن الحضور، زي لو كنت مسافر أو مريض، لكن لازم تهت اعتذار يكون مقبول للنيابة وتقول فيه ظروفك عشان ميطلعش لك أمر ضبط وإحضار.^(١)

س: إيه الضرر لو جالي طلب حضور للنيابة ومروحتش؟

ج : مفيش مسئولية عليك لكن لو مروحتش ومقدمتش عذر تقبله النيابة، يطلع لك أمر ضبط وإحضار وتنفذه عليك الشرطة أو تقبض عليك المباحث، وتوديك للنيابة مقبوض عليك.

س: إيه شكل ورقة طلب الحضور للنيابة؟

ج : دي ورقة طلعة من النيابة للحضور لمقر النيابة لمقابلة عضو من أعضاء النيابة لسؤال شخص في محضر أو للإدلاء بالشهادة.

س: أعرف أراي إذا كنت متهم ولا مطلوب للشهادة؟

ج : بيكون مكتوب علي طلب الحضور إذا كنت متهم ولا شاهد.

١. مادة ١٢٧ من قانون الإجراءات الجزائية (٢٠٠١).

نموذج طلب حضور متهم للنيابة العامة

(رقم القضية) سنة (التاريخ القصة)

طلب حضور متهم

نحن رئيس النيابة العامة بمحكمة
الكتابة تكتب بأن يتعمد

.....
.....
.....
.....

أول المحمود رضى عليه التى ستعقد فى المحكمة
المذكورة فى يوم سنة ١٤
السادة المرافعى سادت لعدالة
.....
فى قضية اتهام
تجوزوا بالنسبة العامة من سنة ١٤
(.....)
(أتم الظاهر) رئيس النيابة العامة

نموذج طلب حضور شاهد للنياابة العامة

(استمارة رقم ٩٠ نياابة)

(رقم القضية ————— سنة —————) (نوع القضية —————)

طلب حضور شهود

نحن رئيس النياابة العمومية بمحكمة ————— الوطنية

الكائنات ————— نكلف ————— بأن يدعو

إلى الحضور فى جلسة ————— التى ستعقد فى المحكمة المذكورة فى يوم

سنة ١٤ (————— سنة —————) الساعة ————— أفرنجى صباحا

لسماع شهادت فى قضية

وإن تطلب عن الحضور فىعامل على مقتضى نص المادة ————— من قانون

تحقيق الجنايات .

تمريزا بالنياابة العمومية فى ————— سنة ١٤ (————— سنة —————)

رئيس النياابة العامة

[انظر ظهره]

ظهر طلب حضور متهم أو شاهد

في يوم _____ سنة ١٤ (_____ سنة) الساعة
أنا الواضع اسمي أدناه _____ بناء على أمر
النيابة العمومية المحرر بظهر هذه الورقة قد توجهت

مطبعة ديوان عام وزارة العدل [٢/٤٧٨

س: أعمل إيه لو جالي طلب حضور من النيابة؟
ج: المفروض تروح للنيابة لو مفيش عندك عذر مقبول تقبله النيابة العامة أو ممكن تبعت محامي معاه توكيل عنك عشان يعرف إيه الموضوع ويرد علي المحاضر بذلك.

س: الشخص اللي بيجيب طلب الحضور للنيابة ممكن ياخدني ع النيابة بالعافية؟

ج: مش من حقي حد يحك بالعافية لو بالقوة في طلب حضور للنيابة.^(١)

س: هو بيسلمني صورة من طلب الحضور للنيابة؟

ج: لازم يسلمك صورة من طلب الحضور للنيابة ويكون متحدد في ميعاد ومكان الحضور ومتقابل مين من أعضاء النيابة.^(٢)

س: إيه الفرق بين طلب الحضور للقسم وطلب الحضور للنيابة وأمر الضبط والإحضار والإعلان من المحكمة بالحضور لجلسة؟

ج: طلب الحضور للقسم إنت حر تروح أو متروحش بس المفروض تعرف إنت مطلوب في إيه قبل ما تروح لأن لو مروحتش هيبعتو المحضر من الأقدم للنيابة. أما طلب الحضور للنيابة إنت حر تروح أو متروحش لكن لازم لو مروحتش تقدم عذر

١. مادة ٣٧٠ من النظامت العامة للمبيلات.

٢. مادة ١٧٨ من قانون الاجراءات الجنائية.

مقبول للنياية لأنك لو مروحتش ممكن للنياية تطلعك أمر ضبط وإحضار ويجولك علي بيتك ويقبضوا عليك، وفي كل الأحوال يستحسن تبع محامي معاه توكيل عنك لأنك لو رحت للقسم بنفسك وكان فيه حد شاكيك هتخدوا أقوالك ويحبسوك ويبعتوك علي النياية ولو رحت للقسم بالليل ممكن يبيتوك في الحجز ويبعتوك للنياية تاتي يوم، أما الإعلان بحضور جلسة دي ورقة من النياية بيجيبها المحضر، ولأزم يكون مكتوب فيها التهمة المنسوبة للمتهم وميعاد الجلسة، ولو جالك ورقة حضور للنياية لأزم تمضي عليها وتتصل بمحاميك فوراً.

التكليف بالحضور لجلسة في المحكمة

س: إيه هو التكليف بالحضور لجلسة في المحكمة؟

ج : هو أمر من النيابة بتأمر فيه للمتهم وتكلفه إته يحضر جلسة في المحكمة لكن لو المتهم حضر من نفسه الجلسة يكون إتصحح عدم الإعلان للتكليف بالحضور لجلسة.^(١)

س: فيه مواعيد لتكليف الحضور لجلسة؟

ج : التكليف بالحضور لجلسة في المحكمة بيبكون قبل الجلسة بيوم في المخالفات و ٨ أيام قبل الجلسة في الجنايات و ٣ أيام في الجنح.^(٢)

س: إيه شروط ورقة التكليف لحضور جلسة في المحكمة؟

ج : لازم يكون مذكور فيها التهمة الموجهة للمتهم ونصوص اللقانون الذي بتعلقه علي الجريمة المتوجهة ليه.^(٣)

س: أعمل إيه لو جت ورقة التكليف ومكنتش موجود؟

ج : ممكن المحضر أو رجل الشرطة يسلمها لحد من أهل بيتك. ولو مفيش حد موجود يسلمها لمامور القسم والمامور يبلذك بيها.^(٤)

١. مادة ٢٣٠، ٢٣١ من قانون الإجراءات الجنائية.

٢. مادة ٣٧٤ من قانون الإجراءات الجنائية.

٣. مادة ٢٢٢ من قانون الإجراءات الجنائية.

٤. مادة ٢٣٤ من قانون الإجراءات الجنائية.

س: لو كنت موجود ورفضت استلم ورقة التكليف لحضور جلسة؟
ج: المحضر هيئت بك رفضت تستلم الأمر، وهيعن مأمور القسم التي
إنت تبعه، ويمكن يتحكم عليك غيابه. ولو كنت استلمت ورقة
التكليف بالحضور لو رفضت تستلمها وشافت المحكمة بن مفيش
سبب أو مبرر لعدم حضورك ممكن يتم الحكم عليك حضوري.^(١)

١. مادة ٣٢٨ من قانون الإجراءات الجنائية.

نموذج التكليف بحضور جلسة بالحكمة

الاستمارة رقم ٥٠٠ مائة ٥٠

رقم القضية سنة ... نوع القضية

طلب حضور منهم

نحن رئيس النيابة العامة بحكمه

الركائفة تكلف بأن يدعى

الى الحضور في جلسة ... التي ستعقد في المحكمة

المذكورة في يوم ... سنة ١٤ ... سنة

الساعة ... أفرجي صباحا للمحاكمة

مقتضى المادة ...

في قضية اتهام ...

محررا بالنيابة العامة في ... سنة ١٤

سنة ...

رئيس النيابة العامة

توقيع

الضبط والإحضار

س: إيه هو الضبط والإحضار؟

ج: الضبط والإحضار أمر طالع لشخص من النيابة أو من المحكمة بيكلفه بالحضور للنيابة أو المحكمة في ميعاد معين وبيكلف الشرطة بالبحث عن الشخص والقبض عليه وضبطه وإحضاره للنيابة أو للمحكمة لو رفض الحضور بمزاجه في الحال، وبيكلف مأمور السجن بقبول المتهم ووضعه في السجن لحين عرضه علي النيابة، ويمكن يكون أمر للضبط والإحضار مطبوع أو مكتوب بخط اليد، وبيكون مختوم وساعات كثير بيكون بدون ختم.^(١)

س: وإيه الحالات اللي بيطلع فيها أمر الضبط والإحضار؟

ج: حالات الضبط والإحضار:

- إن المتهم يكون عامل جريمة يجوز فيها حبسه احتياطيا.
- إذا إبتعته أمر تكليف بالحضور للنيابة ومحضرش بدون عذر مقبول للنيابة.
- لو كان المتهم ممكن بهرب.
- لو كان المتهم في حالة تلبس بجوز لقاضي التحقيق إيه يصدر أمر بضبطه وإحضاره، حتي لو كانت الجريمة لا يجوز فيها الحبس الاحتياطي.
- لو المتهم ملهوش عنوان أو سكن معروف.^(٢)

١. مادة ١٢٧، ١٢٦ من قانون الإجراءات الجنائية.

٢. مادة ١٣٠ من قانون الإجراءات.

س: وإمتي يطلع أمر الضبط والإحضار؟
ج: يطلع للمتهمين في الجنائيات والجنح فقط لكن منفض يطلع في المخالفات.

س: ومين اللي بينفذ أمر الضبط والإحضار؟
ج: أي حد من الشرطة أو المحضرين بينفذ أمر الضبط والإحضار، لكن للمباحث دليما هي اللي بتننفذه وبينم تسليم المتهم صورة من أمر الضبط والإحضار.^(١)

س: ويحصل إيه لو رفضت تنفيذ أمر الضبط والإحضار؟
ج: ممكن المباحث يخدوك بالعافية لو رفضت تنفيذ الأمر في الحال^(٢) أو قاومت ومن دقهم يستعملوا معك القوة لو حاولت الهروب أو المقاومة.

س: ولو تركت المكان اللي طالع في دابرتة أمر الضبط والإحضار؟
ج: أوامر الضبط والإحضار بتكون سارية في كل مكان في مصر.^(٣)

س: إيه مدة الحبس في القسم بعد تنفيذ أمر الضبط والإحضار؟
ج: لو تم القبض في الضبط والإحضار بمعرفة النيابة يبقى الحبس فيه موزن عن ٢٤ ساعة، لكن لو تم القبض والإحضار بمعرفة

١. مادة ٢٨ من قانون الإجراءات الجنائية، مادة ١٠٥ من تعليمات عملة للنيابات في الاستدلال
لحسنة.

٢. مادة ١/٢٢٧ من قانون الإجراءات.

٣. مادة ٢٩ من قانون الإجراءات الجنائية.

الشرطة بناء على أمر ضبط وإحضار طالع من النيابة أو المحكم
يبقى من حق الشرطة تحبس المقبوض عليه مدة متزنش عن
٢٤ ساعة فقط في قسم أو مركز الشرطة على ما تبعته للنيابة
ومن حق النيابة تحبسة ٢٤ ساعة بعد العرض عليها أو تخلى
مسيله. (١)

س: وإمتي يسقط أمر الضبط والإحضار؟

ج: يسقط بعد ٦ شهور من تاريخ صدوره لو متجددش من النيابة أو
للمحكمة لمدة أخرى. (٢)

س: هل أمر الضبط والإحضار ممكن بتجدد؟

ج: أمر الضبط والإحضار ممكن بتجدد بعد ما تنتهى مدة الـ ٦ شهور
من النيابة العامة لمدة تقيية. (٣)

س: أعمل ليه لو جالي حد وعاوز يضبطني بأمر ضبط وإحضار منتهى
المدة؟

ج: من حقت تعرض على تنفيذه لو كان أمر الضبط والإحضار منتهى
المدة ومضى على صدوره مدة أكثر من ٦ شهور، ويبقى فيه
عيب في الإجراءات في القبض عليك وضبطك وإحضارك ويمكن

١. مادة ١٣١ من قانون الإجراءات.

٢. مادة ٢٠١ من قانون الإجراءات.

٣. مادة ٢٠١ من قانون الإجراءات.

محاميك يستفيد ببطلان كل حاجة إقرنت على ضبطك بأمر ضبط وإحضار منتهى المدة.

س: أعمل إيه لو كانت حالتي الصحية تمنعني من تنفيذ أمر الضبط والإحضار بمزاجي وبدون القبض على من الشرطة؟
ج: تبلغ اللي بيخطر بك بأمر الضبط والإحضار عن حالتك وخطورة نقلك على حياتك أو تدهور حالتك الصحية، وعليه إنه يبلغ قاضي التحقيق بحالتك وقاضي التحقيق يقرن الموقف وبأمر فوراً بما يراه.^(١)

س: وإيه المواعيد اللي بيتم فيها تنفيذ أمر الضبط والإحضار؟
ج: ممكن ينفذوا أمر الضبط والإحضار في أي وقت بالليل أو بالنهار.
س: من حقهم يخدوني من بيتي في الضبط والإحضار؟
ج: ممكن يخدوك من بيتك أو من الشارع أو من القهوة أو من أي مكان تكون فيه.

س: هل من حقهم يخدوني عريان لو مسكوني من بيتي في تنفيذ أمر ضبط وإحضار؟ وإيه حكاية الناس اللي بينزلوهم ملفوفين في ملايات السرير؟

ج: مش من حق أي حد يخلك عريان من بيتك ومن حقك تلبس هدومك لأنهم لو نزلوك عريان من غير هدومك يبقوا ارتكبوا جريمة فعل

١. مادة ٣٣ من قانون الإجراءات الجنائية.

فأوضح على ذلك عرض ومن حقك تعلمهم محضر في القسم
باللي علوه فيك ولازم تبلغ للنسبة ولازم يكون معك شهود على
اللي حصلك. أما اللي بينزلوهم ملفوفين في الملايات بيكونوا
ممسوكين في قضايا دعارة.

س: وليه بنشوف ناس في الأفلام بيتخدوا عريقتين من بيوتهم؟
ج: في حالات خاصة زي قضايا الآداب بيكون لازم اثبات حالة
المقبوض عليه بالوضع اللي كان عليه وقت القبض، لكن ده في
قضايا الآداب فقط.

س: من حقهم يفتشوني لو كان معاهم أمر بالضبط والإحضار؟
ج: من حقهم يفتشوك لو كان معاهم أمر ضبط وإحضار، وإذا لقوا
معك سلاح أو أي ممنوعات تعتبر جريمة يعملوا بيها قضية لأن
من حق الشرطة التفتيش في الحالة دي وبيكون صحيح وتبقى
فيه حالة تلبس. لأن في كل الأحوال اللي بيجوز فيها القبض
بيجوز فيها التفتيش، لكن لو كان المقبوض عليه أنثي فلا يجوز
تفتيشها إلا بمعرفة أنثي زيها.^(١)

س: ممكن أمر الضبط والإحضار يتنفذ أكثر من مرة؟
ج: ممكن يجولك أكثر من مرة خلال ٦ شهور من صدور الأمر.
علشان ينفذوا الأمر بالضبط والإحضار لحد ما ينفذوه، لكن لو

١. مدة ٦: من لغون الإجراءات.

اتمسكت وانتفذ عليك الأمر بالضبط والإحضار وعرضوك علي النيابة والنيابة أخلت سبيلك وبقي مئ من حق حد ينفذ عليك الأمر بالضبط والإحضار لمرّة ثانية، إلا لو طلع لك أمر ضبط وإحضار جديد من النيابة لو من المحكمة.

س: وإيه الحاجات اللي أشوفها في أمر الضبط والإحضار؟

ج: لازم تتأكد إن أمر الضبط والإحضار فيه الأدلة التالية:

- إسم الشخص المتهم المطلوب ضبطه وإحضاره ولقبه وصناعته وعنوان سكنه.
- لازم يكون مكتوب فيه تاريخ طلوع أمر الضبط والإحضار.
- لازم يكون ممضي من مصدره (النيابة أو القاضي) ولو مكش ممضي يبقى باطل.^(١)
- لازم يكون فيه تكليف صريح للشرطة بضبط وإحضار المتهم لو رفض الحضور في الحال، لكن أمر النيابة للظلمة إته يعمل فيش وتشببه للمتهم لا يعتبر أمر بالضبط والإحضار.^(٢)
- يكون الضبط والإحضار أصل في النيابة.
- لازم يكون مذكور فيه التهمة المنسوبة للمتهم.
- لازم يكون مكتوب فيه المواد القانونية اللي بتجرم الفعل اللي ارتكبه المتهم المطلوب ضبطه وإحضاره.^(٣)

١. مادة ١٢٧ من قانون الإجراءات.

٢. لظن رقم ١١٩٩ لسنة ١٩٥١/١٢/١٣ مجموعة لربع لرمس ٩٧٢ جنتي.

٣. مادة ٢٧٥ من التعليمات العامة للنيابات في المسائل الجنائية.

س: ساعات الظباط بيقبضوا علي الناس وبعدين يطلقوا لهم أمر بالضبط والإحضار؟

ج : لو عرفت تثبت إنه تم القبض عليك قبل ما يطلقك أمر بالضبط والإحضار، يبقى الظابط ارتكب جريمتين ويتحاسب عليهم، الجريمة الأولى إنه قبض علي مواطن بدون وجه حق، والجريمة الثانية إنه حجز مواطن بدون وجه حق علاوة علي إن أي إجراء ه يتم بناء علي القبض بدون أمر من النيابة أو المحكمة لو قبل ما يصدر أمر بالضبط والإحضار ه يكون باطل وملهوش أي قيمة.^(١)

س: لقيت إزاي إن ملفيش أمر بالضبط والإحضار. أو إن القبض تم قبل ما يطلق أمر بالضبط والإحضار؟

ج : لو الظابط لو اللي قبض عليك رفض بوريك الأمر وهو بيقبض عليك تكلّي حد من أهلك أو محاميك بيمت تلفراف علي طول علشان تثبت الوقت اللي اتقبض عليك فيه كان قبل ما يطلق لك الأمر بالضبط والإحضار، ويكون مكتوب في التلفراف ميعاد إرساله من مكتب التلفراف.

س: لو الظابط نفذ أمر بالضبط والإحضار خارج دائرة اختصاصه؟

ج : يكون قبضه باطل وحاول يكون معاك شهود علي مكان ضبطك لأن لو تم القبض بره دائرة اختصاصه يبقى كل اللي لترتب عليه من إجراءات باطل ويتعرض للمسئولية.

١. مادة ٢٨٠ من قانون الإجراءات.

س: لو الظابط قبض علي حد وهو في وقت راحته لكن داخل دائرة القسم اللي شغال فيه يكون القبض صحيح؟

ج: يكون القبض صحيح مدام القبض تم داخل دائرة اختصاصه ومش مهم إنه يكون في مواعيد عمله لو حتي في وقت راحته.

س: إيه حق الظابط وهو ينفذ أمر بالضبط والإحضار؟

ج: من حق للظابط بأمر الناس الموجودين في المكان اللي فيه المتهم المطلوب القبض عليه إتهم ميتحركوش من مكانهم، علشان يتمكن من القبض علي المتهم اللي طالع له أمر بالضبط والإحضار وده لحفظ النظام في المكان وميعتبرش قبض علي الناس الموجودين.

س: مين اللي من حقه التمسك ببطلان القبض؟

ج: المقبوض عليه أو محاميه فقط اللي من حقه يتسكوا ببطلان القبض، لكن مينفعش يتمسك بيه أو يستفيد منه شريك المتهم المقبوض عليه.

س: وأتمسك بحقي ده أين؟

ج: تتمسك بيه قدام النيابة والمحكمة لكن مينفعش تتمسك بيه لأول مرة قدام محكمة النقض.

س: لو كان فيه قبض باطل والبنني آدم خاف من الضرب والبهلة واعترف بأي حاجة علشان يخلص من الضرب والبهلة؟

ج : أي اعترافات للمتهم على نفسه أو غيره اقررت على قبض باطل أو تحت أي ضرب أو تهديد يبقى باطلاً وملهاش أي لارمة حتى لو كان الاعتراف قدام النيابة ذاتها.

س : هل في كل الأحوال لازم يكون أمر الضبط والإحضار مكتوب؟

ج : ساعات وفي حالات نادرة جدا بيكون أمر الضبط والإحضار مش مكتوب.^(١)

س : هل ممكن أروح معاهم بعربيتي الخاصة ولا لازم أركب البوكس؟


ج : البوكس وعربيات الشرطة دي عربيات مخصصاها الدولة للناس والناس زي بعض قدام القاتون وأي حد يتمك من حق الشرطة تركبه البوكس ومفيش حاجة اسمها بروج بعربيته الخاصة.

نموذج للضبط والإحضار

الجمهورية العربية السورية
مديرية الأمن العام
مكتب الأمن العام
الفرقة الأولى
الفرقة الثانية
الفرقة الثالثة
الفرقة الرابعة
الفرقة الخامسة
الفرقة السادسة
الفرقة السابعة
الفرقة الثامنة
الفرقة التاسعة
الفرقة العاشرة
الفرقة الحادية عشرة
الفرقة الثانية عشرة
الفرقة الثالثة عشرة
الفرقة الرابعة عشرة
الفرقة الخامسة عشرة
الفرقة السادسة عشرة
الفرقة السابعة عشرة
الفرقة الثامنة عشرة
الفرقة التاسعة عشرة
الفرقة العشرون

١٩٦٩/١١/٢٤

١٢٣٠



١. بقدر ١٥٨٦ لسنة ٣٩ في جلسة ١٩٦٩/١١/٢٤ أمكام محكمة القضاة من ٢٠ من ١٢٣٠ ج.١.

الكعب الداير

س: يعني إيه كعب داير؟

ج: مفيش حاجة أسمها كعب داير. والموضوع ده قديم قوي وانتهى من زمان. وكنت الشرطة لما تمسك متهم تلففه علي مديريات الأمن والأقسام علشان تعرف إذا كان عليه أحكام لسه مفتوحة. أو مطلوب القبض عليه في قضية. والموضوع ده مش بيحصل في الوقت الحالي.

س: ساعات بنسمع إن ممكن الواحد يعملوا له كعب داير علشان يبهدلوه؟

ج: الكلام ده كان بيحصل قبل ما يدخلوا الكمبيوتر في وزارة الداخلية، لكن بعد دخول الكمبيوتر في جميع الأقسام بيكشفوا علي أي متهم في دقائق ومش محتاجين يلففوه علي المحافظات أو الأقسام زي زمان.

س: وليه بيبعتوا للمتهم ساعات علي القسم التابع ليه سكنه؟

ج: لو ظهر للمتهم بعد الكشف عليه أحكام مفتوحة واجبة النفاذ بيرسلوه علي القسم اللي مطلوب التنفيذ عليه علشان القسم يرسله للنزلة المختصة. لكن لو مفيش عليه أحكام ولا أوامر بالضبط والإحضار لازم يخلوا سبيله ويمشوه من القسم فوراً.

التفتيش

الحرية الشخصية للناس حق طبيعي مصان لا يُمس، ولا يتم القبض ولا تفتيش ولا حبس ولا تقييد حرية الناس ومنعهم من التنقل من مكان لمكان تأتي إلا بأمر من القاضي المختص أو من النيابة العامة ماعدا في حالات التلبس.^(١)

س: يعني إيه تفتيش؟

ج : التفتيش إجراء من إجراءات التحقيق التي تحصل في قضية حصلت بالفعل، مش لسه متحصل في المستقبل والنيابة بتحقيق فيها للبحث على دليل من أدلة الجريمة يوصل لكشف الحقيقة لإثبات الجريمة على المتهم التي ارتكبتها، وينسبوا ليه التهمة وممكن يكون بتفتيش المتهم شخصا، أو بتفتيش عريبته، أو محله، أو مكتبه أو بيته.^(٢)

س: أعمل إيه لو حد قللي إن معاه ابن بتفتيشي؟

ج : لازم تمسك أعصابك ومتترعش وتتمالك نفسك لمدة خمس دقائق فقط، وتتأكد الأول من شخصيته، وتطلب تشوف إن التفتيش اللي معاه لازم تتأكد من حاجات أساسية جدا في الإنن.

١. مادة ٤٩ من الدستور.

٢. مادة ٣١١ من التعليمات العامة للنيابات قسم الفصلي طبعة ٢٠٠٠ من ٥٨.

س: هوه الظبط هيرضي يوريني الإئني؟

ج : من حقك تشوف كارنيه اللي بيقتشك والإئني اللي معاه ولازم تقرأ كويس جدا، وده حقك ولازم تتمسك بيه، ومتخليش حد يفتشك إلا بعد ما تشوف الإئني وتتأكد إنه سليم وساري المفعول، وميكونش الإئني باطل أو منتهي المدة.

س: من حق الشرطة تفتيش المقبوض عليه؟

ج : في كل الأحوال اللي يجوز فيها القبض على المتهم بجوز فيها تفتيشه، لكن لو كان المقبوض عليه أنثي لايجوز تفتيشها إلا بمعرفة أنثي زيها.^(١)

س: والشرطة بتكلبش اللي بيتفتش؟

ج : من حق الشرطة تسيطر على الشخص اللي بيتفتش وتحدد من حركته وحرية بالقدر اللازم فقط علشان تقدر تقوم بالتفتيش وموطلش إجراءات التفتيش لو يرمي حاجة أو يهرب أو يعتدي على حد من الشرطة أو الناس الموجودين في المكان.^(٢)

س: هل بيكون مخصص في إئني التفتيش على القبض؟

١. مادة ٤٦ من قانون الإجراءات الجنائية.

لطن رقم ١٧٦٩ لسنة ٢٨ ق جلسة ١٣/١/٦٩ ص ٢٠ ص ٩٦ جنتي.

لطن رقم ١١٩٥ لسنة ٨ ق جلسة ٢٤/١/٩٩ ص ١ ص ٢١ جنتي.

٢. لطن رقم ٢٧ لسنة ٢٧ ق جلسة ٣/٦/٩٥ ص ٨ ص ٥٩ جنتي.

ج : مش شرط يكون إذن التفتيش فيه أمر صريح بالقبض علي الـتهم
المأذون بتفتيشه.^(١)

س : وإيه الحاجات اللي لازم لتأكد منها في إذن التفتيش؟

ج : لازم لتأكد من حاجات أساسية في إذن التفتيش وهي :

• لازم يكون الإذن مكتوب مش شفوي ويكون مبني علي تحريرات
جديّة.^(٢)

• الإذن يكون عن جنابة أو جنحة حصلت بالفعل مش لسه
هتحصل في المستقبل، ويكون فيه دلائل كافية علي إن المتهم
المأذون بتفتيشه هو اللي ارتكبها.^(٣)

• يكون الإذن صادر من النيابة المختصة أو من قاضي التحقيق
المختص ويكون الإذن في دائرة اختصاصها.

• يكون اللي بينفذ التفتيش معاه سلطة الضبطية وفي دائرة
اختصاصه مش خارجها.^(٤)

• لو كان الإذن طالع لتفتيش بيت لازم يكون الإذن مكتوب فيه
سبب التفتيش، وطبيعة الجريمة اللي بيتفتش للبيت بسببها.

١. نضر رقم ١٩٨٩ لسنة ٣٣ في جلسة ٢٨/١٠/١٩٦٣ ص ١٦٥ اجنقي.

٢. نضر رقم ١٩٧٣ لسنة ٧ في جلسة ٢٢/١١/١٩٣٧ مجموعة الربع قرن بت ١٣ ص ٢٩٢ جنقي.

نضر رقم ٥٠ لسنة ٣١ في جلسة ٩/١٠/١٩٦١ ص ١٢ ص ٧٤٤ اجنقي.

نضر رقم ٤٤٤ لسنة ٦ في جلسة ٢١/١٢/١٩٨٦ ص ٣٧ ص ١٠٥٩ اجنقي.

٣. نضر رقم ٤٤٤ لسنة ٦ في جلسة ٢١/١٢/١٩٨٦ ص ٣٧ ص ١٠٥٩ اجنقي.

٤. نضر رقم ١٨٦ لسنة ٦ في جلسة ١٧/٥/١٩٧٦ ص ٢٧ ص ٤٩١ جنقي.

- لازم وفي أغلب الأحوال يكون الإذن مكتوب مش شفوي ومتقباض به يقولك إن الإذن نمسه في القسم أو هتشوفه بعد ما بتفتشه.^(١)
- لازم يكون الإذن موقع بخط يد مصدره، وواضح فيه اسمه ووظيفته ولو كان الإذن مش موقع يبقى باطل وكاته غير موجود من أصله.^(٢)
- لازم يكون الإذن واضح وصريح به إن تفتيش مش مجرد سؤال متهم لو إستيفاء لمحضضر.
- لازم يكون محدد في الإذن الاسم الحقيقي لو اسم الشهرة للشخص المطلوب تفتيشه أو للأشخاص والأماكن المأذون بتفتيشها^(٣)، ومبين فيه نوع الجريمة المطلوب التفتيش لكشفها.
- لازم يكون واضح في الإذن إيه اللي مطلوب تفتيشه بالضبط يعني مكتوب فيه لو كان مطلوب تفتيش المتهم فقط أو تفتيش المتهم وعريبته، أو المتهم ومكتبه، أو المتهم ومحلته، أو المتهم والناس الموجودين معاه، لأن لو خرج التفتيش عن الغرض المأذون بيه يكون من حلك تعرض عليه، إن التفتيش

١. طعن رقم ١٦١٣ لسنة ٤٠ جلسة ١٣/٢١/١٩٣٤ مجموعة أربع لمرن بند ٢٠ من ٢٩٣ اجلتي.

٢. طعن رقم ٣٦٦ لسنة ٤٢ جلسة ٥/٢٢/١٩٧٢ من ٢٣ ص ٧٨٦ اجلتي.

٣. طعن رقم ٣٦٦ لسنة ٤٢ جلسة ٥/٢٢/١٩٧٢ من ٢٣ ص ١٧٧ اجلتي.

طعن رقم ١٦٦٢ لسنة ٢٨ جلسة ١١/١٣/١٩٥٩ من ١٠ ص ١٥٢ اجلتي.

يبقى في الحالة دي باطل واللي بيقوم بالتفتيش يكون انتهك
حريتك وخصوصيتك، ومن حقا ترجع عليه وتشكيه لو تجاوز
حدود الإذن اللي معاه.^(١)

- لازم تشوف وقت صدور إذن التفتيش والمدة المذكورة فيه،
ولازم تكون مدة الإذن محددة مش مفتوحة عطول، ولو كان
مش مذكور وقت ويوم صدور الإذن يبقى باطل.
- لازم يكون الإذن طالع لمدة محددة بالأيام أو بالساعات،
وتت حسب المدة لو كتبت بالأيام من اليوم التالي لصدوره، ولو
كان الإذن طالع بساعات تت حسب مدته من اليوم التالي لصدوره
ولو انتهت مدة الإذن من حقا تتمسك بحقا وتمتنع إن حد
بفتشك أو بفتش بيتك أو عربيتك بإن منتهى.^(٢)
- ميكونش حد نفذ نفس الإذن عليك قبل كده، لأن إذن التفتيش
ميصالحش للتفتيش غير لمره واحدة فقط.

س: مين اللي من حقه يقوم بالتفتيش؟

ج: من حق النيابة وقاضي التحقيق والظباط والأمناء والصولات
وشيوخ الخفر، يعني من حق الشرطة اللي ليهم سلطة للضبطية
فقط، لكن دايم اللي بيفتشوا بيكونوا من ظباط للمباحث.
س: هل يكون مكتوب في الإذن اسم الظابط اللي بيفتش؟

١. مادة ٣١٩ من التعليمات العامة للنيابات.

٢. من ١٤٨١ لسنة ١١ اى جلسة ١٩/٥/١٩٤١، طعن رقم ٢٣. السنة ١١ اى جلسة ٥/٥/١٩٤١

مجموعة أربع فون بند ١٨ من ٩٤ جنقى.

ج : مش لازم يكون مكتوب في الإذن اسم الظابط اللي بيقتش، ومن حق الظابط يستعين بزميله لمساعدته في التفتيش حتي لو كان ملهمش سلطة ضبطية، لكن لو كان الإذن طالع باسم ظابط محدد بالاسم، فلا يجوز ليه ندب غيره لتنفيذ التفتيش مادام الإذن مش عاطيه الحق في ندب غيره. (١)

س: اللي بيقيموا بتنفيذ إذن التفتيش من الشرطة بيكونوا لابسين ميري ولا ملكي؟

ج : ممكن يكونوا لابسين ميري وممكن يكونو لابسين ملكي، ويمكن يكون بعضهم لابس ملكي ومعاهم ناس لابسين ميري، ومتفرقش ميري ولا ملكي، المهم تتأكد من شخصيتهم ويكونوا شرطة ومعاهم إذن تفتيش سليم مش نصابين وعاملين عليك ظباط وعاوزين يقشطوك و يقلبوك.

س: من حق الصاكر والمخبرين ومناديب الشرطة تفتيش الناس؟

ج : الصاكر والمخبرين ومناديب الشرطة مش من حقهم التفتيش علشان ملهمش سلطة الضبطية. (٢)

١. لطن رقم ٣٤٣٤ لسنة ٣١ ق جلسة ١١/٦/١٩٦٦ م ١٣ ص ٥٣٢ ج٢.

لطن رقم ٧٥٧ لسنة ٣٧ ق جلسة ١٩/٦/١٩٧٦ م ١٨ ص ٨٣٨ ج٢.

لطن رقم ٥٤٧ لسنة ٣٩ ق جلسة ١٦/٦/١٩٦٩ م ٢٠ ص ٨٩٠ ج٢.

٢. لطن رقم ٧ لسنة ٣٦ ق جلسة ١/٥/١٩٥٦ م ٧ ص ٦٥٩ ج٢.

س: ولو كان اللي بيفتش البيت مندوب أو عسكري لكن معاهم ظابط وكاتوا هما اللي بيفتشوا مش الظابط؟

ج: الظابط من حقه يستعين بالناس اللي شغالين معاه في التفتيش بشرط يتم التفتيش تحت رقابته وإشرافه، لكن لو تم التفتيش في غير حضور الظابط وبدون إشرافه يكون التفتيش باطل لأن مش من حق المندوب وعساكر الشرطة التفتيش لوحدهم.^(١)

س: هل ممكن وكيل النيابة يقوم بالتفتيش بنفسه؟

ج: من حق وكيل النيابة يفتش بنفسه، لكن جرت العادة إن النيابة والمحكمة بيندبوا ظباط المباحث للتفتيش، ولو نزلت النيابة تفتش بنفسها بيكون معاهم قوة من الشرطة علشان تأمن المأمورية وتأمين المكان.^(٢)

س: لو النيابة قامت بالتفتيش هل بيكون مع وكيل النيابة إذن التفتيش؟

ج: ممكن وفي كثير من الأحوال بيكون معاه إذن التفتيش، لكن حتي لو قام وكيل النيابة بالتفتيش بنفسه، لازم قبل ما يفتشك تطلب تحقيق شخصيته وتتأكد إنه صحيح وكيل نيابة المنطقة اللي بيتم التفتيش فيها، وتطلب تطلع علي الإذن وتتأكد إنه سليم وساري المدة، ولو مفيش مع وكيل النيابة إذن بالتفتيش لازم يكون ثابت إذن التفتيش في أوراق التحقيق وإلا يكون تفتيشه باطل.

١. طعن رقم ٣٩١ لسنة ٣٩ ق جلسة ١٨/١/١٩٦٠ من ١١ ص ٧٩ ج٢.

٢. مادة ٣١٧ من التعليمات العامة للنيابات.

طعن رقم ٣٨١ لسنة ٢٠ ق جلسة ٨/١٠/١٩٥١ مصروعة الربع قرن بند ٦٣ ص ٣٩٩ ج٢.

س: ممكن القاضي يفتش بنفسه؟

ج : من سلطة قاضي التحقيق يفتش بنفسه أي مكان، ويضبط أي لورق أو أسلحة تمت بيها الجريمة أو نتجت عنها، ويفتش أي شخص أو منزل غير المتهم لو اقتضح له وجود دلائل قوية على إتهامه بوقوع الجريمة، أو أي شيء يفيد في كشف الحقيقة، لكن لازم تتأكد من شخصيته حتي لو قالك إتهامه قاضي.^(١)

س: إيه شكل إذن التفتيش؟

ج : إذن التفتيش بيكون مكتوب بخط اليد وموقع من وكيل النيابة أو من قاضي التحقيق وبيكون مختوم ختم النيابة وأحياناً بيكون بدون ختم، وللقانون مددش له شكل معين.^(٢)

س: وفيه بيتم تنفيذ الإذن بالتفتيش؟

ج : بيتم تنفيذ إذن التفتيش في أي مكان، المهم يكون في دائرة اختصاص النيابة أو المحكمة اللي مطلعاها ودائرة اختصاص اللي بتنقله.^(٣)

١. مادة ٩١ من قانون الإجراءات الجنائية.

مادة ٣١٧ من التعليمات العامة للبلديات.

٢. طعن ١١٢ لسنة ٥٠ في جلسة ١٩٨٠/٦/٩.

٣. طعن ٢٠٩١٠ لسنة ٤٤ في جلسة ١٩٧٩/٤/١٩.

نموذج لإذن تفتيش

بإسمه

السادة / م - س / الجارة

وتأريخه

بعد ان مللنا في معصر التحريات المصرية معروفة باسم /
 صاحب النوع /
 تاريخ اليوم

وهي اما نحن الى جهة واحدة ما اوردت من تعريات التي مرادى بغيرها
 منه اصدار هذه

في التاريخ

في التاريخ /
 حيث وجدنا ما احتد /
 ما هو في المصنف الفخاف المصنف بغير
 على ان يكون في كل نوع واحد من
 هو المدة في ان يكرر معصر ما كثره ان يعرفه في حينه

وتكلم الجارة

س: أعمل إيه لو الإذن بالتفتيش كات منتهية؟

ج : من حقا ترفض التفتيش عشان لا يجوز التفتيش بإذن تفتيش منتهي المدة، وأي دليل ينتج عنه ملهوش أي قيمة لو كان الإذن انتهى و متجددش لمدة تالية من النيابة أو المحكمة.

س: هل ممكن إذن التفتيش يتجدد لمدة تالية؟

ج : إذن التفتيش ممكن يتجدد من النيابة أو المحكمة لمدة تالية، ولو تم تجديده يجوز التفتيش بيه.^(١)

س: إزاي بتتحدد مدة الإذن بالتفتيش؟

ج : يوم صدور الإذن غير محسوب من المدة، وبتتحدد مدة الإذن ابتداءً من اليوم التالي لصدوره.^(٢)

س: هل ممكن لتفتش بإذن تفتيش واحد أكثر من مرة؟

ج : الإذن بالتفتيش زي عود الكبريت ومصاحش للتفتيش غير لمرة واحد فقط.^(٣)

س: إزاي بيتم تنفيذ إذن التفتيش؟

ج : القانون محدش طريقة معينة لتنفيذ إذن التفتيش، وترك طريقة التفتيش لتقدير المكلف بالتفتيش، وأعطي له الحق إيه يستعين

١. طعن ٢٤٣٧ لسنة ٢٤٤ ق جلسة ١٩٥٥/٢/٢٦.

٢. طعن ١٥٨٥ لسنة ١١ ق جلسة ١٩٥١/٥/١٩. طعن رقم ٢٣ لسنة ١١ ق جلسة ١٩٥١/٥/٥.

مجموعة أربع قرار بند ١٨ ص ٩٤ ختامي.

٣. مادة ٣٢٢ من التعليمات العامة للنيابات.

برجالته ومعاونيه في عملية التفتيش بحيث يكونوا علي رأي
منه وتحت إشرافه.^(١)

س: لآزم اللي بيفتش يدخل من الباب ولا ممكن يدخل من أي مكان؟
ج : من حق اللي بيفتش يدخل من أي مكان وممكن يدخل من الشباك
أو من السطوح أو من البلكونة.^(٢)

س: من حق اللي بيفتش يستخدم القوة في التفتيش؟
ج : من حق اللي بيفتش يستخدم القوة بالقدر المناسب علشان يسيطر
علي المكان، ويقيد حرية الشخص اللي بيفتشه من غير ما
يعرض حياته أو سلامته للخطر.^(٣)

س: من حق للظابط اللي بيفتش يخرج أي ممنوعات من أماكن عورة
المتهم؟
ج : يبقى ارتكب جريمة هناك عرض سواء كان المتهم اللي بيفتشن
راجل أو أنثي.

١. ضمن رقم ٩٠٧٦ لسنة ٦٠ جلسة ١١/٧/١٩٩١.

٢. ضمن رقم ٤٤٤ لسنة ٦٠ جلسة ١١/١٢/١٩٨٦ من ٣٧ ص ٥٩ جنقي.

٣. ضمن ٨٣٨ لسنة ٦١ جلسة ٢١/٢/١٩٣٨ مجموعة أربع فون بك ٩٥ ص ٥٣ جنقي .

٤. ضمن رقم ٤٤٧ لسنة ٣٤ جلسة ١٩/١٠/١٩٦٤ من ٥٩٧ جنقي.

٥. مادة ٣٣٩ من التعليمات العامة للنيابات.

س: هل ضروري يكون الشخص اللي بيتم تفتيش بيته موجود وقت تنفيذ التفتيش؟

ج : لا مش لازم يكون الشخص المتهم المأفون بتفتيشه موجود وقت إجراء التفتيش.^(١)

س: لازم يكون إذن النيابة مع الضابط اللي بيأتم؟

ج : في بعض الأحوال الفادرة ممكن التفتيش بدون ما يكون مع الضابط اللي بيأتم الإذن في يده وقت التفتيش لكن ده بيكون في أضيق نطاق ممكن، ولازم يكون الإذن مكتوب وله أصل في أوراق القضية اللي بيتحقق فيها.^(٢)

١. طعن ١٠٠٦ لسنة ٤٣ في جلسة ١٩/١٢/١٩٧٣.

طعن رقم ٨٠٦ لسنة ٩٩ في جلسة ١٣/١/١٩٨٩ س ١٠ ص ١٤٨ جنقي.

٢. طعن ٨٤٣ لسنة ٢١ في جلسة ٢٥/١٢/١٩٩١ س ١٢ ص ١٠٠٠ جنقي.

طعن ٩٧٧ لسنة ٤٠ في جلسة ١٢/١٠/١٩٧٠.

التفتيش الذاتي

س: إيه الحالات اللي يتفتش فيها البني آدم تفتيش ذاتي؟
ج: لو جاز القبض على شخص بقدر الظابط أو الأمين إيه يفتشه تفتيش ذاتي. أو يكون صادره إذن بالتفتيش من النيابة أو المحكمة، أو ممسوك في حالة من حالات التلبس بجريمة، لكن وفي كل الأحوال لو كان المتهم اللي هيتفتش أنثي لازم اللي تفتشها أنثي زيها بجيبها الظابط وينديها لتفتيشها.^(١)

س: وإزاي بيتم التفتيش الذاتي وبيفتشوا إيه بالظبط؟
ج: بيقوموا بتفتيش جسم المتهم وهدومه والحاجات اللي شايلها معاه والشنط اللي شايلها والحاجات اللي بيستعملها، زي عربيته الخاصة ومحلله أو مكتبه الخاص.^(٢)

س: أعمل إيه لو كنت ماشي في الشارع ومخبر من المباحث أو مندوب شرطة أو عسكري قللي إبت مشتبهِ فوك وعاوز الفتشك لو قللي طلع اللي في جيوبك؟

ج: المخبر أو المندوب أو العسكري من حقه إيه يطلب بطاقتك (تحقيق شخصيتك) فقط لو كنت حظيت نفسك بمزاجك في موقف شك

١. مادة ١/٤٦ من قانون الإجراءات الجنائية.

٢. مادة ٣١٢ من تعليمات العامة للنيابات.

نصن رقم ٧٦٢ لسنة ٣٩ ق جلسة ١٦/٦/١٩٦٩ ص ٢٠ من ٩١٠ جنائي.

نصن رقم ٣٧٨ لسنة ٤١ ق جلسة ٢٨/٤/١٩٧٤ ص ٢٥ من ٣٠ جنائي.

وربية، لكن لو طلب يفتشك أو تطلع اللي في جيوبك، لازم ترفض لأن المندوب والمخبر والصكري ملهمش الحق في تفتيش الناس أو يجبروهم علي تطلع اللي في جيوبهم، ولازم تتمسك بحقك وحريتك وكرامتك، وتقوله مش من حقك سيادتك تفتشني ومتسبهوش يفتشك أبدا. عشان مش من حقه يفتشك لأن الدنيا مش سايبه.

س: أعمل إيه لو كنت ماشي بالليل وكان فيه لجنة وفيها ظابط وقفني وطلب بطاقتي وحاول يفتشني بنفسه أو حد من القوة اللي معاه، أو قلالي طلع اللي في جيوبك؟

ج: من حقهم يشوفوا بطاقتك فقط، وأرفض إن حد يفتشك، وكلمهم بكل حسم ورجولة وثقة، وعرفهم إنك عارف حقوقك كويس، ومش من حق حد يفتشك بدون إذن من النيابة أو المحكمة أو من غير سبب طالما مفيش عليك حكم ولا طالعك إنن تفتيش ولا ممسوك متلبس بجريمة.

س: تعمل إيه الشرطة لو المتهم بلع حاجة ممنوعة (مخدرات مثلا)؟
ج: لازم تعرضه علي طبيب مختص وهو اللي يثبت إذا كان مخبي حاجة جوه جسمه ولا لا، بعد ما يعملوا له غسيل معدة في مستشفى حكومي.

من: تعمل إيه الشرطة لو كان المتهم مخبي ممنوعات في مكان حساس
من جسمه؟

ج : لازم الشرطة تعرضه علي طبيب، ومن واجب الدكتور إيه يستخرج
الممنوعات من جسم المتهم باعتباره خبير^(١) لكن مش من حق
أي حد من الشرطة إيه يلمس مكان العورة للمتهم حتي لو كان
راجل عشان يخرج من جسمه الممنوعات بنفسه، لأن دي تبقي
جريمة هتك عرض للمتهم ومن حقه يشتكي اللي هتك عرضه
مهما كانت رتبته.^(٢)

من: أعمل إيه لو كان طالع لي ابن تفتيش وطلبوا مني ألقع هدومي
الدخلية؟

ج : ترفض لأن مش من حق الشرطة تقلعك هدومك لأن ده يعتبر هتك
لعرضك، ولازم تثبته وتعمل بيه محضر، وحاول يكون معاك
شهود علي اللي حصلك.

١. تضمن رقم ٢٦١ لسنة ١٤١٤ ق جلسة ١٩٧٤/٤/٧ من ٢٥ ص ٢٧٨ ج٢.

٢. مادة ٣٣٩ من التعليمات العامة للشرطة.

تفتيش الأنثى

لو كانت اللي هتفتش أنثى يبقى لازم اللي تفتشها أنثى زيها
يندبها الظابط أو النيابة أو المحكمة اللي بتجري التفتيش. لكن لو كان
التفتيش هينم بدون تفتيش الأنثى تفتيش ذاتي فيجوز للظابط إنه يفتش
شئطتها بنفسه. ولو ممك الظابط اللي بيفتشها المعنوعات في إيد الأنثى
وفتح إيدها بالعافية يكون التفتيش صحيح. لكن مش من حقه إنه
يفتشها في أماكن لايجوز له الاطلاع عليها أو يشوفها أو يلمسها، أو
يقلعها هدومها.^(١)

س: أعمل إيه لو حد من الشرطة حاول يفتش مراتي أو بنتي أو أختي
أو أمي تفتيش ذاتي أو حاول يقلعها هدومها علشان يفتشها؟
ج: ترفض بشدة لأن ده شرفك ولازم تحافظ عليه، والظابط أو الأمين
أو أي راجل من الشرطة لو مد إيده ولمس أي مكان من أماكن
العورة للأنثى يبقى ارتكب جريمة هتك عرض، لأن السيدة أو
البنت لازم تفتشها أنثى زيها، ولازم تثبت حقك وحقها في
محضر، ويكون المحضر جامد قوي لو كان معاك شهود وشهدوا
بأن أي راجل من الشرطة فتنش أي ست تفتيش ذاتي أو يقلعها
هدومها بنفسه أو أمامه.

١. مادة ١/٤٦ من قانون الإجراءات الجنائية. مادة ٣٤٢ من تعليمات العامة للنيابات.

لطن رقم ١٠٦٨ لسنة ٤٥ في جلسة ١٩/١٠/١٩٧٥ من ٢٦ من ٥٩٦ جنقي.

س: لآرم اللى يفتش الأثنى تكون ظابطه شرطة؟

ج : مش شرط تكون ظابطه شرطة، وممكن تكون دكتوراه او ممرضة
من مستشفى او من السيدات اللى شغلين فى القسم او اى اثنى
ينديها الظابط للتفتيش.

س: ممكن الظابط يندب دكتور راجل من المستشفى عشان يفتش
أثنى؟

ج : يكون إجراء باطل لأنه لآرم اللى يفتش الأثنى تكون أثنى زيها مش
راجل مهما كان الوضع.

س: هل من حق الظابط يفتش شئونها بنفسه؟

ج : من حق الظابط يفتش شئونها ويفتحها لو كان معاه أمر بالتفتيش
أو كانت متلبسة بجناية أو بجنحة عقوبتها أكثر من ٣ شهور
حبس، ولو لقي فيها أى ممنوعات أو أى حاجة حيازتها تعتبر
جريمة يصلها قضية ويكون إجراؤه سليم.

س: ولو كدت الأثنى ملسكة حاجه فى إيدها من حقها بأمرها أنها تفتح
إيدها ويضبط اللى جواها؟

ج : من حق الظابط بأمرها بفتح إبيها، ومن حقها بفتح إيدها بالقوة
بنفسه لو رفضت تفتح إيدها بمزاجها، ولو لقي فيها أى
ممنوعات يعمل لها قضية لكن مش من حقها يفتشها تفتيش ذاتي
أو يفتش جسمها أو يفتحها هدمها.^(١)

١ - تضمن رقم ١٩٨ لسنة ٢٠٠٣ حنة ١٦/١١/١٩٦٤ من ١٥ من ١٩٦٨ جنتي.

س: هل ممكن يتم تفتيش الأنثي أمام الظابط؟

ج: ممكن يكون شايها وهي بتفتش ذاتي لكن بدون ما تطلع هدومها
أو ينكشف مكان من أماكن عورتها.

س: أعمل إيه لو طلبت الأنثي اللي بتفتش مراتي أو بنتي أنهم يخلعوا
هدومهم وهي بتفتشهم قدام الظابط؟

ج: ترفض تماما، لأن دي تبقى جريمة هنك عرض لأن كشف جسم
المرأة قدام الظابط أو حد من رجال الشرطة جريمة حتي لو
وافقت الست علي تفتيشها بمعرفته، ولو خلعت هدومها قدام
الظابط تحت ضغط أو تهديد يبقى تفتيش باطل، ومن حقك وحقها
ترفض ويبقى الظابط ارتكب جريمة هنك عرض ويتحاسب عليها
ويتحبس ويتجازي في شغله ولازم تعمله محضر هنك عرض في
النيابة.

س: أعمل إيه لو الظابط أو الأمين فتنش مراتي غصب عني وعنفا
بالعافيه في أماكن حساسة من جسمها تمس الشرف والحياء؟

ج: لازم تعمله محضر هنك عرض و يكون معاك شهود ويتحبس
الظابط أو الأمين بتهمة هنك عرض أنثي علاوة علي إن أي
حاجة هيلاقها ملهاش أي قيمة لأن الإجراء اللي قام بيه بتفتيشه
لأنثي باطل من أساسه وأي دليل ناتج من إجراء باطل بيكون
باطل.

س: تعمل إيه الشرطة لو كانت الأنثى مخبية إى ممنوعات جوه جسمها
فى مكان حساس؟

ج: مش من حق أى حد من الشرطة بخرج ممنوعات من جوه جسمها
أو يلمس جسمها من لاسه لكن من حقهم برسلوها لطبيب فى أى
مستشفى حكومى ويقوم الدكتور بإخراج الممنوعات بنفسه بصفته
خبير.

س: معقول حد فى القسم هيوافق بعمل محضر هتك عرض ضد ظابط
مباحث شغال فيه؟

ج: لازم تتمسك بحقك، ولو رفضوا بعملوك محضر تطلع على
المديرية وتقابل مفتش الداخلية وتروح تعمل له محضر فى
النوبة.

التفتيش في حالات الضرورة

س: يعني إيه حالة ضرورة؟

ج : يعني تفتيش فرضته حالة طارئة، ويتم فيها التفتيش بدون إذن من النيابة أو المحكمة وفي غير حالة من حالات التلبس، وبدون رضا الشخص لأن الظروف هي اللي فرضت الموقف.

س: زي إيه الحالات دي؟

ج : لو كان فيه شخص مصاب في حالة طريق ومضي عليه من حق المسعف اللي بيسعفه من رجال الإسعاف وفتشه قبل ما ينقل للمستشفى علشان يتعرف على شخصيته، ولو لقي معاه بالصدف أي ممنوعات (سلاح أو مخدرات مثلا) من حقه بمسكها ويتحفظ عليها، ومن حق المسعف تسليم الشخص والممنوعات اللي لقاها معاه بعد إسعافه لأقرب قسم أو ظابط أو أمين شرطة، وتبقى إتوجدت حالة من حالات التلبس، ولو الناس نقلوا شخص مضي عليه للمستشفى يكون من حق الموظفين في الاستقبال تفتيش ملابسه للتعرف على شخصيته ولو عثروا معاه علي أي ممنوعات يكون في حالة تلبس.^(١)

س: لو كان الشخص المصاب غير فاقد للوعي؟

ج : لو الشخص المصاب كان واعى لنفسه وغير فاقد للوعي يبقى مش من حق المسعف ولا غيره إته وفتشه.

١. مادة ٣٥١ من قانون الإجراءات الجزائية.

س: وليه الحالات الأخرى؟

ج : مثلاً لو كان شخص عامل حادثة بعربيته وحضر قلابط المرور أو مهندس المرور علشان يعاين الحادثة ويحدد التلقيات في العربيات وشاف أو لقي صدفه أي حاجة ممنوعة أو شم ريحتها في شنطة السيارة بفكر يمسكها ويعمل بيها محضر وتبقى حالة تلبس.

التفتيش بالرضا

س: يعني ليه تفتيش بالرضا؟

ج: يعني الظابط أو الأمين يطلب منك إنه يفتشك وإنت توافق علي تفتيشك بمزاجك لو توافق علي تفتيش بيتك أو مكتبك أو محلك برضاك أو برضا اللي ينوب عنك في المكان زي مراتك^(١) أو والدك المقيمين معاك في البيت، لكن مينفعش للرضا يكون من البواب أو الخدمة لو حد شغل عندك أو غير مقيم معاك في نفس المكان.

س: أعمل إيه لو حد من الشرطة طلب مني إنه يفتشني ومكنش معاي حاجة ممنوعة؟

ج: حتي لو مكنش معاك حاجة ممنوعة متوافقش أبدا حد يفتشك، لأنك لو وافقت تبقي ضيعت حقك وحريتك بمزاجك، لكن لو كنت غلوي تتفتش إبت حر، لأنك لو وافقت علي التفتيش بمزاجك يبقي اتنازلت عن حريتك أو عن حرمة بيتك ويكون التفتيش في الحالة دي سليم، ولو جت الطوبة في المعطوبة ولفوا معاك أي حاجة ممنوعة يعملوك بها قضية.

١. مادة ٣٤٥ من الشريعة العامة للنهالت.

المرن رقم ٧٧٣ لسنة ٢٩ في جلسة ١٥٩١/٦/٢٢ من ١٠:٤٤ حتى.

س: المخبرين والأمناء ساعات يخرجوا الواحد ويقولو له ملالم إنت سليم ومفئش معاك حاجة ممنوعة زعلان ليه وخليف من التفتيش؟

ج: المسألة مش مسألة إحراج للمسألة مسألة حقّي وحقك، وحرية وحقوقي الناس وخصوصيتهم وحرمتهم مش لعبة في يد المخبرين والأمناء، ولازم متحرجش من حد، لأن حقك لازم تتمسك بيه وعلمان الناس المخالفة من الشرطة تتعود علي احترام حرية وحرمت وحقوقي الناس.

س: الحل ليه لو رضيت بتفتيشي تحت الضغط والتهديد أو بالخوف من تلفيق قضية ليّ أو لحد من أهلي؟

ج: الرضا بالتفتيش تحت ضرب أو ضغط أو تهديد من الظابط أو المخبرين يبطل التفتيش من أساسه، ولازم يكون الرضا بالتفتيش قبل التفتيش مش بعده، والسكوت مينفعش يكون دليل على الرضا بالتفتيش، أو يكون الرضا بالتفتيش نتيجة خوف أو استسلام وإن الشخص اللي بيتفتش يكون على علم بأن اللي بيتفتشه لا يملك الحق في تفتيشه.^(١)

١. نضم رقم ٦٨٣ لسنة ٣٣ ق حنة ١٠/٢١/١٩٦٣م: ١٥ ص ٦٢٩ جنتي.

نضم رقم ٢٠٢٣ لسنة ٣٢ ق جلسة ١/١٩/١٩٦٣م: ١٤ ص ٤٣ جنتي.

نضم رقم ١٢١٠ لسنة ٣١ ق جلسة ١١/٦/١٩٣٤م مجموعة أربع قرن ست ١١٢ ص ١٦٦ جنتي.

نضم رقم ٨٩٦ لسنة ٢٩ ق جلسة ٤/١٧/١٩٢٩م مجموعة أربع قرن سد ١٦٧ ص ١١٢ جنتي.

س: لو مكنتش موجود في البيت وحد من الشرطة طلب من أهل بيتي
يسمحوا له بالتفتيش؟

ج: التفتيش بالرضا لازم يكون من صاحب البيت أو حد من أهله
المقيمين معاه في نفس السكن، زي والده المقيم معاه في نفس
البيت أو حد من ولاده الراشدين أو زوجته للمقيمة معاه في نفس
البيت حتى لو كان متجوزها عراقي، بشرط تكون مقيمة معاه
في نفس البيت.^(١)

س: لو كنت شغل في مصنع أو فندق لو عشتشفي من حق أمن شغلي
يفتشوني وأنا داخل وخارج؟

ج: ما دام قبلت تشغل في المكان ده وإنت عارف نظامه وإيه بيفتش
اللى شغالين فيه يبقى من حقهم يفتشوك، لأن ده نظام المكان
وإنت عارف وموافق بيه من الأول ولو ظبطوا معاك أى حاجة
ممنوعة يبقى التفتيش سليم برضاك وتبقى في حالة تلبس.^(٢)

١. لطم رقم ٢٠٦٨ لسنة ٣٧ في جلسة ١٩٦٨/٢/٥ من ١٩ ص ١٥٦ اجنقي.

٢. لطم رقم ٥٢١ لسنة ١٥ في جلسة ١٩٤٥/٤/٩ مجموعة فرموز سنه ١٧٦ ص ٤١٣ اجنقي.

تفتيش السيارات

س: أعمل إيه لو كنت ماشي بعربيتي والشرطة وقفتني وطلبت أفتح شنطة عربيتي؟

ج : مش من حق الشرطة تفتش شنطة عربيتك بدون إذن تفتيش وأرفض تفتح شنطة عربيتك لأى حد مفيش معاه إذن تفتيش ليك أو لمياريك.

س: من حق الشرطة تفتش صالون مياري الخاصة؟

ج : مش من حق الشرطة تفتش السيارات الخاصة بغير إذن من النيابة العامة أو من المحكمة أو في غير أحوال التلبس بجريمة أو بدون رضا أصحابها، أو حتي فتح أبواب السيارة.

س: لو كنت راكب داخل عربيتي من حقهم يفتشوها؟

ج : مش من حق الشرطة تفتيش عربيتك وإنت فيها، لكن لو كنت تاركها لفترة طويلة وباين عليها إتبا متروكة، من حقهم تفتيشها لو كانت مفتوحة ومفيش حد فيها وصاحبها سايبها أو شخص راكب عربية مش بتاعته ومفيش معاه رخصها أو سند ملكيتها أو توكيل من صاحبها من حق الظابط يوقفه ويفتشها.^(١)

١. لطن رقم ٧٤٧ لسنة ٢٩ في جلسة ١٩٦٠/٤/٤ من ١١ ص ٣٠٨ جنائي.

س: لو كنت راكب قطر أو أتوبيس من حق حد يفتشني أو يفتش شنتطي؟

ج: من حق الشرطة يفتشوا القطر أو الأتوبيس بس مش من حق حد يفتشك أو يفتش شنتطك إلا بانن من النيابة طالما كانت شنتطك معاك، لكن لو الشنطة جاتك وسالك دي شنتطك وقلت له إنها مش شنتطك يبقى من حق للظابط أو الأمين يفتشها على أساس أنها ملهاش صاحب.

س: ليه الشرطة بينزلوا الناس من الأتوبيسات ويفتشوهم ويفتشوا شنتطهم وهم مسافرين الغدقة أو شرم الشيخ مثلا؟

ج: ده إجراء مش قانوني وفيه تجاوز شديد واعتداء على حرية الناس وحرمتهم، ولازم ترفض التفتيش إلا بانن من النيابة أو إذا كان فيه حالة تلبس أو كنت موافق على التفتيش بمزاجك.

س: لو عربيتي مقلولة وراكنها تحت البيت هل من حق حد يفتشها؟

ج: مش من حق حد يفتشها إلا بانن من القاضي أو من النيابة.

س: ولو عربيتي كانت في جراج جوه بيتي؟

ج: في الحالة دي لازم تفرق بين جراج تحت عمارة ممكن أي حد يدخله بقي من حقهم يفتشوها، لكن لو كانت في جراج جوه بيتك يبقى لازم أمر تفتيش للبيت لأن الجراج الملحق للبيت يعتبر له نفس حرمة وشروط تفتيش البيوت.

التفتيش في القسم

س: هل من حق الشرطة يعملوا قضايا للناس من جوه القسم؟
ج: في القسم من حقهم يفتشوا أي حد مقبوض عليه، أو يدخل الحجز لأي سبب علشان يكونش معاه سلاح يعور بيه نفسه أو يعتدي بيه على حد من الشرطة أو المحجوزين في الحجز علشان يتقوا شر المتهم المقبوض عليه ولو لقوا معاه أي ممنوعات يعملوله محضر بيها.^(١) وده بيكون تفتيش وقائي.

س: وينسمع إتهم بيعملوا محاضر من جوه الحجز؟
ج: من حق القباط يفتشوا أي حد موجود في الحجز ويفتشوا ملابسه ويضبطوا أي ممنوعات معاه طالما كان محجوز بشكل قانوني، ولو لقوا معاه أي ممنوعات يبقى في حالة تلبس ومن حقهم يعملوله قضية ويعرضوه بيها على النيابة.^(٢)

س: هل من حق الشرطة تفتيش الإلث المحجوزين في حجز القسم؟
ج: لو أي راجل من الشرطة فتش أي سيدة أو بنت تفتيش ذاتي أو مجرد لمس جسمها في أماكن العورة يبقى ارتكب جريمة هناك عرض حتى لو كانت محجوزة جوه حجز القسم.

س: إزاي يفتشوا الحريم المحبوسين في الحجز؟
ج: لازم يندبوا أنثي لتفتيشهم.

١. منذ ٢٥١ من التعليمات فعلة لتدابلات.

لغمر رقم ٥٠٦ لسنة ٥٥ في جلسة ١٩٨٦/١/٢٩ من ٢٧ من ١٦٢ اجنتي.

لغمر رقم ٤٢٣ لسنة ٤٣ في جلسة ١٩٧٣/٦/٤ من ٢٤ من ٧١٩ اجنتي.

٢. لغمر رقم ٤٢٣ لسنة ٤٣ في جلسة ١٩٧٣/٦/٤ من ٢٤ من ٧١٩ اجنتي.

تفتيش البيوت

للبيوت حرمة، ولا يجوز لأي حد إته بدخل بيت أو يفتشه إلا بأمر من النيابة العامة أو من المحكمة المختصة، ويكون أمر التفتيش مسبب، وأي حد بدخل بيت أو يفتشه بدون أمر قضائي يبغي ارتكب جريمة انتهاك حرمة مسكن.^(١)

س: أعمل إيه لو كنت في بيتي ولقيت حد من الشرطة خبط علي الباب وعاوز يفتش بيتي؟

ج : لازم تتمالك نفسك ومتخفش وتتحدى الأول من شخصيته وتشوف كارييهه وتعرف هو مين وببشغل إيه وفيه وتطلب منه يوريك أمر للتفتيش الأول قبل ما تتخله بيتك عشان يفتشه.

س: إيه هو البيت؟

ج : للبيوت حرمة، والبيت هو كل مكان خاص بيقم فيه الإنسان فترة من الزمن طويلة كانت أو قصيرة بصفة دائمة أو مؤقتة، وأي حاجة تتبع البيت وملحقة بيه تعتبر بيت وليها نفس حرمة البيت، ولو كان ملحق بالبيت حديقة أو مخزن أو حظيرة مواشي أو دواجن أو جراج للعربات تعتبر بيت وليها نفس حرمة البيت،

١. مادة ١١١ من الدستور.

مادة ٩١ من قانون الإجراءات الجنائية.

مادة ٣٢٠ من التعليمات العامة للاداب في مسائل الجنائية.

وأي مكان خاص بيقضي فيه الإنسان فترة من الوقت حتي لو كان لفترة محدودة أو قصيرة زي عيادة الدكتور ومكتب المحامي تعتبر بيت، لكن مفيش حرمة للمزارع والحقول الغير ملتنصفة وملحقة بالمنزل والبيوت.^(١)

س: هل شقة المصيف اللي بيقيم فيها الشخص فترة بسيطة من الوقت كل سنة تعتبر بيت ولها نفس حرمة البيوت؟
ج: شقة المصيف تعتبر بيت ولها نفس حرمة البيت.

س: إيه هي الحالات اللي ممكن يفتشوا فيها شقتي أو بيتي؟
ج: لازم يكون معاهم إذن تفتيش مسبب من النيابة العامة أو المحكمة المختصة، ويكون اللي بيقوم بتنفيذ إذن التفتيش في دايرة اختصاصه ومش خارجها ويكون الإذن سليم وغير منتهي المدة، ومتوافقش على التفتيش إلا في حالة وجود أمر تفتيش ومكتوب فيه سبب التفتيش وصائر من القاضي مخدس أو من النيابة العامة لأن الدستور والقانون حمى حرمة بيتك ومحدث بقدر بمصها إلا بأمر قضائي مسبب.^(٢)

س: أعمل إيه لو حد حاول يفتش بيتي بالعافية من غير أمر بالتفتيش؟
ج: تزعى وتلم عليه الجيران والناس اللي ماشيه في الشارع تشهدهم عليه بأنه انتهك حرمة بيتك وارتكب جريمة انتهاك حرمة مسكنك وتعمله محضر عطلول وتطلب النجدة علي ١٢٢ عشان تثبت حالة.

١. مادة ٣١٣ من التعليمات العامة للنيابات في المسائل الجنائية.

٢. مادة ٣٢٠ من التعليمات العامة للنيابات.

س: أعمل إيه لو حد طلب مني إته يفتش بيتي ومكنش معاه إنن بالتفتيش من النيابة وأخرجني؟

ج : لازم ترفض لأنك لو وافقت علي إته يفتشك ببقى سقط حقك في الرفض وتبقى إدينه الحق في تفتيشك برضاك، ولو فيه حاجة عندك ممنوعة (سلاح مش مترخص) مثلاً تبقى حالة تلبس ومن حقه يقبض عليك ويبقى التفتيش سليم مادام وافقت عليه بمزاجك بدون إكراه أو ضرب أو تهديد.^(١)

س: لو كان الظابط معاه إنن تفتش ومفتحتش له، من حقه يكسر الباب؟

ج : الظابط لو معاه إنن بالتفتيش من حقه يكسر الباب ويفتش حتي لوضة النوم.

س: بنسمع إن الظباط بيفتشوا وبعدين يطلعوا لأن التفتيش، نعمل إيه في الحالة دي؟

ج : تبعت عطلول تلغرافات إن التفتيش تم في المكان الفلاني في الوقت الفلاني وباريت محدش يعرف الظباط إن حد بتع تلغرافات لأن في الحالة دي هيبقى الأمر باطل والإجراء باطل وهيتعرض الظابط لمسئولية كبيرة ولو عمل لك محضر أو قضية هتطلع براءة عطلول وهيتهم الظابط في قضية تزوير محضر وتلفيق اتهام لو طلع إنن التفتيش بعد ما فتشك وهيكون شكله وحش

١. مادة ٣٤٥ من القنصلية العامة للنهيات.

قوي قدام النيابة والمحكمة لأنه سيكون حظ نفسه في موقف صعب. (١)

س: وهو ينفع يكون إذن التفتيش من النيابة شفوي أو في التليفون؟
ج: لازم يكون مكتوب ولازم يكون مكتوب فيه اسم وكيل النيابة اللي طلعه واسم المتهم أو المتهمين المطلوب تفتيشهم والسبب وتاريخ صدور الأمر، لكن فيه حالات نادرة جدا ممكن يكون الإنن شفوي.

س: وهو ممكن يصدر الأمر بالتفتيش لشخص والناس الموجودين معاه وقت التفتيش؟
ج: أبوه ممكن.

س: وهو ينفع التفتيش بالليل؟
ج: التفتيش ينفع في أي وقت بالليل أو بالنها وحتي في أيام العيد والعطلات الرسمية. (٢)

س: ولو حد كان مستخبي في بيته ولية أمر ضبط وإحضار يقدروا يدخلوا البيت ويفتشوه بالقوة؟
ج: من حقهم يدخلوا البيت ويفتشوا على المتهم لتنفيذ الضبط والإحضار عليه.

١. لظن رقم ٤١١٤ لسنة ٦٦ حق جلسة ١٦/٤/١٩٨٧ من ٢٨ ص ٦١٢ حقتي.

٢. مادة ٣٤١ من التعليمات العامة للنيابات.

س: لو فيه أمر بالتفتيش لبيت من حقهم يفتشوا الناس اللي في البيت؟
ج: مش من حقهم يفتشوا كل الموجودين في البيت لكن من حقهم
بأمروهم بعدم التحرك، لكن إذا قامت وقت تفتيش بيت المتهم
دلائل قوية ضد شخص موجود في بيت المتهم اللي بيفتش إيه
مخبي معاه حاجه أو شئ يفيد في كشف الحقيقة بقدر وقتها اللي
بيفتش إيه يفتشه.^(١)

س: لو أنا مش في البيت أو في المكتب أو المحل بقدرنا يفتشوه وأنا
مش موجود؟

ج: المفروض يفتشوه في حضور حد من أهل بيتك أو من اللي شغالين
عندك لو في حضور ٢ شهود من قرايبك أو جيرانك ويتثبتوا ده
في محضر، ويمكن يفتشوه في غير وجوبك أو وجود أي حد من
الناس.^(٢)

س: لو كان في البيت اللي بيفتش مكاتب أو نظرف مختومة ومقفولة
من حقهم فتحها وتفتيشها؟

ج: لو كان في البيت اللي بيفتش أوراق مختومة ومقفولة بأي طريقة
مش من حقهم فتحها وتفتيشها.^(٣)

١. مادة ٤٩ من قانون الإجراءات الجنائية.

٢. مادة ٥١ من قانون الإجراءات الجنائية.

٣. مادة ٥٢ من قانون الإجراءات الجنائية.

س: من حق اللي بيفتش إنه يقطع المراتب والمخدات عشان ستش جواها؟

ج: لو كان اللي جاي بيدور على حاجات مينفحش بالعقل إنها تكون في المراتب والمخدات زى إنه يكون جاي يفتش على مواشى مسروقة، أو موتوسيكل مسروق، أو تليفزيون مسروق، وقطع المراتب والمخدات يبقى ارتكب جريمة إتلاف عشان مش معقول المتهم هيجبى للمواشى أو موتوسيكل جوه المخدة ويكون اتجاوز حدود التفتيش ويتصف في استخدام الإجراءات والإثن اللي معاه ومن حقه تثبت الحالة وتعمله محضر إتلاف.

س: أعمل إيه لو كان في بيتي فلوس أو ذهب وخايف تضيع وقت التفتيش؟

ج: تبلغ الطباط اللي بيفتش إن عندك فلوس وذهب وحاجات غالية وخايف عليها وممكن تسلمها له في إيده قبل التفتيش عشان يسلمها لك تاتي بعد التفتيش لو كانت ملهش علاقة بالشئ اللي مطلوب التفتيش عنه.

س: أعمل إيه لو اكتشفت بعد التفتيش إن فيه حاجات غالية اختلت من البيت؟

ج: تنزل تقابل مأمور القسم وتحكي له عن الموضوع وتصمم تعمل محضر في القسم بالحاجات اللي اختفت وتعمل شكوي لمفتش الدخلية فوراً.

س: هل من حق اللي بيفتش يكسر العفش وهو بيفتش البيت؟
ج: مش من حق حد يكسر أي عفش في البيت، ولو كسروا أي حاجة
في بيتك بيقوا ارتكبوا جريمة إتلاف، ومن حقك تعمل لهم محضر
إتلاف وتطلب النجدة تعالين الحاجات اللي أتلفوها بدون سبب.

س: هل من حق اللي بيفتش يخلني ع القسم لو فتش وملقيش أي
حاجة ممنوعة؟
ج: مش من حقه يخلك القسم طالما ملقيش عندك أي ممنوعات لو أي
حاجة تعتبر جريمة.

دخول البيوت في حالات الضرورة

س: إيه الحالات اللي ممكن الظباط يدخلو فيها البيوت من غير إذن تفتيش من النيابة؟

ج : من حق الشرطة يدخلوا البيوت لو حد من أصحاب البيت طلب منهم المساعدة أو النجدة من داخل البيت.

س: زي إيه الحالات دي؟

ج : مثلاً لو كان فيه حريق أو تسرب غاز أو بوتاجاز من بيت أو شقة وطلب حد من أهل البيت المطافي. يكون من حق المطافي إنها تدخل البيوت بناء علي طلب صاحبها علشان تنقذ الناس وتطفي الحريق. لكن لو لقوا حاجة ممنوعة في البيت صنفه وهم دالخين بيطفوا الحريق من حقهم يعملوا بيها محضر ويكون التفتيش في الحالة دي قائم علي حالة تلبس.^(١)

س: من حق ظباط المطافي أو المرور يعملوا قضايا للناس؟

ج : أيود من حقهم لو لقوا حاجة صنفه وهم بيقوموا بشغلهم (مخدرات، سلاح مثلاً) يمسكوها ويعملوا بيها محضر تلبس ويسلمود لأقرب قسم شرطة.

١. مادة ٣٥٨ من التعليمات العامة للنيابات.

س: وإيه حالات الضرورة الأخرى؟

ج : يجوز للشرطة التي لديهم سلطة الضبطية دخول البيوت لو كانوا
يبتغون شخص له أمر ضبط وإحضار من النيابة أو المحكمة
ومطلوب القبض عليه.^(١)

١. مادة ٣٥٩ من التعليمات العامة للنيابات.

تفتيش الفنادق

س: هل من حق الشرطة تفتش الناس وهم داخلين الفنادق؟
ج : التفتيش اللي بيتم في دخول الفنادق بيبكون تفتيش وفائي وبرضا الشخص طالما إنه عاوز يدخل المكان أو الفندق، لكن لو لقوا معاه سلاح أو أي ممنوعات صدفه يبقى فيه حالة تلبس.

س: ومين اللي بيقوم بتفتيش الأشخاص والعربات اللي داخلة الفندق؟
ج : أوقات بيبكونوا من شرطة المباحة أو من أمن الفندق أو شركة أمن خاصة.

س: والكلاب اللي بتشم العربات اللي داخلة الفنادق لو لقت حاجة في العربية تبقى قضية؟

ج : الكلاب اللي بتشم العربات مش كلاب مخدرات لكن دي كلاب بتشم ريحة المتفجرات فقط، لكن لو شمت ريحة مخدرات أو أي ممنوعات ناتية وطلعها من حقهم يعملوا بيها محضر لأن بيبكون فيه حالة من حالات التلبس.

س: لو كان اللي بيفتش على البوابة أو على الجهاز موظف ولقي حاجة ممنوعة مع الشخص اللي دخل الفندق أو في شنطة عربيته؟

ج : الموظف اللي بيفتش الناس اللي داخلة الفندق لو عثر صدفه على أي ممنوعات من حقه يمسكها ويسلم الشخص والممنوعات اللي

معاه لظابط المباحة أو المباحث اللي في الفندق وتبقى حالة
تلبس سليمة.

س: هل من حقهم تفتيش الشخص تفتيش ذاتي؟

ج: لو الجهاز الموجود على بوابة الفندق بين إن الشخص الداخل
للفندق مخبي في هدمه أي ممنوعات من حقهم يطالبوا منه
إخراجها ولو رفض من حقهم يفتشونه، وده تفتيش ذاتي طالما مصمم
على دخول الفندق.

س: هل من حقهم يفتحوا شنطة العربية؟

ج: من حقهم يطالبوا فتح شنطة العربية علشان يتأكدوا إنها خالية من
أي متفجرات أو أسلحة لكن لو عثروا صدفه على أي ممنوعات
أخرى صدفه في الشنطة من حقهم يمسكوه ويملموه لأقرب ظابط
شرطة ويبقى في حالة تلبس.

س: من حق الشرطة أو شرطة المباحة تفتيش غرفة نزول في فندق؟

ج: غرفة الفندق ليها نفس حرمة البيت، ولازم علشان الشرطة تفتشها
يكون معاهم أمر من النيابة بالتفتيش.

س: هل من حق عمال النظافة في الفنادق دخول الغرف في غير وجود
النزيل؟

ج: من حق عمال النظافة دخول الغرف لتنظيفها فقط في غير وجود
النزيل.

س: من حق عمل النظافة وتفتيش غرف النزلاء في الفنادق؟
ج: مش من حقهم التفتيش لكن لو عثروا على أي ممنوعات صدفه
وهم بيقوموا بالتنظيف من حقهم التحفظ عليها وتبلغ طباط
المباحث أو طباط المساحة بالفندق ويكون فيه حلة من حالات
التلبس.

س: من حق أعزم صاحبتني في غرفتي في الفندق؟
ج: من حقك لو النظام في الفندق موافق على كده.
س: من حق الشرطة تمسكنا لو كانت معايا صديقتي في غرفتي في
الفندق؟

ج: مش من حق الشرطة تدخل غرفتك لو تمسك حد في غرفتك إلا لو
كان معاهم إذن من النيابة العامة بالتفتيش، أو لو طلبوا منك
المساح لهم بالتفتيش ووافقت على التفتيش، بهزلجك.

س: أعمل إيه لو جالي حد من شرطة المساحة وسألني مين اللي معاك
وأقوله إيه؟

ج: قوله صديقتي وأنا عازمها عندي وده من حق.

س: مش من حقه يقبض علينا؟

ج: مش من حقه يقبض عليك أو عليها لو كانت صديقتك وتعرفها من
فترة ومكونش مسجلة أدب لو متعودة على الدعارة.

تفتيش المحلات العامة

س: يعنى ايه محلات عامة؟

ج: المحلات العامة زى المطاعم والفهاوى اللى بتقدم مأكولات ومشروبات والناس وتتاولها أو تشربها بداخلها، وتعتبر الفنادق والبسيونلات والبيوت المبروشة وأى مكان يلاوى الناس سواء كان مبنى بالطوب أو بالخشب أو خيمة أو عوامة أو مركب محال عامة.^(١)

س: هل من حق الشرطة تدخل المحلات العامة (فهاوى، كافيهات، مطاعم، كازينوهات، نايتات... إلخ) وتفتش الناس اللى قاعده فيها؟

ج: من حق الشرطة فى دايرة اختصاصها دخول المحلات العامة المفتوحة للجمهور علشان تتابع تنفيذ القوانين واللوائح لكن مش من حقهم يقيدوا أو يتعرضوا لحرية الناس والزبائن القاعدين فى حالهم أو تفتشهم طالما مفيش عليهم أحكام أو مطلوبين فى حاجة أو متلبسين بجريمة، ومش من حق الشرطة فتح أى شئ مقفول يكون معاهم أو فى حوزتهم.^(٢)

١. مادة ١ من القانون ٣٧١ لسنة ١٩٥٦ بشأن المحل العامة.

٢. مادة ٣٥٦ من التنظيمات العامة للنيابات.

لنظر راء ١٧٩٣ لسنة ٣٩ ق جلسة ١٩٧٠/٢/٩ من ٢١ ص ٢٩٠ جتى.

ص: ومن حقهم دخول المحلات بدون إذن بالتفتيش من النيابة أو المحكمة المختصة؟

ج : دخول الشرطة المحلات العامة ويكون لمجرد حفظ الأمن والنظام ومراقبة تنفيذ القوانين واللوائح في المحلات العامة بدون إذن من النيابة، لكن مش من حقهم تفتيش للناس أو فتح شنتهم التي في حوزتهم أو فتح أي حافة مقفولة وغير ظاهرة مفترش الظابط يكتشف أو يعرف التي جواها بحواسه بدون ما يفتحها، لكن لو وقعت من شخص موجود حافة أو رماها أو تخلي عنها لما يشوف الشرطة داخله المحل يبقى من حق الظابط إته يلقطها من الأرض ويفتحها ولو لقي فيها أي ممنوعات يبقى من حق الظابط القبض علي صاحبها وتفتيشه إله في الحالة دي أصبح في حالة تلبس ويجوز القبض عليه وتفتيشه.^(١)

س: الظباط التي بيدخلوا المحلات لازم يكونوا ظباط مباحث من القسم؟
ج : مش شرط لأن أي ظابط له الحق إته يدخل المحلات العامة، مثلاً لو دخل ظابط التموين المحل علشان يفتش علي مواد تموينية ممنوعة ولقي بالصدفة زبون من زبائن المحل بيتعاطي مخدرات من حقه يمسكه ويعمل له قضية تعاطي مخدرات.^(٢)

١. مادة ٣٥٧ من التعليمات العامة للنيابات.

الطعن رقم ١٨١٤ لسنة ١٥ في جلسة ١٩٧٦/٢/١٦ من ٢٧ ص ٢٢٥ جنائي.

٢. الطعن رقم ١٢٤٩ لسنة ١١ في جلسة ١٩٧١/١٢/٢٧ من ٢٣ ص ٨٣٨ جنائي.

التفتيش في المطار

س: إيه موضوع التفتيش في المطار أو في الميناء؟

ج : للتفتيش في المطارات و الموانئ بيكون نوعين:

إما بيكون تفتيش من موظفين الجمارك على البضائع أو على أشياء ممنوع خروجها أو دخولها للبلد، وبيكون تفتيش إداري في داخل الدائرة الجمركية في المطار أو في الميناء فقط، ولو لقوا صدفة وهم بيفتشوا الراكب وشنطه أي ممنوعات غير جمركية (زي مخدرات أو عملة مزورة...إلخ) يعملوا بيها محضر وبيكون في حالة من حالات الاتهام الصحوح بالجريمة لإنهم لقوا الممنوعات بطريقة مشروعة^(١) ومصرح بيها للفتون.

أما النوع الثاني من التفتيش في المطارات بيكون من أمن الموانئ أو من مباحث المطار علشان يضمنوا سلامة الركاب والطائرات والبواخر لمنع خطف للطائرات في الجو وبيكون للبحث عن أسلحة أو متفجرات، لكن لو تم العثور على أي ممنوعات تلقية يبقى التفتيش صحيح والضبط صحيح لأي ممنوعات يمسكوها مع الراكب وشنطه لأن

١. المولد من ٢٦ إلى ٣٠ من فتون ٦٦ لسنة ١٩٦٣ .

الطعن رقم ٨٩٨ لسنة ٥٩ في جلسة ١٩٥٥/٤/٢٤ مجموعة المراجع فرن جنتي.

الطعن رقم ١١٢٢٦ لسنة ٩٩ في جلسة ١٩٩٠/٣/١١ من ٤١ من ٥١٩ جنتي.

التفتيش الوقائي والتحفطي في المطار مش محتاج لإنن بالتفتيش من النيابة أو المحكمة ويبقى الراكب في حالة تلبس سليمة.^(١)

س: هل الراكب لازم يوافق على تفتيشه؟

ج : مش شرط موافقة الراكب أو عدم موافقته على التفتيش، لأن القانون جعل الجمارك تحت إشراف موظفين الجمارك وإداهم الحق في تفتيش الناس ولمتعتهم لمنع التهريب، والتفتيش بيكون صحيح حتي لو الراكب رفض التفتيش.^(٢)

س: من حق مفتشين الجمارك تفتيش الناس خارج الجمرک أو المطار
لو الاميناء؟

ج : سلطة مفتشين الجمارك في التفتيش بتكون جوه دائرة الجمارك
بأكملها فقط، لأن القانون إداهم سلطة الضبطية القضائية، لكن
ميجوزش ليهم التفتيش بره دائرة الجمرک.^(٣)

١. نطن رقم ٥٩٤٨ لسنة ٦٠ في جلسة ١٩٨٧/٢/١ من ٢٨ ص ٣٤٧ ج٢.

نطن رقم ٥٨٨٠ لسنة ٦٠ في جلسة ١٩٨٧/٢/٥ من ٣٨ ص ٢٨٣ ج٢.

٢. نطن رقم ١٩٥٨ لسنة ٣٠ في جلسة ١٩٦١/٢/٦ من ١٢ ص ١٨١ ج٢.

٣. نطنون ١١٤ لسنة ١٩٥٣.

نطن رقم ٦٨٢ لسنة ٢٣ في جلسة ١٩٦٨/٦/٣ من ١٩٠ ص ٦٢٧ ج٢.

نطن رقم ٩٨٨ لسنة ٤١ في جلسة ١٩٧٤/١٢/١ من ٢٥ ص ٧٨٢ ج٢.

س: من حق الضباط في المطار يفتشوا الركاب؟

ج : الركاب قبل ما يطلع الطائرة يفتش في المطار تفتش وقائي
وبيكون التفتيش الغرض منه سلامة الركاب والطائرات، وبيكون
الركاب موافق مقدماً على نظام المطار ولو اتمسك صفة مع
الركاب لو في شئونه أي ممنوعات يبقى فيه حالة تلبس سليمة.^(١)

١. لظمن رقم ٦٢٤٢ لسنة ٥٦مق جلسة ١٩٨٧/٣/٤م ٣٧ من ٣٧٣ جنقي.

لظمن رقم ١٥٠٥٠ لسنة ٥٦مق جلسة ١٩٩٠/١/٩ جنقي.

التفتيش الباطل وتجاوز حدود التفتيش

س: يعني إيه تفتيش باطل؟

ج : يعني تفتيش تم في غير الأحوال اللي صرح بيها للقانون، وإي دليل ينتج من تفتيش باطل مألوش أي لازمة لأن ما بني علي إجراء باطل بيكون باطل، والمحكمة بتستبعد من أساسه أي شهاده للظابط اللي بيقوم بإجراء باطل ضد المتهم^(١).

س: إيه اللي يبطل التفتيش؟

ج : إن التفتيش يتم بعد تاريخ الإذن بالتفتيش أو يكون وكيل النيابة مش موقع عليه، أو مفيش تاريخ مكتوب عليه، أو لو كان طالع إذن التفتيش باسم ظابط معين يبقى مينفعش غيره يعمله أو يتم التجاوز عن حدود الإذن أو كان فيه نصف في تنفيذ التفتيش.

س: لو الظابط لقي الحاجة اللي حضر علمان بفتش عنها في إذن التفتيش هل من حقه بفتش عن حاجات ممنوعة تانية؟

ج : لو الظابط لقي الحاجات اللي حضر علمان بفتش الإذن بالتفتيش عليها مش من حقه بفتش عن حاجات تانية، مثلاً لو كان الظابط حضر لتنفيذ إذن بالتفتيش عن سلاح أبيض ومصك الخنجر اللي ارتكب بيده المتهم الجريمة مش من حقه يدور ويفتش

١. لغير رقم ٢٠٦٠ لسنة ٣٤ ق جلسة ١٩/٤/١٩٦٥ م ١٦ ص ٣٨١ جنتي،

لمن رقم ٦٨٥٨ لسنة ٣٥ ق جلسة ١٨/٤/١٩٨٤ م ٣٥ ص ٤٣٨ جنتي.

على ممنوعات ثانية في هدم المتهم ولو لقي ممنوعات مثل إته
بعد ما لقي السلاح ولقي قطعة مخدر في علبة كبريت في ملابس
المتهم وعمل بيه قضية ثانية ليه يبقى اتجاوز حدود الإنن اللي
معاه ويعتبر الدليل اللي ظبطه ملهوش قيمة ولا يؤخذ بيه في
المحكمة.(١)

١. الضم رقم ٤٨١ لسنة ١٩٦١/٦/١٩ جلسة ١٢ من ٧١٠ جنائي.

تسجيل مكالمات الناس

س: هل ممكن الشرطة ترأقب تليفونات الناس؟

ج : لا يجوز للشرطة أو غيرها من الجهات الأمنية مراقبة تليفونات الناس إلا بعد موافقة القاضي الجزني علي وضع التليفون تحت المراقبة.

س: هل بيتم وضع التليفون تحت المراقبة بصفة دائمة؟

ج : القاضي الجزني بيأمر بوضع التليفون تحت المراقبة لفترة محددة فقط وليس بصفة دائمة.

س: هل ممكن الشرطة ترأقب التليفونات بدون أمر من القاضي؟

ج : أي شخص ينتهك خصوصية الناس ويتصنت علي تليفوناتهم بدون إذن من القاضي يبقى ترتب جريمة.

س: إيه عقوبة تسجيل مكالمات الناس بدون إذن القاضي؟

ج : أي حد يسجل مكالمات للناس بدون علمهم وبدون أمر من القاضي يتحبس مدة لا تزيد عن سنة.^(١)

س: ونو تم التسجيل بجهاز تسجيل أو بسرقة وصلة من خط التليفون؟

ج : يعاقب أي شخص يتصنت علي الناس وينتهك خصوصيتهم بأي طريقة كانت.

^١ : المادة ٣٠٩ مكرر من قانون العقوبات.

س: هل ممكن الشرطة تلتقط صور للناس في بيوتهم من غير ما يعرفوا؟

ج: ممكن طبعا بوضع كاميرات في بيوت الناس بأمر من القضاء لكن أى موظف ينتهك حرمت وخصوصية الناس بدون أمر من القضاء يتحبس مدة مترش عن سنة.

س: إيه الأسباب اللي ممكن يتوضع فيها تليفون تحت المراقبة بأمر للقاضي؟

ج: لابد يكون فيه أسباب لمراقبة تليفونات الناس وهي:

- لابد يكون فيه جريمة حصلت بالفعل ولا يجوز التسجيل عن جريمة متحصل في المستقبل أو مجرد احتمال بوقوع جريمة.
- لابد يكون فيه فائدة من وضع التليفون تحت المراقبة للوصول للحقيقة وكشف الجريمة ومعرفة حلقاتها وأسبابها وأهدافها.
- لازم تكون الجريمة اللي حصلت جنائية أو جنحة ببعاقب عليها القاتون بالحبس أكثر من ٣ شهور مثل قضايا المخدرات والدعارة.

س: هل ممكن الظابط يتفق مع حد من عمال المخابرات لتسجيل المكالمات بدون أمر المحكمة؟

ج: ممكن يتم ذلك لو كان العامل جبان ومنزوع الضمير، لكن الظابط لا يستطيع عمل أي شئ بتلك التسجيلات لأنه لو قدمها لأي جهة

يتحبس هو والعامل اللّي ساعده علي التسجيل، لأن التسجيل تم بطريق الغش والخداع والاحتتيال.

س: هل ممكن للظابط اللّي سجل بطريق الغش بقدر يطلع أمر من القاضي بعد تسجيل المكالمات؟

ج: ممكن لكن لو قدم أي تسجيل سابق لإن موافقة القاضي ببقّي بيدين نفسه ويعرض نفسه للمحاكمة، وتسجيلاته تكون بدون أي قيمة.

س: هل من سلطة النيابة التصريح بتسجيل المكالمات التليفونية؟
ج: النيابة لا تستطيع إصدار أمر بتسجيل مكالمات الناس التليفونية، لكن للقاضي الجزني وحده هو اللّي يستطيع إعطاء الأمر بالتسجيل بناء علي طلب من النيابة ولا بد أن يكون الأمر من القاضي مسبباً.^(١)

س: هل ممكن النيابة تراقب المكالمات بنفسها؟
ج: ممكن النيابة تولى تنفيذ أمر القاضي الجزني بنفسها، أو تدب ظابط وتكلفه بالمراقبة وتنفيذ أمر القاضي.

س: هل المباحث بتكون قاعدة تسمع المكالمات أثناء المحادثة؟
ج: لا هم بيكونوا سابيين الشريط يسجل وبالليل بيخدوا الشريط ويحطوا شريط جديد.

١ مادة ٣/٢٠٦ من قانون الإجراءات الجنائية.

س: هل ممكن براقبوا التليفون المحمول؟

ج: ممكن مراقبة التليفون المحمول وفيه أجهزة بتقدر تراقب المكالمات الصادرة والواردة للتليفون المحمول وتدخلها.

س: إزاي بيعرفوا إن الشخص اللي اتكلم هو نفسه صاحب التليفون؟

ج: بعد التسجيل بيواجهوا المتهم بالتسجيلات ولو اعترف يبقى أقر إنه صوته ولو أنكر بيندبوا خبير أصوات من الإذاعة والتلفزيون ويقرر إذا كان صوته لو لا.

س: ولو كان اللي استعمل التليفون شخص تاني غير صاحب التليفون؟

ج: خبير الأصوات بيقدر يفرق بين الأصوات ومن الأفضل عدم ترك تليفونك الشخصي لأي حد.

س: هل ممكن اللي ينفذ أمر القاضي بالتسجيل أمين شرطة أو مخبر؟

ج: لازم يكون ظابط ومينفّش بنيب غيره في مراقبة التليفونات.^(١)

س: هل ممكن لشخص مش من الشرطة يتنصت على المكالمات؟

ج: ممكن لو أخذ وصلة من خط التليفون أو من البوكس، وفيه أجهزة

أسكنر لاسلكي بتتنصت على أجهزة التليفونات اللاسلكي المنزلية

لكن هذه الأجهزة ممنوعة وحيازتها أو استعمالها جريمة.

١. مصر ٢٠٠٢ لسنة ١٩٨٦/١/١.

س: أعمل إيه لو اكتشفت إن حد من الجيران سارق وصلة من تليفوني
وبيتنصت علي مكالماتي؟

ج: تروح تعمله محضر في مباحث التليفونات عطلول وهم هيثبتوا
الحالة ويعملوا قضية للشخص اللي بيتنصت علي تليفونك ويتحبس
علاوة علي جنحة سرقة خط تليفونك.

س: إترأى أعرف إن حد بيتنصت علي تليفوني أو إن تليفوني متراقب؟
ج: ممكن تلاحظ خلال المكالمة إن فيه صوت زي صوت تسجيل بيلف
وتسمع صوت تكات غريبة ولما تقلل الخط وترفع السماعة نأتي
كان واحد معلق الخط، وممكن تسمع صوت صفارة بعد الشريط ما
يخلص أو تلاحظ إن الخط بيرقطع كتير.

س: أعمل إيه لو شكيت إن تليفوني متراقب؟
ج: تبلغ النيابة فوراً.

س: وقد إيه مدة شريط التسجيل؟
ج: دايماً تكون ساعتين.

س: وأعمل إيه لو اكتشفت إن تليفوني متراقب؟
ج: اتصل بأي شخص وتكلم معاه مكالمات طويلة لأكثر من ساعتين ف
الصباح الباكر علشان الشريط يخلص وتسمع نهاية الشريط.

س: هل ممكن حد يسجلي مكالماتي وبعد كده يهددني بيها؟
ج: ميقدرش يهددك لأنه لو قام بتهديدك أو سمع للمكالمات لأي حد
يبقي أذان نفسه بجريمة التنصت علي مكالمات الناس خلصة
ويتقدم للمحاكمة ويتحبس.

اللجان الليلية (الكماين)

ممن فبنا موقفش فى لجنة ليلية عملاها الشرطة راكبين كنا
أو ماشين أو فى داخل تاكسي أو ميكروبلص ، بعدما أصبحت لجان
الشرطة منتشرة فى كل مكان وتقوم بتوقيف الناس بشكل عشوائي ولا
نعلم على أي أساس يتم استيقاف البعض وترك البعض الآخر؟ وهل من
حق تلك اللجان تفتيش المارة تفتيش ذاتي أو وفتح شنط السيارات
وتفتيشها كما نرى يوميا؟ وهل من حق الضباط بتلك اللجان استيقاف
السيدات والبنات من قاندي السيارات أو راكبي التاكسيات أو تفتيشهم؟
أو سؤال قائد سيارة عن سيدة تجلس بجواره فى سيارته؟ أسئلة حائرة
محرومة من الإجابة سترد عليها .

س: يعني إيه كمين؟

ج : المفروض إن مفيش حاجة اسمها كمين للناس. لأن الكمين بيبكون
للأعداء وإحنا لسنا أعداء للشرطة، لكن اللي بنشوفه بالليل اسمه
لجنة لحفظ الأمن والنظام فى الشارع واللى سماه كمين هم
الحرامية وميصحش أبدا إن حد يقول إن الشرطة عاملة كمين
للناس.

س: إيه فائدة اللجان اللى بتكون فى الشوارع بالليل فى كل حتة؟

ج : اللجان بتكون متكونة من ظابط القسم، وضايط مرور، وضايط
مباحث ومعاهم بوكس وأمناء شرطة وعساكر لحفظ الأمن

والنظام في الشارع، لضبط المتهمين الهاربين من الأحكام وأي
حاجة تمس الأمن العام وضبط المخالفات المرورية.

س: علي أي أساس يوقفوا الناس ويسببوا ناس نأتيه بدون توقيفهم
أو حتي سؤلهم؟

ج : ظابط المباحث اللي في اللجنة يكون عارف كتير من المجرمين
والمسجلين في دائرة قسمه، ويكون باين علي شكلهم ومن
تصرفاتهم ونظراتهم وطريقة كلامهم، وبمجرد أن الظابط يلاحظ
أي من تلك المظاهر بمستوقف الشخص المشكوك في أمره
ويستعلم عنه من القسم باللاسلكي، وخبرة وملاحظة ونكاه ظابط
المباحث في الكمين عليها عامل كبير جدا في التعرف علي
المسجلين والمطلوبين.

س: هل من حق الظابط يقبض علي شخص لمجرد عدم وجود رخصة
قيادة معاه؟

ج : عدم حمل رخصة القيادة لا تبيح للظابط القبض أو التفتيش لكن من
حقه بسحب رخصة التسيير فقط بشرط تكون السيارة باسم قاتلها
ومعاه تحقيق شخصيته، ويقوم الظابط بإعطائه إيصال سحب لمدة
أسبوع.

س: ولو كان مع الشخص رخصة قيادة لكن بدون رخصة تسيير
للمسيرة؟

ج : من حقهم يسألوا عن رخص التسيير، ولو كانت السيارة بدون رخصة تسيير أو رخصتها منتهية يسحب الظابط بنفسه رخصة القيادة. بشرط يتأكد إن الشخص الذي راكب السيارة صاحبها أو معاد عقد بيع أو توكيل من مالكها. وإن العربية مش مسروقة لكن لو مفيش رخصة أو شئ يثبت ملكية السيارة من حق اللجنة تصطبب السيارة للقسم لحين ما تتأكد أنها مش مسروقة.

س: هل من حقهم يطلبوا البطايق الشخصية؟

ج : من حقهم يطلبوا بطايق الناس عشان يتأكدوا من شخصياتهم ولو شكوا في حد ممكن يوقفه علي جنب بدون ما يركبه البوكس أو يفتشه ويستعلموا عنه من القسم باللاملكي الذي معاهم إذا كان مطلوب أو عليه أحكام ولا لا.

س: ومين الذي من حقه يطالب البطايق أو الرخصة؟

ج : الظابط أو أمين الشرطة والمخبر والصكري من حقهم يطلبوا الرخصة فقط لتوصيلها للظابط، لكن الذي من حقه يسحب التراخيص لازم يكون ظابط المرور بنفسه ويعطيك وصل بالسحب لكن مش من حق الظابط أو غيره إته يسحب الرخص بدون وصل سحب تراخيص.

س: هل من حق اللجان توقيف السيدات والبنات من قائدي السيارات ؟

ج : من حقهم توقيف أي سيدة أو فتاة في اللجنة وسؤالها عن التراخيص مثل الرجال. ولو كانت أي واحدة بدون رخصة من حقهم سحب الرخصة الثانية وإعطائها وصل به سحب الرخصة.

س: هل من حق اللجنة سؤالي عن سيدة أو بنت جالسة جنبى في سيارتي وسؤالها عن بطاقتها؟

ج: من حقه سؤالها فقط عن بطاقتها للتعرف على شخصيتها ويمكن يستعلم عنها بالجهاز من القسم لو شك أنها مطلوبة في حكم أو عليها أمر ضبط وإحضار لأن زي مافيه مجرمين ومتهمين من الرجال فيه أيضا متهمين ومجرمين من النساء ويكون عليهم احكام واجبة للتليذ عليهم.

س: أعمل ايه لو الظابط سألني مين اللي معاك ؟

ج: قوله بكل بساطة زوجتي أو خطيبتي أو صديقتي ومن حقي الخروج مع صديقتي في أي وقت.

س: هل من حقه ينزلها من سيارتي ويخدها علي جنب بعهد على ويسألها عن أي حاجه أو يفتشها؟

ج: مش من حقه ينزلها مطلقا من السيارة طالما غير مطلوبة في شئ أو معروفة لديه من قبل أو مسجلة، وميقدرش أي ظابط مهما كلفت رتبته يفتش أنثي تفتيش ذاتي حتي لو كانت متهمة في مليون قضية لأن تفتيش الأنثي تفتيش ذاتي لا بد أن يتم بمعرفة أنثي ولو أي رجل من رجال الشرطة فتش أي أنثي تفتيش ذاتي لو لمس جسمها يبقي ارتكب جريمة هتك عرض في حقها ومن حقها عمله محضر هتك عرض في النيابة ولو رفضوا بعملوا لها محضر في القسم تشكيه لمفتش الداخلية وللنيابة.

س: ليه بنشوف بعض اللجان بتنزّل البنات من التاكسيات ويخدوهم ع القسم وخصوصا في شارع الهرم وجامعة الدول؟

ج: فيه بنات كتير بيكونوا مسجلات آداب ودعارة وعليهم أحكام وبيكونوا معروفين للضباط لكن مش من حقهم حبسهم أو تفتيشهم أو ركنهم في الشارع بدون ما يكون عليهم أحكام أو مطلوبين في قضايا، وأي ضابط يحجز أي حد أو يقبض عليه أو يحجزه بدون سبب أو بدون وجه حق يتعرض للمحاكمة أمام القضاء علاوة على إن وزارة الداخلية بتجازيه لكن الناس هيه اللي مش عارفة حقوقها .

س: أعمل إيه لو للضابط طلب مني أنزل من السيارة علشان يفتشها أو طلب مني لفتح الشنطة؟

ج: مفيش حاجة اسمها تنزل من سيارتك علشان يفتشها إلا لو كان معاه أمر من النيابة أو المحكمة بتفتيشك أو كنت في حالة تلبس بجريمة أو كنت ريحة السيارة تدل أن حد كان يمشرب فيها مخدرات مثلا، وترفض تفتح شنطة عربيتك وتقول للضابط أفتح شنطتي ليه مدام رخصي سليمة وسيلتك شاف إبي مش محل شك والعربية ملكي وفتح الشنطة ده اسمه تفتيش وده محتاج إذن من النيابة. وأنا مش ممسوك لا في حالة تلبس ولا أنا حرامي وأنا عارف إنك راجل فقتون وعارف الإجراءات كويس وعارف إنك مش ممكن تخالف الفقتون.

س: ليه الضباط ساعات بينزلوا الشباب اللي راكبين في العربيات
ويطلبوا منهم يقولوا 'حاحا'؟

ج : علشان يعرفوا لو كان اللي سائق شارب أي كحوليات أو لا.
علشان بيكون ريحة فمه واضحة لما يقول 'حاحا' ويبان إذا كان
شارب كحوليات ولا لا.

س: وهل ممكن يخذوا حد من السيارة لو كان شارب كحوليات لكن
مش سائق السيارة؟

ج : مش من حقهم يخذوه لو كان مش هو اللي سائق، إلا لو كان في
حالة سكر بين وبينهذي بشكل واضح في الكلام ،لأن الخمر بتتقدم
وبتتشرب في كل مكان، وطبيعي إن الإنسان بعد ما يسهر ويشرب
بهروح لبيتته بشرط إنه لا يقود أي مركبة وهو شارب أي خمر
علشان معرضش حياة الناس للخطر.

س: ليه الضباط بيكونوا واقفين بعيد مع بعض ويبعثوا الأمناء والصاكر
تسحب التراخيص؟

ج : مش من حق الأمين لو للمخبر أو العسكري بسحب رخصك،
والأفضل تركز العربية وتنزل للضابط بكل نوع وتوريه الرخص
ونقوله أنا عارف إن سيادتك فقط اللي من حقه يشوف رخص
العربيات مش الأمين أو العسكري.

س: ولو أخذني علي القسم أو ركني جنبه في الكمين؟

ج : لازم تتصل بحد من أهلك أو محاميك وتصمم تعمل له محضر في
القسم بالتواقة اللي حصلت معاك وإلك اتقبض عليك في اللجنة

بدون وجه حق وتصمم علي اتخاذ إجراء مع الظابط ومتنازلش
عن حقه .

س : من حق الظابط بركني جنبه في الكمين وقت قد يبه عثمان
يمتصم عني من القسم؟

ج : وقت بسيط مبرزش عن نصف ساعة فقط، لأن مصالح ووقت
الناس ليهم تمن ومش لعبه.

س : لو كنا راكبين ميكروباص وفي الكمين نزلوا للناس اللي فيه عثمان
يفتشوهم؟

ج : متوقفش إن حد يفتشك وترفضوا أي تفتيش، لكن من حقهم
يشوفوا البطاقات فقط ويتحروا عن اللي شكين إن عليهم أحكام أو
مطلوبين في قضايا.

س : ليه بنشوف الأمناء والظباط بيكشفوا كتف بعض الناس في اللجان؟
ج : بيكشفوا كتف اللي بيشتبهوا فيه عثمان يعرفوا إذا كان سوابق
ومسجل ومختوم علي كتفه إنه مسجل خطر ولا لا.

س : يعني إيه مسجل خطر؟

ج : يعني شخص معاد الإجرام واتمسك في قضايا سرقة أو بلطجة
ولفرض إتاولت أو بيشتغل في تجارة المخدرات أو الدعارة لو فرد
في عصابة.

س: ولله المسجل خطر يكون الشرطة ختماء علي كتفه؟
ج : من فترة طويلة كانت الشرطة بتختتم المسجلين خطر علي كتفهم
علشان تعرفهم. والمسجلين نفسهم وأصحاب السوابق اللي
متعودين علي الحبس والسجن بيدفوا وشم علي جسمهم وهمه
موجودين في المسجون.

الممرور

كلنا بنمشي في الشوارع ماشيين كنا أو راكبين. وعلى الناس كلها احترام الممرور وأدابه وإشاراته وعلاماته وتعليمات رجال الممرور والسرعات المقررة، ولاننسى أن هناك مخلفات وجنح للي بيخالف قوانين ولوائح الممرور.^(١)

س: مين من حقه يوقفني ويطلب رخصي وأنا راكب عربيتي؟
ج : الضباط والأمناء والصولات من حقهم توقف السيارات لو أي مركبات لا تتوفر فيها شروط الأمن والتمتة أو اشروط المنصوص عليها في التراخيص لسؤال قائدها عن رخص القيادة والتسيير، وتوصيلها لأقرب قسم أو مركز شرطة لو ممرور علشان يكدشوا على صلاحيتها، وإذا تبين بعد كشف المهندس الفني عليها أن المركبة غير صالحة ومخالفة لشروط الأمن والتمتة يتم سحب للرخصة.^(٢)

س: مين من حقه يسحب التراخيص؟

ج : سحب التراخيص يتم بمعرفة الضباط فقط.

س: هل بيتم إعطاء وصل بسحب الرخص؟

١. مادة ٦٣، ٦٢ من قانون الممرور رقم ٦٦ لسنة ١٩٧٣.

٢. مادة ٦٣ من قانون الممرور رقم ٦٦ لسنة ١٩٧٣.

ج : لازم الظباط يعطوا لأي شخص مسحوبة رخصته إيصال سحب
رخصة لمدة أسبوع علشان يقدر يمشي بعريته ويصلحها ويتجدد
يوم علشان يقدر يوصل بيها للمرور.^(١)

س: إيه الأوراق اللي لازم تكون مع كل قفد مركبة؟
ج : أي شخص يقود أي مركبة لازم يكون معاه رخصة قيادة سارية
ورخصة تسيير للمركبة، وللازم يقدمها لرجال المرور في أي وقت
يطلبوها فيه.^(٢)

س: يعني إيه لمن ومتانة؟
ج : إن للمركبة تكون غير سليمة أو غير صالحة للاستخدام وفيها
تلفيات زي تكون الفراميل عطلة أو بدون أنوار أو جسمها
الخارجي مهشم أو بدون زجاج أو مرايات جانبية إلخ، لو
يكون فيها أي عطل آخر يعرض سلامة رابها والآخرين للخطر.

س: مين اللي بيثبت أن المركبة فيها لمن ومتانة؟
ج : مهندس الفحص الفني في المرور.

س: إيه الحالات اللي بيتم فيها سحب رخصة التسيير؟
ج : لو كان الشخص اللي سائق المركبة بدون رخصة قيادة أو كانت
رخصته منتهية أو ملغية أو مسحوبة لفترة المهلة اللي في وصل

١. ملأ ٣٣ من قانون المرور رقم ٦٦ لسنة ١٩٧٣.

٢. ملأ ١١ من قانون المرور رقم ٦٦ لسنة ١٩٧٣.

السحب انتهت، أو كان نوع الرخصة التي معاه متسحش ليه بقيادة المركبة مثلا رخصة قيادة الموتوسيكل متسحش لصاحبها قيادة سيارة، ورخصة القيادة الخاصة متسحش لصاحبها يقود أتوبيس.^(١)

س: إيه الحالات التي بيتم فيها سحب رخصة القيادة؟

ج: ده بيبقى مدة لا تقل عن ٣٠ يوم ولا تزيد عن ٦٠ يوم في الأحوال التالية:

- لو سمح قائد المركبة بوجود ركاب علي الجسم الخارجي للمركبة.
- استعمال المركبة ليلا بدون أنوار أمامية أو خلفية لو عواكس نور.
- استعمال الأنوار المبهرة ليلا في وجه السيارات والمارة.
- وقوف المركبات ليلا في أماكن غير مضائة بدون أنوار وعواكس إضاءة.
- استعمال المركبة في غير الغرض المرخص بيه في رخصة التسيير.
- ترك المركبة في مكان وبشكل يعرض سلامة وحياة الناس للخطر ويعطل المرور في الطرق.
- عدم اتباع إشارات وعلامات المرور، وتعليمات رجال المرور.

١. مادة ٤٢ من قانون المرور رقم ٦٦ لسنة ١٩٧٣.

- عدم التزام الجانب الأيمن في الطرق التي يكون السير فيها باتجاهين.
- عدم إبلاغ قائد المركبة الجهات المختصة عن حادث ارتكبه نتج عنه إصابات لشخص أو أشخاص أو عدم نقله لأي شخص أصابه لإسعافه بأقرب مركز إسعاف أو مستشفى أو لأقرب قسم أو نقطة شرطة أو مرور.
- تجاوز السرعات المقررة بطريقة تعرض لرواح الناس وممتلكاتهم للخطر.
- قيادة مركبة بدون ترخيص أو رخصتها مسحوبة أو منتهية أو مسحوب لاحتاجها المعنوية.
- قيادة مركبة خالية من الفرامل أو كاتت فراملها معطلة.
- السير عكس اتجاه حركة المرور بالطريق.
- اعتداء قائد المركبة على رجال المرور بالبول أو بالفعل أثناء أو بسبب تأديتهم للوظيفتهم.
- تعمد تعطيل حركة المرور في الطريق.^(١)

س: هل فيه حبس في مخالفات المرور؟

ج : مخالفات المرور مفيهاش حبس لكن فيه جنح في جرائم المرور فيها حبس.

س: زي إيه جرائم المرور اللي فيها حبس؟

^١ - مادة ٧٢ مكرر من قانون المرور رقم ٦٦ لسنة ١٩٧٣.

ج : بعض جرائم المرور ويتم فيها معاقبة المخالف بالحبس مدة متزنش

عن ٢ شهور وبغرامة متقلش عن ٥٠٠ جنيه ولا تزيد عن ١٠٠٠

جنيه أو بواحدة من العقوبتين:

- تجاوز الحد الأقصى للسرعة.
- قيادة مركبة غير مرخصة أو رخصتها منتهية أو مسحوبة أو مسحوب نمر المركبة.
- القيادة بدون رخصة قيادة أو برخصة قيادة منتهية أو مسحوبة أو موقوفة أو برخصة لا تجيز له قيادة المركبة.
- قيادة مركبة بدون لوحات معدنية أو استئصال لوحات غير اللوحات المصروفة من المرور للمركبة التي سابقتها.
- قيادة مركبة بدون فرامل أو بفرامل عطلة أو تلفة.
- تعدد إثبات بياتات غير صحيحة علي نماذج المرور.
- تعدد تعطيل حركة المرور.
- تغيير بياتات اللوحات المعدنية.

وفي كل الأحوال يتم مضاعفة العقوبة لو ارتكب المتهم نفس المخالفة

خلال ٦ شهور من ارتكابها. (١)

س: يتصرف إزاي الشخص لو عمل حادثة وحد اتصاب فيها؟

ج: لازم ينقل الشخص المصاب لأقرب مركز إسعاف أو مستشفى ويبلغ

الشرطة عن الحادث. (٢)

١. مادة ٧٥ من قانون المرور رقم ٦٦ لسنة ١٩٧٣.

٢. مادة ٦٧ من قانون المرور رقم ٦٦ لسنة ١٩٧٣.

س: أعمل إيه لو حد صاحبي استلف سيارتي وعمل بيها حادثة؟
ج: من الأفضل متسلّش سيارتك لأي حد لأنك بتكون مسئول عن أي ضرر يسببه للناس.

س: أعمل إيه لو صديقي استلف سيارتي وجاب فيها واحدة صديقتة واتمك في فعل فاضح؟

ج: أي قائد مركبة يرتكب أو يسمح لغيره بارتكاب فعل فاضح لو مغل بالآداب العامة في سيارة أو أي مركبة، تتسحب رخصة قيادته ورخصة تسيير السيارة أو المركبة لمدة ٩٠ يوم، ولو عاد لنفس الفعل مرة ثانية خلال مدة سنة تتلغى رخصة المركبة ورخصة القيادة^(١) علاوة على تطبيق عقوبة الفعل الفاضح في قانون الآداب العامة وقانون العقوبات.

س: إيه عقوبة الشخص اللي بيقود مركبة تحت تأثير مخدر أو سكران؟
ج: أي شخص يتمك سابق أي مركبة وهو سكران أو متناول أي مخدرات يتحبس مدة لا تقل عن ٣ شهور ومتزدش عن سنة وبغرامة لا تقل عن ٥٠٠ جنيه ومتزدش عن ١٠٠٠ جنيه أو بوحدة من العقوبتين، وتضاعف العقوبة لو عاد لارتكاب نفس الفعل خلال سنة من الفعل الأول أو من تاريخ الحكم النهائي عليه.^(٢)

١- مدة ٧٢ من قانون المرور رقم ٦٦ لسنة ١٩٧٣.

٢- مدة ٧٦ من قانون المرور رقم ٦٦ لسنة ١٩٧٣.

س: هل ممكن للتصالح في مخالفات المرور؟

ج : ممكن يتم في بعض مخالفات المرور لو دفع المخالف **المخالفة الفورية للظابط**.^(١)

س: ايه المخالفات اللي بيتم فيها التصالح؟

ج : المخالفات اللي ممكن يتم فيها التصالح الفوري هي:

- استعمال الأنوار للمبهرة ليلا بدون سبب.
- وقوف المركبات ليلا في أماكن غير مضاءة بدون إضاءة الأنوار للصغيرة الأمامية والخلفية أو عواكس إضاءة.
- قيادة مركبة بدون إضاءة الأنوار الأمامية الأنوار الحمراء أو عواكس أو كانت الإضاءة في المركبة عطلة.
- عدم التزام الجانب الأيمن في الطرق الإتجاهين.
- مخالفة إشارات المرور وعلاماته وتعليمات رجال المرور.
- الارتفاعات والحمولة الزائدة عن شروط الترخيص.
- مخالفة استعمال آلة التنبيه.^(٢)

س: ايه المخالفات اللي لايجوز فيها التصالح؟

ج : فيه بعض المخالفات لا يجوز فيها التصالح الفوري زي:

١. مادة ٨٠ من قانون المرور رقم ٦٦ لسنة ١٩٧٣.

٢. مادة ٧٤ من قانون المرور رقم ٦٦ لسنة ١٩٧٣.

- الإمتناع بدون سبب عن توصيل الركاب أو تشغيل العداد أو الحصول على أجره زيادة عن المقررة من الركاب، أو تحميل أعداد زيادة عن الموجودة في الرخصة، أو التحميل من خارج المواقع زوده طبقا بالنسبة للأجرة.
- تركيب سراين ومصابيح ممنوعة ومخالفة للمرور.
- عدم إرشاد مالك المركبة للمرور أو النيابة عن اسم وعنوان الشخص الذي كان سائق المركبة في وقت معين.
- عدم إسعاف ونقل مصاب في حادث ارتكبه قائد مركبة أو عدم إخطار الشرطة عن الحادث.
- ترك المركبة بطريقة تعرض لأرواح الغير وممتلكاتهم للخطر، أو تعمد تعطيل حركة المرور.^(١)

س: مع مين من الشرطة بيتم التصالح؟

ج : مع ظباط المرور فقط ولا يتم التصالح مطلقا مع الأمناء أو المساعدين أو المناديب والعساكر.^(١)

س: هل بيتم عمل مخالفة مع التصالح أو بيتم سحب الرخصة؟

ج : لا يتم تحرير مخالفة أو سحب الرخصة بعد عمل التصالح ودفع المخالفة الفورية.

١. مادة ٨٠ من قانون المرور رقم ٦٦ لسنة ١٩٧٣.

٢. مادة ٨٠ من قانون المرور رقم ٦٦ لسنة ١٩٧٣.

س: هل ممكن التصالح لو السيارة اتكلمشت أو الونش رفعها؟
ج : ممكن يتم التصالح لكن لازم نفرق بين التصالح والمخالفة الفورية
ورسوم استخدام الونش لرفع السيارة للمرور.

س: يعني إيه؟

ج : الضباط بيغرموا العربيات اللي بتعطل المرور ويتركن في الممنوع
رسوم لاستخدام الونش علاوة علي تحرير مخالفة أو يسحبوا
رخصة القيادة عن الوقوف في الممنوع، ويتكون غير رسوم
استخدام الونش.

س: إيه الفرق بين المخالفات ورسوم استخدام الونش؟

ج : المخالفات حصيلتها بتروح لوزارة العدل والضباط ملهمش فيها أي
نسبة لكن رسوم استخدام الونش حصيلتها بتروح للمحافظات
والضباط والأمناء لهم نسبة منها.

س: إمتي تسقط العقوبة في المخالفات؟

ج : بعد ٣ سنوات من إرتكاب المخالفة أو بعد ٣ سنوات من تاريخ
الحكم فيها.

وظيفة الشرطة

س: إيه هي الشرطة؟

ج: الدستور قال إن الشرطة هيئة مدنية نظامية، رئيسها الأعلى رئيس الجمهورية، والشرطة من واجبها خدمة الشعب عشان تكفل للناس الطمأنينة والأمن، وتسهر على حفظ النظام والأمن العام والآداب وتتولى تنفيذ اللي تفرضه عليها القوانين واللوائح من واجبات وكل ده زي ما حدد لها القانون.^(١)

س: إيه إختصاصات الشرطة في الحياة؟

ج: إنها تقوم بالمحافظة على النظام والأمن العام وحماية أرواح وأعراض وأموال الناس، وتمنع الجريمة قبل ما تحصل، وإذا حصلت جريمة تضبطها وتدور على المجرمين اللي عملوها وتجمع الأدلة، وتتلقى البلاغات والشكاوي من الناس، وتقدم لهم المساعدة والنجدة في حالات الطوارئ، وكل ده لازم يكون في حدود القانون، عشان تحقق للناس الأمن والاطمئنان وتكون دليما في خدمتهم.^(٢)

س: والشرطة بتتكون من مين؟

١. مادة ١٨٤ من الدستور.

٢. مادة ٣ من قانون هيئة الشرطة رقم ١٠٩ لسنة ١٩٧١.

نيل حقوق المواطن وواجباته عند التعامل مع الأجهزة الأمنية ص ٨.

ج : الشرطة يتكون من :

- الضباط من رتبة لواء مساعد أول وزير داخلية حتي ملازم.
- أمناء الشرطة.
- مساعدي الشرطة (الصولات).
- مراقبي ومندوبي الشرطة (المندوب).
- ضباط الصف والجنود (الصاكر).
- الخفر النظاميين.

س : ساعات ينشوف ناس في الشرطة لابسين ميري وناس لابسه ملكي
ليه الفرق بينهم؟

ج : اللي لابسين ميري طباط أو أمناء بيسموهم نظام، يعني نظاميين
وممكن يكونوا في المرور أو في الأقسام والمراكز والأمن
المركزي والأحوال المدنية والجوازات. لكن اللي لابسين ملكي
بيكونوا شغالين في المباحث في أمن الدولة أو مباحث الأقسام أو
للمخبرات أو الأدب أو أي مجال في المباحث، وبيكونوا لابسين
ملكي علشان محدش يعرفهم من المجرمين، لكن سواء كانوا
ميري أو ملكي كلهم شرطة.

س : كتير ينشوف ناس لابسين ملكي وراكبين عربيات عليها نمر
شرطة!! مش الناس كده هتعرفهم وتعرف إتهم من المباحث؟

ج : بالتأكيد، وعربيات الشرطة اللي بيكونوا ركبونها وعليها نمر شرطة
بتكون لتوصيلهم لماكن عملهم فقط، لكن العربيات اللي بينزلوا

ببيها مأموريات المراقبة والقبض على المجرمين والمطلوبين
يتكون عليها نمر ملاكي أو نقل أو أجرة.

س: ساعات بنلاقي أمناء واقفين في الشوارع ودليما بيكونوا اتنين مع
بعض ولايسين ملكي لكن حطين الطبنجة في جنبهم وبابنه
والناس كلها شايعة الطبنجة في جنبهم والجهاز اللاسلكي في
أيدهم؟

ج : المفروض إن اللي شغالين في المباحث يكونوا متكرين عشان
محدث يعرف إبتهم مباحث.

س: والناس اللي لابسين ميري نعرف رتبهم إزاي؟

ج : اللي علي كتفه نجوم ونسور ومقصات بيكونوا ظباط، والملازم
بيكون علي كتفه نجمة واحدة، والملازم أول علي كتفه نجمتين،
والنقيب بيكون علي كتفه ٣ نجوم، والرائد بيكون علي كتفه نسر،
والمقدم بيكون علي كتفه نسر ونجمة، والعقيد بيكون علي كتفه
نسر ونجمتين، والعميد بيكون علي كتفه نسر و ٣ نجوم، واللواء
بيكون علي كتفه مقص ونسر، وحاول متغطش في الرتب لإتهم
هيزعلوا قوي من الموضوع ده، يعني مثلا لو واحد عقيد وقلت له
باسيادة النقيب هيزعل منك جدا، ولو احترت ومعرفتش الرتبة
اللي قدامك قوله ياخندم وخلص نفسك.

س: بنسمع الناس بتقولهم ياباشا و يابيه؟

ج : لو معرفتش رتبة الظابط اللي قدامك قول له ياخندم بس لأن
البشوية والبهوية اتلفت من زمان، أما يابيه وياباشا اللي بيقلوها
لهم المسجلين والحرامية.

س: وإزاي اتعامل مع الظباط؟

ج : اتعامل معاهم بكل نوق واحترام لكن المهم متخفش منهم لإنهم في الأول والآخر موظفين في الدولة شغلتهم خدمتك ولو كنت راجل سليم ومحترم هيتعملوا معاك بمنتهى الألب والنوق لكن لو حسوا إنك خايف منهم هيشكوا فيك ويبتدوا يعاملوك معاملة المجرمين. لإنهم زي متقول كده بيشمعوا ربحه خوف للحرامية والمجرمين ويعرفوهم من شكلهم وحركاتهم وطريقة كلامهم.

س: المشكلة مش في الظباط لكن المشكلة بتكون دايما في معاملة الأمناء والمخبرين والمناديب؟

ج : لو أي حد من الأمناء أو المخبرين اتجاوز حدوده معاك اطلع ع الظباط عطلول وإحكيه اللي إنت علوزه وهتلاقيه راجل منظم وإبن ناس وهيقضيلك موضوعك، المهم تتعامل معاه باحترام ونوق وبدون خوف، ولو أي حد من الأمناء أو المناديب والمخبرين عمل معاك أي تجاوز لازم تبلغ للظباط وهم هيجيبولك حقه ويعاقبوه ولازم تعمل محضر بأي تجاوز.

قسم الشرطة

س: ليه علاقة الناس بأقسام الشرطة؟

ج : القسم أو المركز مكان لحمايتك ومن حقك نقضي مصالحك فيه بكل أمان وبدون أي خوف من الشرطة لأنها في خدمتك وشغلها حماية للناس.

س: ليه الناس بتتهان وتتضرب في أقسام الشرطة؟

ج : مفيش حاجة اسمها إهانة أو ضرب أو تعذيب للناس، وأي تجاوز لازم كل الناس تقف ضده وتكشفه، لأن أي حد مهما كان مش من حقه يهين أي حد من الناس في الأقسام وكل اللي بيحصل بكون تجاوزات من أشخاص مرضي أو مش عارفين ولجبههم كويس، ووزارة الداخلية بتعاقب أي حد بيتجاوز حدوده أو بيمتغل سلطته غلط، والقانون بيعاقب أي حد يهين الناس أو بوضربهم أو بيعذبهم، وجرايم التعذيب لا تسقط بالتقادم.^(١)

س: يعني ليه جرايم التعذيب لا تسقط بالتقادم؟

ج : يعني مفيش مدة محددة لتقديم الشكوي أو البلاغ في قضايا التعذيب مهما طال الزمن، والتعذيب مش زى القضايا التانية اللي ليها مدة محددة للشكوي وتحريك القضايا.

^١ - نيل حورق المواطن وواجباته عند التعامل مع الأجهزة الأمنية ص ١١، ١٢، ١٣.

س: لو كان لي أي مصلحة في القسم أتعامل مع مين؟

ج: لازم تعرف القسم بيتكون من مين وليه وظيفة كل واحد فوهم:

- المأمور: الممسول الأول عن القسم كله وظباطه ومباحثه وحجزه وفروعه (النقط) وبوره حفظ الأمن والنظام في دائرة القسم. ودليما بيكون عميد أو عقيد.

- نائب المأمور: بيعاون المأمور في الإشراف علي القسم وينوب عنه وقت غيابه ودليما بيكون عقيد أو مقدم.

- معاون النظام: الممسول عن الانضباط وتشغيل القسم وكشوف الخدمات.

- معاون الضبط: الممسول عن مراجعة المحاضر والتحقيقات والنوبتجية والتفتيش علي الحجز أو سجن القسم أو المركز.

- رؤساء الدوريات: بيكونوا ٢ ضباط مسولين عن الدوريات في نطاق القسم، والمرور بدائرة القسم، وفحص البلاغات والمعاينات والحوادث.

- النوبتجية: بتتلقى البلاغات اللي بتيجي للقسم وتعمل المحاضر وتقودها في الدفاتر، والتفتيش علي الحجز، وإخطار رئيس الدورية بالانتقال للحوادث، البلاغات، المعاينات، وإخطار المأمور ونتبه بالبلاغات الهامة، وتحويل المحاضر للمباحث وللنيابة.

- وفي كل الأحوال لازم تمر علي النوبتجية وهي توجهك للممسول.^(١)

١. دليل عمل مراكز وأقسام شرطة صابر عن قطاع التفتيش بوزارة الداخلية.

المباحث

المأمور هو الرئيس المباشر لضباط المباحث، ويشرف على كل أعمالهم. والمباحث لازم تعرض عليه كل اللي بيوصل لهم من معلومات أو تحريات، لكن إدارة البحث الجنائي بتتولي الإشراف الفني على ضباط المباحث، ويكون لكل قسم ضابط رئيس لوحدة المباحث ويعاونه ضباط وأمناء ومخبرين لكن كلهم بيشتغلوا تحت إشراف مأمور القسم.

- رئيس المباحث: هو رئيس وحدة المباحث في القسم بكاملها من ضباط وأمناء ومخبرين ودائما يكون مقدم أو رائد.
- معاوني المباحث: يعملونوا رئيس المباحث في عمله وتنفيذ الأحكام وملاحقة المشبوهين والمنشربين.
- المخبرين: يكونوا أمناء أو مساعدين أو مراقبين أو مناديب شرطة يعملونوا في دوريات في دائرة القسم لتحقيق الأمن وضبط الجرائم ويعملونوا ضباط المباحث في المأموريات وتنفيذ الأحكام.

المُرشدين

هم جماعة من المواطنين ومش من الشرطة يكون لهم دراية بالجرائم والمجرمين، ويرشدوا المباحث بالمعلومات لكشف الجرائم ومنعها وضبط المجرمين الهاربين المطلوب تنفيذ أحكام عليهم، وغالبها يكونوا مجرمين سابقين، أو ناس مخالطة للمجرمين، ولا بد يكون للتعامل معهم بحذر شديد.

س: إيه دور المرشدين مع الشرطة؟

ج : المرشدين يجيبوا معلومات عن الجرائم والمجرمين وينقلوا الأخبار لظباط المباحث عن الجرائم والمجرمين ويكونوا دائما مجرمين أقدام.

س: المرشدين يكونوا رجاله فقط ولا فيه ستات مرشدين للمباحث؟

ج : المرشدين ممكن يكونوا ستات أو بنات لو رجاله.

س: المرشدين دول بيعملوا كده ليه؟

ج : لأنهم بياخدوا فلوس من المباحث عن القضايا اللي يجيبوها وساعات يكونوا مجرمين تايبين والمباحث بتستفيد منهم في كشف القضايا والمجرمين والهاربين من الأحكام.

س: لو ظابط مباحث طلب مني أشتغل مرشد معاه وأنا مش عايز؟

ج : مش من حقي حد يخليك مرشد غصب عنك.

س: لو كنت عايز أشتغل مرشد بمزاجي؟

ج: روح لظابط المباحث وقوله إنك عايز تشتغل مرشد، لكن لازم يكون عندك معلومات عن المجرمين والجرائم اللي بيعملوها.

س: أعمل إيه لو عرفت واحد بيشتغل مرشد للمباحث؟

ج: حاول تبعد عنه ومتعرفوش أسرارك.

س: ولو فيه مرشد بيفرض أتاوه علي حد عشان ميقولش حاجة عنه؟

ج: بروح لرئيس المباحث ويقول له إن المرشد فلان لافلاي بيهده وبيأخذ منه فلوس وهو أكيد هيعاقبه وعلي فكرة الجماعة المرشدين بتكون نهايتهم إما الحبس أو حد يقرهم.

س: هل ممكن ظابط المباحث لو ما اشتغلتش مرشد ليه يلفللي قضية؟

ج: مفروض حد بيشتغل مرشد غصب عنه، ولو الظابط ضغط عليك تقدر تدخل للأمور وتشتكيه نو تضاع حي مفيش اتداخلية.

حقوق الناس في قسم الشرطة

كل بني آدم يتقبض عليه أو يتحبس أو تتقيد حريته لازم يتعامل كويس ومحدث يضربه ولا يهينه ولا يهين كرامته، ومحدث ياخذ منه اعتراف علي نفسه أو علي حد تأتي بالضرب أو بالتهديد أو بالتخويف والإهانة ويكون اعترافه باطل وملهوش أي قيمة ويتحاسب علي كذا للي ضربه أو هاته أو عنبه.^(١)

س: وإيه حقوق الناس في قسم الشرطة؟

ج : حقوق الناس كتير جدا، ومهم إتهم يعرفوها لكن الأهم إتهم يتمسكوا بيها ويكونوا ولتقين من نفسهم ومش خايفين، ولازم نفرق بين حقوق المجنى عليه وبين حقوق المتهم أو المقبوض عليه.

١. مادة ٤٢ من دستور.

حقوق المجني عليه

س١ ايه حقوق المجني عليه في قسم الشرطة؟

ج١ حقوق المجني عليه:

- من حق المجني عليه إن الشرطة تتلقى بلاغه أو شكوته ويثبتوها في محضر يقول فيه كل اللي علوزه، ويقيدوا المحضر في دفتر القضايا رقم ١٤ وإعطاه رقم المحضر عشان يتابعه.
- من حقه يشوف المحضر ويقرأه ويتأكد إن كلامه اللي قاله هو نفس الكلام اللي لتكتب في المحضر.
- من حقه يتعامل كويس ومحدث يهينه أو يأنيه أو يمس كرامته بأي شكل أو يستهتر ببلاغه مهما كان لو يعطله في القسم لوقت طويل بدون سبب.
- من حقه يتساوي بيته وبين نسائه في المحضر يعني لو كان فيه حادثة أو نزاع بين طرفين، والظابط سمح لطرف بقعد ببقى لازم بقعد الطرف التاني ويعامله نفس المعاملة.^(١)
- من حقه يعطوه رقم المحضر اللي كتبه عشان يقدر يتابعه ويسأل عليه في القسم والنيابة.
- من حقه وحق محاميه الحصول علي صورة من المحضر.

١. ينهل حقوق المواطن وواجباته عند التعامل مع الأجهزة الأمنية ص ١١ الصادر عن وزارة الداخلية.

- من حق المجني عليه عمل أي محضر أو بلاغ أو شكوي في أي قسم بدون التقيد بالمكان الذي حصل فيه الموضوع وبدون التحجج بأن الموضوع حصل في دائرة قسم تاني.^(١)
- من حق الشرطة في القسم تحلف أي مواطن اليمين أو تستجوبه.
- من حق الشاكي إن للشرطة تسمع شهوده التي معاه أو التي يطلبهم للشهادة وتثبت شهادتهم في المحضر.
- من حق الشاكي إن الشرطة تعمل له معاينه لو طلب إجراء المعاينة وكانت الحالة تستدعي عمل معاينة.
- من حق المجني عليه إنه يطلب تحويله للكشف الطبي لو كان مصاب في حادثة أو مشاجرة ويتم تحويله للكشف الطبي.
- لا يجوز لأي فرد من الشرطة الكشف أو النظر لأي مكان يعتبر عورة للمرأة لو كانت المصابة أنثى، لكن يتم إثبات الإصابات الظاهرة فقط وتحويل المصابة للكشف عليها بمعرفة الأطباء بالمستشفيات.
- من حقه عدم إفشاء أسراره لغير سلطات التحقيق.

س: أعمل المحضر في أي مكان في القسم؟

ج: أي محضر يتعمل في النوبتجية.

س: أعمل إيه لو عملوا للمحضر ورفضوا يعطوني رقمه؟

ج: لازم تاخذ رقم المحضر قبل ما تمشي من النوبتجية.

١. واجبت رجل شرطة في مجال حماية حقوق الإنسان وصور حرمة له شخصية من ١١.

س: أعمل إيه لو في النوبتجية رفضوا يعملوا المحضر وطلبوا مني أطلع أعمله في المباحث؟

ج: تتمسك بحقك إتك تعمل المحضر في النوبتجية وبعد ما تعمل المحضر وبقيدود في الدفتر (١٤) وتأخذ رقمه تبقى تطلع المباحث. لأن المكان الطبيعي لعمل المحاضر النوبتجية مش المباحث، ولو رفضوا تحرير محضرك في النوبتجية تطلع على المأمور أو نائب المأمور ولكيد هيمسك المحضر ويجازي أي حد رفض بحررك المحضر لو يتلقى بلاغك أو شكوتك.^(١)

س: أعمل إيه لو كان للمأمور أو النائب مش موجودين في القسم؟

ج: تطلع على المديرية وتطلب مقابلة مفتش الداخلية وتقدم له شكوي هيلمر فورا القسم بتحرير المحضر وهيجازي الظابط أو الأمين اللي إمتنع عن تحرير المحضر ويمكن يجازي معاه مأمور القسم نفسه.

س: وفين مكتب مفتش الداخلية؟

ج: في مديرية الأمن.

س: وهو سهل دخول المديرية ومقابلة مفتش الداخلية، دا حواليتها ظباط وعسكر معاهم كلاب بيمنعوا الناس أسلما تمشي من جنب المديرية؟

ج: مفتشين الداخلية سهل جدا مقابلتهم، وقول لأي حد يسالك إتك طالع لمقابلة مفتش الداخلية ومتقولش لأي حد يسالك إبت علوزه في

١. مادة ٢٤ من قانون الإحرامات الجنائية.

إليه مهما حاولوا يعرفوا معك، وصمم تقابله لأنك لو صممت تقابله متقابله. ومحدث هيقدر بمنعك من مقابلته والكلاب الي بتشوفها حوالين الأقسام والمراكز بتكون لحراسة المديرية مش لمنع أو لتخويف الناس من الدخول.

س: مفتش الداخلية ظابط شرطة وأكد هيجامل زميله؟
ج : مفتش الداخلية مش ممكن يجامل أي حد لأن شغله إنه يحقق في أي تجاوز بيحصل من أي ظابط مهما كان وبيحقق معاه.

س: أروح لعين لو كان الوقت بالليل ومفتش الداخلية روح أو مش موجود؟

ج : تطلب تقابل ظابط عظيم المديرية وتبلغه باللي حصل معك وهو هيقوم باللائم وهيتصل بالقسم وهاخفوا بلاغك أو شكوتك.

س: لو كان ظابط عظيم المديرية روح؟
ج : ظابط عظيم المديرية مش بيروح وموجود عطول.

س: لو اللي ع الباب منعوني من مقابلته؟
ج : مش هيمنعوك ولو منعوك وكنت في القاهرة أو في الجيزة اطلع علي وزارة الداخلية في لاطو غلي وتطلب تقابل ظابط عظيم الوزارة وتقدم له شكوي باللي حصل وهو هيقوم باللائم.

س: أعمل إيه لو معرفتش أوصل لحد في الداخلية؟
ج : تعمل شكوي للنياية وتقابل رئيس النياية وهو هيامر القسم بعمل المحضر أو هيصلك المحضر في إستيفاء النياية.

س: هي مقابلة رئيس النيابة سهلة؟
ج : سهلة جدا لأن مفيش حد بيمنع أي مواطن من مقابلة رئيس
النيابة.

س: ولو عملت كل ده ومعرفتش أعمل محضر؟
ج : اتصل بيانا علي رقم تليفون ٠١٠٦٠٤٣٨٨٢٠٠١٠٦٠٤٣٨٠٢ أو
علي تليفون ٢٧٣٥٥٣٩٣ وإحنا هنساعدك ونقولك تعمل إيه أو
اتصل بمحاميك لو كان ليك محامي أو اطلع علي جرنال من جرايد
المعارضة وإحكيلهم الموضوع أو علي برنامج من البرامج
المشهورة زي ٩٠ دقيقة أو العشرة مساء.

البلاغ

س: يعني إيه بلاغ؟

ج: هو إخبار النيابة أو الشرطة عن جريمة حصلت أو قبل ما تحصل أو إن فيه ناس بتخطط وبتتلق على ارتكاب جريمة.

س: لمين أقدم البلاغ؟

ج: البلاغ تقدمه للنيابة أو للقسم اللي انت تبعه أو اللي تبعه حصلت المشكلة أو في القسم اللي ساكن تبعه الشخص اللي علوز تبلغ عنه أو اللي حصلت أو هتحصل فيه الجريمة أو في أي قسم أو مركز أو نقطة شرطة أو في مديرية الأمن.

س: لزاى أقدم البلاغ؟

ج: ممكن تقدمه مكتوب أو شفوي أو بالتليفون أو بجواب أو بتلغراف أو تعمل بيه محضر في القسم أو المديرية أو النيابة.

س: هل فيه مواعيد معينة لتقديم البلاغات؟

ج: للبلاغ يتقدم في أي وقت للشرطة لأن أقسام ومراكز الشرطة شغالة طول ٢٤ ساعة في اليوم، لكن فيه مواعيد النيابة صباحية ومسابية ويفضل تقديم البلاغات للنيابة قبل الساعة ١٢ مساءً.

س: لو فيه جريمة عايز أبلغ عنها ومش عايز أقول اسمي؟

ج: ممكن تبلغ من غير ما تقول اسمك عن طريق التليفون.

س: لو كنت عارف إن فيه جريمة حصلت وخايف أو مش علوز أبلغ عنها يبقى على مسئولية؟

ج: لو كانت الجريمة يتمس بلمن البلد من الدخل أو من الخارج يبقى لازم تبلغ عنها وإلا تتحبس مدة متردش عن سنة وبغرامة متردش عن ٥٠٠ جنيه أو بعقوبة من الاتنين وتضاعف العقوبة في زمن الحرب.^(١)

س: لو رحت القسم أبلغ عن حاجة أو أشتكى حد والظابط أو الأمين مريض ياخدوا بلاغي أو يعملولي محضر؟

ج: مفيش حاجة اسمها مريض ياخذ بلاغك أو امتنع عن إته بعملك محضر لأن القانون ألزم الشرطة إته تتلقي البلاغات والشكاوي مهما كانت من الناس في كل الأوقات والظروف،^(٢) ولو رفض الظابط أو الأمين أو أي حد في القسم إته بعملك محضر ببلاغك أو شكوتك تدخل ع المأمور أو نائب المأمور وتقول إتهم مش راضيين ياخدوا بلاغك أو يعملوك محضر وهيامرهم ياخدوا بلاغك ويعملوك المحضر عطلول.^(٣)

١. مادة ٨٤ من قانون العقوبات.

٢. مادة ٢٤ من قانون الإجراءات الجنائية.

٣. مادة ٨٢ من تعليمات قلعة النبلات.

س: هل من حقى أشوف المحضر قبل ما أمضى عليه؟
ج: من حقك تفرا المحضر قبل ما تمضى عليه وتتأكد إن اللي إنت قولته هو نفس الكلام اللي اتكتب فى المحضر.

س: أعمل إيه لو لقيت الكلام اللي بيتكتب فى المحضر غير الكلام اللي أنا قولته؟

ج: متمضيش على المحضر وقول للي كتب المحضر بعده لأن مش هو ده الكلام اللي أنا قلته ولو مرضيش بعده متمضيش عليه وادخل الامور لو النائب وقوله إن الظابط أو الأمين كتب حاجات غير اللي قولتها فى المحضر.

س: أعمل إيه لو حد طلب مني إكرامية أو فلوس عشان يعملني المحضر؟

ج: متدفش لحد أي فلوس أو إكراميات لأنك لو تمسكت وانت بتدي لحد فلوس ممكن يتعمك قضية رشوة وتتحمس معاه.

س: أنا عايز أخلص مصلحتي ومحدث بعطلني؟

ج: متدفش لحد حاجة لأن ده فيه خطر عليك ومصلحتك تخلص من غير رشاي لو إكراميات.

س: أعمل إيه لو عايز أشتكي ظابط أو أمين شرطة أشتكيه فين ولمين؟

ج: تقدر تشتكيه في القسم للامور أو نائب الامور، أو في المديرية أو المفتش الداخلية في المديرية، أو للتفتيش في الوزارة أو في النيابة العامة.

س: باعم هو حد يقدر يشتكي لظباط دول عندهم حصاة ومحدث يقدر يعملهم أي حاجة؟

ج : ظباط الشرطة ملهمش أي حصاة وبيتحاسبوا زي أي حد بالعكس بيتحاسبوا مرتين لو عملوا أي تجاوز مع أي حد، مرة قدام النيابة والمحكمة، ومرة قدام جهة مشغلهم، والوزارة بتجازي أي حد بعمل غلط أو بيمستغل وظيفته مهما كانت رتبته ومبترحمش أي مخالف للقاتون لأنه بيمسبن للجهاز كله وبيمسبن لزمائله المحترمين اللي بيحترموا حقوق الناس.

س: لو بلغت عن حاجة وطلعت مش حقيقية؟
ج : هيعطوك بلاغ كاذب.

س: يعني إيه بلاغ كاذب؟

ج : يعني إناك تقدم للشرطة لو للنيابة بلاغ مش حقيقي بسوء قصد عشان تضر حد وتأذيه.

الشكوى

س: يعنى إيه شكوي؟

ج : يعنى شخص يكون متضرر من حاجة أو من حد ويروح بنفسه يقدم شكوى للنيابة أو للشرطة. والشكوى ممكن تكون مكتوبة وممكن تبقى شفوية. والأحسن تكتب فيها إسم المتهم وبياتته وعنوانه لأن الشكوى ملهاش قيمة لو كانت ضد حد مش معروف أو ضد شخص مجهول.

س: مين من حقه يقدم الشكوى؟

ج : الشكوى تكون من البنى آدم العاقل ولارم يكون أكبر من ١٥ سنة ومش مجنون لو معتوه ولو كان مجنون أو معتوه تتقدم الشكوي من الولي عليه.^(١)

س: ليه أكتب شكوي مش الفضل لروح اعمل محضر عطلول؟

ج : فيه حالات لارم الشخص المضرور يتقدم فيها بشكوي للظبط وعلي أساس الشكوى يتعمل المحضر، زي جريمة الزنا مثلا لارم الزوج يقدم شكوي ومحدث يقدر يعمل أي حاجة للزوجة الزانية لو جوزها معملش شكوي فيها. ولو زوجة سرقت جوزها لو ابن

١. مادة ٥ من قانون الإجراءات الجنائية.

سرى أبوه لازم الأب يشتكى الأول أو لو حد شتمك فى التليفون.
لأن دي جرائم لازم فيها للشكوى من اللي ليه الحق فى الشكوى.

س: لو اشتكيت أكثر من واحد فى محضر ممكن اتنازل لواحد فقط منهم
لكن مش ليهم كلهم؟

ج: لو اتنازلت لواحد من اللي شاكيهم يعتبر تنازل لكل المتهمين اللي
ابت شاكيهم، وكلهم يستفيدوا من تنازلك لأي واحد منهم وتبقى
اتنازلت للجميع.^(١)

س: لو حد من اللي قدموا الشكوى اتنازل، تسقط للشكوى كلها عن كل
اللي اشتكوا ولا لازم كل اللي اشتكوا يتنازلوا عن شكاوهم؟
ج: لو أكثر من واحد اشتكوا لازم كلهم يتنازلوا عن شكاوهم.^(٢)

س: لو كنا أكثر من واحد عاوزين نمشكى حد؟
ج: تقديم الشكوى من واحد من المضرورين (المجنى عليهم) كفاية،
ومش لازم كلهم يروحوا يشتكوا.

س: هل من حق الشاكي التنازل عن الشكوى؟
ج: أي بني آدم يقدر يتنازل عن الشكوى اللي قدمها وفي أي وقت قبل
ما يصدر فيها حكم نهائي من القاضي يعني يقدر يتنازل في القسم
وممكن في النيابة وممكن في المحكمة.

١. مادة ١٠ من قانون الإجراءات الجنائية.

٢. مادة ١٠ من قانون الإجراءات الجنائية.

هـ : وإمتي يسقط حق المضرور في تقديم الشكوي؟
ج : يسقط الحق في الشكوي بعد ثلاث شهور من علم المجني عليه
بالجريمة والى ارتكبتها، لو منصف القاتون علي غير كده.^(١)

١. ملحة ٣ من قانون الإجراءات الجنائية.

حقوق المقبوض عليه في قسم الشرطة

- س: إيه حقوق المتهم أو المقبوض عليه في قسم الشرطة؟
- ج: حقوق المتهم أو المجني عليه في قسم الشرطة هي:
- من حقت تعرف فوراً سبب القبض عليك وإيه التهمة الموجهة لك بالتحديد.^(١)
 - من حقت تعرف شخصية الشخص اللي قبض عليك، لأن اللي بيقبض عليك لازم يعرفك بنفسه من تلقاء نفسه ومكان شغله وبيوريك الكارنيه بتاعه من نفسه، لكن لو رفض يعرفك بنفسه ووظيفته من حقت تطلب تعرف هو مين وبishtغل إيه وفين.^(٢)
 - من حقت تتصل بأهلك أو بمحاميك وتطلب مساعدتهم.^(٣)
 - من حقت محدش يهينك أو يضربك أو يشتك بأي شكل لو يأنك بأي طريقة من الطرق.
 - من حقت ترد علي التهمة اللي وجهوها ليك في محضر مكتوب، وتقول فيه اللي بقت علوزه ويكتبوا اللي انت بتقوله بالحرف، ومش من حق حد من الضباط اللي في القسم أو الأمناء أو حتي من المباحث يستجوبك أو يواجهك بأئلة عليك أو يواجهك بشهود عليك ومن حقت تتكر التهمة الموجهة ليك لو تعرف

١. ص ١٢ من كتيب واحببت رجل لشرطة في مجال حماية حقوق الإنسان ومون حرياته

الاساسية الصادر عن وزارة الداخلية طبعة يناير ٢٠٠٥

٢. مادة ٢١ مكرر من قانون الإجراءات الجنائية.

٣. ص ١٣ من كتيب واحببت رجل لشرطة في مجال حماية حقوق الإنسان ومون حرياته

الاساسية الصادر عن وزارة الداخلية طبعة يناير ٢٠٠٥.

ببها أو مترش من أساسه لأن الاستجواب والمواجهة دي حاجات من حق النيابة فقط ومش من حق الشرطة.^(١)

• من حقت تمسك ومترش علي أي أسئلة ومحدث بجبرك علي الاعتراف علي نفسك أو علي حد تاني ولو ضربوك وأجبروك علي الاعتراف بأي حاجة أول ما توصل لوكيل النيابة وقبل ما ترد علي أي حاجة من أسئلته تتمسك بباتك اتضربت وتهددت وإن اعترافك في القسم كان تحت التهديد والضرب ولو كان فيك أي إصابة حتي لو كانت بسيطة لازم توريها لوكيل النيابة وتطلب إته يثبتها في محضر النيابة وتطلب إته بحولك علي المستشفى أو للطب الشرعي عشان يثبتوا الإصابات اللي فيك وتتهم اللي عملهاك بالاسم قبل ما ترد علي أي سؤال من أسئلة وكيل النيابة لأن أي اعتراف علي نفسك لو علي أي حد تحت الضرب أو التهديد يبقى باطل وملهوش أي لازمه.

• لو حبسوك لازم يتم الحجز جود القسم مش في أي مكان تاني خارج القسم.

• لازم تتعرض علي النيابة وتسمع أقوالك في ظرف ٢٤ ساعة من وقت القبض عليك، وإلا يسقط حبسك وتكون محبوس بدون وجه حق ودي جريمة يتحاسب عليها القلابط، بتهمة حجز مواطن بدون وجه حق.^(٢)

١. ص ١٣ من كتيب أحييت رجل الشرطة في مجال حماية حقوق الإنسان وصون حرمة الأسلية الصادر من وزارة الداخلية طبعة يناير ٢٠٠٥.

٢. ص ١٣ من كتيب أحييت رجل الشرطة في مجال حماية حقوق الإنسان وصون حرمة الأسلية الصادر عن وزارة الداخلية طبعة يناير ٢٠٠٥.

- من حقك تتعامل علي إتك برىء لآك مهما كنت متهم لازم يعاملوك علي أساس إتك برىء طالما مصدرش عليك حكم نهائي من المحكمة.^(١)
- من حقك تصلي لو كنت بتصلي ومحدث يمنعك من الصلاة.
- من حقك تأخذ معك دواك لو كنت مريض ومحدث يمنعك عنك.
- من حقك يطلبوا لك الإسعاف ويجيبوا لك دكتور لو كنت عيان أو حالتك تستاهل ينقلوك بالإسعاف للمستشفى.
- من حقك تأكل وتشرب ومحدث يجوعك ويصرفوا لك التعيين كل يوم.
- من حقك تشتري أي أكل أو حد بدخلك أكل طول فترة حجزك في القسم.
- من حق الإناث إنها تتحجز لوحدهم في حجز خاص بالسيدات فقط.
- من حق الأحداث اللي أقل من ١٨ سنة اتهم بتد زوا لوحدهم في حجز خاص بيهم ومش مع الكبار عذ من محدش يعتدي عليهم بدنياً أو جنسياً بأي شكل من الأشكال.
- من حقك تتحجز في غرفة الانتظار ومتنزلش الحجز لو كنت متعرض علي النيابة في محضر مصالحة أو أي محضر بسيط ومفיש عليك سوابق أو أحكام.^(٢)

١- من ١٢ من كتيب اجنات رجل الشرطة في مجلد حملة حقوق الإنسان وصور حريته الأساسية الصادر عن وزارة الداخلية طبعة يناير ٢٠٠٥.

٢- من ١٣ من كتيب اجنات رجل الشرطة في مجلد حملة حقوق الإنسان وصور حريته الأساسية الصادر عن وزارة الداخلية طبعة يناير ٢٠٠٥.

• لو كنت محبوس على نمة قضية لا يجوز لمأمور السجن أنه يسمح لأي حد من الظباط أو رجال المصلحة يتصل بك أو يزورك إلا بأمر كتابي من النيابة العامة ولازم مأمور السجن يثبت الزيارة واسم اللي قام بيها ووقت الزيارة وإن الزيارة في دفتر السجن.^(١)

س: الناس اللي في الحجز حقوقهم إيه بيقاموا إزاي وبياكلو إيه؟
ج: من حق المحجوز إنه ياكل ويشرب ويتصرف له 'الجراية' يوميا. ومن حق أي حد يدخل له أكل في الحجز.

س: لو حد من المدجوزين ضرب غيره أو حاول يعتدي عليه بالضرب؟
ج: يصرخ ويطلب الظباط اللي في النوبة تجبة ويعملونه مدضر ويثبت الإصابات اللي فيه ويعرضه على المستشفى.

س: يعمل إيه الشخص المحجوز لو حد حاول يعتدي عليه في الحجز جنسياً؟

ج: لازم يصرخ ويطلب الظباط من النوبة تجبة وأكد هيعملوا اللازم.

س: هو الظباط ممكن يحلفني اليمين؟

ج: لأ مش من حق الظباط يحلفك اليمين أو يحلف الشهود، ده من حق وكيل النيابة والقاضي فقط، لكن ممكن الظباط يحلف اليمين لو كلات فيه حالة ضرورة.^(٢)

١. مادة ١٠٠ من قانون الإجراءات الجنائية .

٢. مادة ٩٠.٨١ من التعليمات العامة للنيابات الفرعية.

الفعل الفاضح

س: هل من حق الناس يخرجوا مع أي حد في أي مكان بدون خوف من الشرطة؟

ج: من حق أي حد يخرج في أي مكان مع أي حد، حتي لو كانت اللي معاد مش خطيبته أو مرته، بشرط ميكونش في مكان مشبوه أو يكون بهرتكب جريمة مخلة بالأدب، أو بيعمل معاها فعل فاضح في الطريق العام.

س: يعني إيه فعل فاضح؟

ج: الفعل الفاضح هو فعل خارج عن حدود الأدب والأخلاق والعادات والتقاليد والدين المعروفة في المكان، ويكون متعلق بأي حاجة جنسية، أو يكون فيه شخص بيعرض للغير جزء من أماكن العورة من جسمه، أو بيعمل بجسمه حركات، ليها معنى جنسية ويتعاقب اللي يعمل فعل فاضح بالحبس مد. متزامن علي سنة أو بغرامة متزده عن ٣٠٠ جنيه.^(١)

س: لو شخص ماشي في الشارع مع خطيبته لو مع واحدة صحبته ومشيين محترمين ووقفهم ظابط أو أمين شرطة وطلب بطاقته وطاقته وحاول يخدمهم ع القسم؟

ج: لازم يعرف هو مين الأول ويطلب يشوف الكارنيه بتاعه، ولو كان ظابط أو أمين شرطة بوريه البطاقت، ويسأله عن سبب توقيفه

١. مادة ٢٧٨ من قانون العقوبات لمصلحة القانون ٢٩ لسنة ١٩٨٢.

لهم، لأن مش من حقه يخدم ع القسم إلا إذا كان فيه سبب أو
كانوا في موقف مش ولا بد أو يكون حظ نفسه بمزاجه في حالة
شك وريبة أو لو اتهمك متلبس بجريمة فعل فاضح في مكان
عام.

س: يعمل إيه لو خد بطاقته ومشي؟

ج: بروح ع القسم عطلول اللي حصل فيه الموضوع ويقابل المأمور
ويعمل محضر في القسم للشخص اللي خد بطاقته من غير سبب
لأن أخذ بطاقة أي مواطن من غير سبب جريمة.

س: وهو بقدر يعملهم محضر أو قضية بالبطاقات اللي خدها في غير
وجودهم؟

ج: ميقدرش لأنه لو كان عايز يعملهم محضر هيخدم ع القسم ويعمل
لهم محضر.

س: وهو ممكن يعملهم قضية آداب؟

ج: مش من حق حد يعملهم قضية آداب لو كانوا ماشيين في حالهم
ومحترمين ومعلوش حاجة تخل بالآداب.

س: يعني إيه فعل فاضح في الطريق العام؟

ج: يعني حد يعمل حركات مش مظلومة، زي إته ببوس واحدة في
الشارع أو يحضنها لو يمسك صدرها أو وسطها أو رجلها لأن
ده بيبقي فعل فاضح في الطريق العام حتى لو كانت أخته لو مراته
أو خطيبته، لأن مش من حقه ببوسهم في الشارع ولا في مكان

عام أي حد يقدر يشوفهم فيه، أو واحد أو واحدة يعمل حركة
بحسبه أو علي جسمه ليها معنى جنسي، أو يعرض للناس جزء
من أملكن العورة من جسمه.

س: يعني إيه مكان عام؟

ج : المكان العام هو أي مكان يقدر أي شخص إته يدخله أو يمر عليه
من غير قيود زي الشارع مثلا، أو يقدر يدخله أي حد من الناس
بعد ما يدفع فلوس أو رسم دخول زي الحدائق العامة أو السينما
أو الكافيه أو النادي.

س: ولو كان شارع فاضي ومحدث بيمر فيه كتير؟

ج : مادام ممكن أي حد يمر فيه ومحدث يمنع بهي مكان عام.

س: ولو كانوا بالليل والدنيا ضلمه؟

ج : لو حد شافهم يبقي فعل فاضح سواء بالليل أو بالنهار.

س: ولازم الناس تشوفهم علشان الفعل يبقي فعل فاضح؟

ج: لو كان محتمل إن أي حد يشوفهم يبقوا يرتكبوا فعل فاضح.^(١)
ومش شرط حتى لو محدش شافهم.

س: لو كانوا في عربيه مين من حقه يسألهم؟

ج : أي ظابط حتى لو كان ظابط مرور من حقه يطلب يشوف رخصة
المسيرة ورخصة القيادة ويتأكد إتها سليمة لكن مش من حقه
يسأل صاحب العربيه مين اللي معاه طالما مفيش فعل فاضح.

١. نفس ٦٤٤ لسنة ٣: في جلسة ١٤/١٠/١٩٧٣.

س: يعمل إيه لو سألته عن اللي معاه تبقي مين؟
ج : بقوله خطيبته أو صاحبتة ويقدر يشوف بطاقتها لو طلب يشوفها،
وهيسبهم ويمشي لو مكنوش في وضع مغل، أو بيعملوا فعل
فاضح.

س: هل من حق الشرطة تمسكهم في الشارع في عز الظهر؟
ج : من حقهم لو كانوا في وضع مغل بالآداب أو بيعملوا جريمة فعل
فاضح في الطريق العام في أي وقت أو مكان عام.

س: وهو يقدر يعملهم محضر فعل فاضح وهم في عربية؟
ج : أيوه يقدر لو كانوا في حته مقطوعة زي المقطم مثلا أو في
الطريق الصحراوي في وضع مغل بالآداب من حقه ياخداهم ع
القسم ويحجزهم ويقدر يسحب رخصة القيادة ورخصة العربية
٩٠ يوم ولو إتتمك تاتي بنفس التهمة ممكن تتلغي الرخصة
خالص.^(١)

س: إشمعني الشباب، هي جت علي بوسة يعني، ما الناس نازلين بوس
وأحضان ورقص ومسخره في الفضائيات ومحدث بيكلهم؟
ج : للأسف ساييين اللي بيعملوا إغراء للناس ليل ونهار وأفعال فاضحه
وبيمسكوا الشباب الغلبان علي بوسة.

١: مادة ٧٢ من قانون المرور.

الدعارة

س: يعني إيه دعارة؟

ج : الدعارة إن أنثى تتعود علي أنها تبيع عرضها وشرفها للرجاله بدون تمييز.^(١)

س: يعني إيه بدون تمييز؟

ج : يعني متكنش بتفرق بين للرجاله اللي بتمارس الجنس معاهم ومفيش بينهم معرفة سابقة أو صداقة أو علاقة.

س: هل من حق أي شخص يعزم صاحبتة في بيته. ولا ممكن ظابط أدب بعمله قضية أدب لو دعارة أو بفتش البيت أو يخذها من بيته؟

ج : لازم نفرق إذا كانت فعلا صاحبتة ولا صاحبه طياري من الشارع، لأنها لو صاحبتة بجد ورايحه معاه بيته بمزاجها، مفيش حد له حاجه عنده أو عندها قاتونا، لأن من حق أي شخص يستضيف أي حد في بيته، لكن لازم يحرص أنها متكونش ليها سوابق أو متعودة علي الدعارة لو متجوزة.

س: ولو ليها سوابق؟

ج : في الحالة دي هيشغلوا معاه شغل للمباحث، هيحاولوا يثبتوه وهيقولوا له إنت راجل محترم ومش وش فضايح، تعالى إشهد

١. نفس رقم ٩٠٨٣ لسنة ٥٨ ق ١٧/٥/١٩٨٩.

عليها وإحنا نروحك، وقول إنها جت معاك عشان تمارس الجنس من غير ما تعرفك أو تعرفها قبل كده، ويبقى هو اللي حبسها بنفسه لأنه بيكون الشاهد عليها، لكن لو صمم على إنها صاحبتة وإنه يعرفها قبل كده محدش يقدر يعملها قضية دعارة ولا يقدر يخذها من بيته من الأساس.

س: حتى لو مكنتش بتاخذ منه فلوس؟

ج: ناس كتير فاهمه غلط إن الست عشان بتعملها قضية دعارة لازم تكون بتاخذ فلوس، لكن الفلوس مش شرط من شروط قضية الدعارة، لأن شروط جريمة الدعارة إن الأنثي متكونش بتميز بين الرجاله اللي بتنام معاهم، وتكون متعودة علي كده.^(١)

س: هو فيه قضية دعارة للراجل؟

ج: الراجل ملهوش قضية دعارة لكن بيتعمله قضية فجور.

س: إيه الفرق بين الدعارة والفجور؟

ج: الدعارة إن أنثي تبيح عرضها وشرفها للرجالة بدون ما تميز بينهم وتكون متعودة علي كده، لكن الفجور إن الراجل يبيح عرضه وشرفه لغيره من الرجاله من غير ما يميز بينهم ويكون متعود علي كده.^(٢)

١. نص رقم ٦٨٣ لسنة ٤٥ ق ١٢/٥/١٩٧٥.

٢. نص رقم ٩٠٨٣ لسنة ٥٨ ق ١٧/٥/١٩٨٩.

- س: هل تعتبر ممارسة الرجل الجنس مع النساء فجور؟
- ج: لا يعتبر ممارسة الرجل الجنس والفحشاء مع النساء فجور.^(١)
- س: حتي لو كان الرجل متعود علي ممارسة الجنس مع النساء بدون تمييز بينهم؟
- ج: حتي لو كان متعود ولا يميز بينهم مفيش له قضية.
- س: حتي لو كان يباخذ منهم فلوس عشان يمارس معاهم؟
- ج: حتي لو كان يباخذ فلوس منهم عشان يمارس معاهم مفيش له قضية دعارة أو فجور.
- س: هل يعتبر السحاق يعني ممارسة الأنثي الجنس مع أنثي مثلها دعارة؟
- ج: السحاق لو ممارسة الجنس بين الإناث مع بعضهم لا يعتبره القانون جريمة دعارة، ولو سيدة أو بنت أبلحت عرضها وشرفها بدون تمييز لإناث زيها لا تعتبر ارتكبت جريمة دعارة.^(٢)
- س: لو واحدة اتمسكت في بيت دعارة بدون ما تمارس الجنس مع حد ممكن بتعملها لها قضية دعارة؟
- ج: لازم تكون مارست للدعارة في المكان اللي اتمسكت فيه ومجرد وجودها في بيت دعارة لا يعتبر دليل علي ممارستها للدعارة.^(٣)

١. بقض رقم ٩٠٨٣ لسنة ٥٨ ق ١٧/٥/١٩٨٩، بقض رقم ٩ لسنة ٦٠ ق حنة ١٩٩٠/٥/٦.

٢. بقض رقم ٧٣٦ لسنة ٢٤ ق ١٨/١٠/١٩٥٤.

٣. بقض رقم ١١٠ لسنة ٢١ ق ٢٧/١١/١٩٥١، ١١٠٤ لسنة ٢١ ق ٢٧/١١/١٩٥١.

س: هل هناك جريمة شروع في الدعارة؟

ج: مطبش جريمة شروع في الدعارة.

س: وهل ممكن يتعمل قضية دعارة لبنت لسه عنراء؟

ج: العنزيه أو عنمها ليست عنصر أو دليل علي ممارسة الجنس من

عنمه، والدعارة ممكن تتم بأي طريقة حتي لو كانت اللي

بتمارسها لسه عنراء.^(١) بدليل إن فيه بنات كتير غشاوهم من

النوع المطاطي ويمكنها تمارس مع رجال كتير بدون «البنفص

غشاوها رغم ممارستها لأكثر من مرة للجنس بشكل كامل.

س: هل لازم تتم العملية الجنسية كاملة علشان يتعمل قضية دعارة

للأثنى؟

ج: مش شرط تتم العملية الجنسية كاملة علشان يكون فيه جريمة

دعارة، يعني لو واحدة بتمارس الجنس بشكل خارجي بأي صورة

ومتعودة علي كده بدون ما تميز بين الرجاله يتعمل لها قضية

دعارة.

س: يعني إيه بشكل خارجي؟

ج: يعني بتبيح عرضها وشرفها للرجالة، حتي لو كانت بتستخدم أيدها

أو فمها فقط في مداعبة المناطق الحساسة من جسم الرجال أو

بتسمح لهم وضع عضوهم الذكري علي صدرها أو رجلها أو أي

مكان في جسمها علشان تشبع رغبتهم وتثير غريزهم.

١. نفس رقم ١٥٢٩ لسنة ١٨ في ١١/١/١٩٧٩.

س: هل لازم تتم قضية الدعارة في بيت؟

ج: جريمة الدعارة ممكن تتم في أي مكان بمعنى إنها ممكن تتم في فندق أو سيارة أو في حديقة أو في الحقول أو في عشة لو في فندق طالما اتحققت شروطها.

س: هل يتعمل قضية دعارة للبنات اللي بتوقف العربيات الملاكى وتطلع معاهم في أماكن مقطوعة وخالية من الناس وبهملوا معاهم جنس في السيارات؟

ج: لو متعوده علي كده بدون تمييز بين الرجاله يتعمل لها قضية دعارة علاوة علي قضية فعل فاضح في الطريق العام.

س: لو شخص عايش مع واحدة صاحبتة في بيت واحد من غير جواز لا عرفي ولا رسمي ممكن يتعمل لها قضية دعارة؟

ج: محلش له عنده ولا عندها أي حاجة لأن قضية الآداب بتتعمل للأثني اللي متعوده علي ممارسة الجنس مع الرجال بدون تمييز بينهم لكن لو كانت صاحبتة لوحده مفبض أي جريمة.^(١)

س: بعد كام مرة بيبكون فيه اعتياد علي ممارسة الدعارة؟

ج: لازم يكون فيه تكرر أكثر من مرتين في مكانين مختلفين.^(٢)

١. نص ٧٣٦ لسنة ٢٤ في جلسة ١٨/١٠/١٩٥٤.

٢. نص ١٠٣١ لسنة ٢٩ في جلسة ٢٩/٥/١٩٣٩، نص ١٥٨ لسنة ٣٩ في جلسة ١٨/٢/١٩٧٠.

س: هل يعتبر اعتياد علي الدعارة لو اللي بتمارس الجنس مارسه
أكثر من مرة في نفس الوقت والمكان مع أكثر من راجل؟
ج: لا تعتبر ممارسة للمرأة للجنس مع عدد من الرجال في نفس الوقت
والمكان جريمة دعارة لأن الاعتياد لابد من تكرار المناسبة
والظرف.

س: إزاي نعرف اللي ليها سوابق ولا لا؟
ج: بيتعرفوا من شكلهم وطريقة كلامهم. ولابد من البعد عن ٣ أنواع
من المسكات (المسكات المتجوزات، والبنات اللي أقل من ١٦ سنة،
واللي ليهم سوابق).

س: وليه البعد عن المتجوزات؟
ج: عشان لو جوزها قفلش أي حد معاها هيصل للبتين قضية زنا
ويحبسوا سنتين.

س: وليه اللي أقل من ١٦ سنة؟
ج: لأنها تبقي قاصر وهيحبس لو عمل معاها أي حاجة وبتمسك لأن
ده يعتبر هتك عرض حتي لو كان بمزاجها ورضاها.

س: وليه اللي ليهم سوابق؟
ج: لأن البنات المشبوهة والسوابق بيكونوا دايما تليفوناتهم متراقبة
وكثير منهم بيكونوا مرشدين للمباحث ويمكن يسلموا أي حد في
أي موضوع.

س: ولو كانت ست مطلقة؟

ج : المطلقة طلاق رجعي ممكن جوزها يعمل لها قضية زنا ويحبسها والراجل اللي معاها سنتين، طالما كانت لسه في فترة العدة (٣ شهور بعد الطلاق)، لكن لو كانت مطلقة طلاق باتن مش من حق جوزها يعملها أو للراجل اللي معاها قضية زنا.

س : إيه عقوبة الداعرة؟

ج : تتعاقب بالحبس مدة لا تقل عن ٣ شهور ولا تزيد عن ٣ سنوات وبالغرامة أو بالحبس أو الغرامة، وتتعرض علي الكشف الطبي ولو كانت مريضة بمرض جنسي معدي تتحجز في مستشفى لحد ما تشفى، ثم تودع في إصلاحية خاصة لمدة لا تزيد عن ٣ سنوات، ولو رجعت للداعرة مرة تانية بعد تنفيذ العقوبة بيبكون وضعها في الإصلاحية وجوبى وبيتم وضعها تحت مراقبة الشرطة لمدة مساوية لمدة العقوبة. (١)

س : لو شباب علوزين يسهروا في مكان لو ديسكو أو نايت مثلاً؟

ج : من حقهم بشرط عدم ارتكاب أفعال فاضحة في المكان.

س : إيه المشكلة لو عزم شخص أصحابه وصحبته في شقة مفروشة؟

ج : الشقة المفروشة ليها نفس حرمة المنزل بالظبط، لكن فيه حالات، ممكن شرطة الآداب أو القسم يطبئوا عليهم في أي وقت من غير إذن نيابة، عشان الشرطة بتمر علي الشقق المفروشة عشان يعرفوا مين اللي ساكن فيها، لأن اللي بياجروا لهم الشقة

والمسلمة لازم يبلغوا القسم عن الشخص اللي أجر الشقة المفروشة منهم وكمال البوابين يبلغوا المباحث عن السكان في الشقق المفروشة لأنهم بيكونوا مرشدين للمباحث.

س: ولو كانت الشقة تملك أو إيجار قديم أو جديد؟

ج: إذا كانت الشقة تملك أو إيجار جديد أو قديم واللي عندهم أصحابهم محدش له عندهم أي حاجة، لأن الشرطة ممنوع يدخلوا الشقق إلا بآذن مسبب من النيابة أو المحكمة، إلا إذا كانوا عاملين أصوات عالية بتدل على إتهم ببيعوا جنس أو بيعشربوا مخدرات وريحتها طالعة من الشبابتك أو فتحين الشبابتك وأي حد يقدر يشوفهم أو يسمع صوتهم من حقهم يبلغوا عنهم.

س: هل من حق البواب أو أمن العمارة يمنع أي وحده طلعه لصديقها في بيته؟

ج: مش من حقهم يمنعوا أي وحده طلعه لصديقها لكن هما بيتصلوا بظباط المباحث لأنهم بيكونوا مرشدين وبيحولوا يسيطروا على السكان بالطريقة ده ويبتزروهم.

س: إيه حكاية البنات اللي بتوقف عربيات في الشارع وتروح معاهم؟

ج: دول بنات داعرات وممكن بتعملوهم قضية أدب.

التحريض علي ممارسة الدعارة والفجور

س: يعني إيه التحريض علي ممارسة الدعارة والفجور؟
ج: إن حد يدفع حد أو يحرضه أو يشجعه أو يسهله أو يساعد أو يعرض عليه إته يمارس الفحشاء سواء كان راجل أو أنثي مع الناس بدون تمييز، ويكون عارف إن كلامه هيدفع الشخص اللي بيحرضه علي ممارسة الدعارة أو الفجور. ويتعاقب بالحبس مدة لا تقل عن سنة ولا تزيد عن ثلاث سنوات وبغرامة متقلش عن ١٠٠ لـ ٣٠٠ جنيه، لكن لو تم التحريض لشخص لم يتم ٢١ سنة تكون العقوبة من سنة لـ ٥ سنوات حبس والغرامة من ١٠٠ لـ ٥٠٠ جنيه، ولو كان الشخص إبن المحرض علي ممارسة الفجور والدعارة أو حد من اللي للمحرض سلطة تربيته أو ملاحظته أو كان بيشتغل عنده خدام بالأجرة تزيد العقوبة وتكون من ٣ لـ ٧ سنوات حبس والغرامة من ١٠٠ لـ ٥٠٠ جنيه.^(١)

س: يعني إيه المساعدة والتسهيل علي ممارسة الدعارة والفجور؟
ج: يعني شخص بدي حد آلات أو شقة أو عربية أو فلوس أو أي حاجة تساعد وتسهل له عملية الدعارة والفجور أو حتي يشجعه عليها ويوعده بالكلام أو بالحمية.^(٢)

١. المادة ١ من القانون ١٠ لسنة ١٩٦٠ المي شأن مكافحة الدعارة.

٢. نقض ٩٥٣ لسنة ١٩٣٢ في جلسة ١١/٢٥/١٩٧٣.

س: لو واحد طلب من صديقه مفتاح شقته وجاب فيها حد ومارس
معاه الجنس في الشقة؟

ج: لو كان صاحب الشقة عارف إنه هيجيب فيها حد علشان يمارس
معاه الجنس من غير تمييز ممكن يتهم بجريمة تسهيل دعارة لو
كانت اللي هتستلف منه شقته واحدة مت، ولو كان اللي هتستلف
للشقة منه راجل وهيمارس فيها الجنس مع رجاله صاحب الشقة
يتهم بجريمة تسهيل للفجور.^(١)

س: حتي لو كان مسلفه شقته مجاملة وصدافة ومخدش منه اي
فلوس؟

ج: الفلوس مش شرط من شروط جريمة إدارة منزل للدعارة أو
التحريض عليها وحتى لو مكش بياخد فلوس ممكن يتصله قضية
طالما كان عارف إن صاحبه أو صاحبه هتستخدموا شقته لو
المكان بتاعه لممارسة الدعارة والفجور.^(٢)

س: لو شخص ليه صديقة وبديها فلوس أو بيصرف عليها لو جاب
لها شقة يكون عليه مسئولية؟

ج: لو بديها فلوس وهو عارف إنها هتستخدمها في الدعارة أو كانت
هتستخدم الشقة في الدعارة يبقى مسئول حتي لو كان بيصرف

١. نفس ٢٠٧٨ لسنة ٣٢ في جلس ٢٣ / ٤ / ١٩٦٣.

٢. نفس ٢١٦ لسنة ٣١ في جلسة ٨ / ٥ / ١٩٦١.

عليها مصاريف غير كاملة، والعقوبة بتكون متقلّش عن ٦ شهور
حبس ولا تزيد عن ٣ سنوات.^(١)

س: ولو كان بيدي صحبته فلوس علشان العلاقة اللي بينهم واستغلّتها
غلط من غير ما يعرف؟

ج: لو كان عارف إن الفلوس اللي بيديها لها هتسهل لها عملية
الدعارة يبقى مسئول عن جريمة تسهيل علي الدعارة لكن لو
ميعرفش مفيش عليه ايه مسئولية.

س: لو شخص بيشتغل في مكان وفيه دعارة وفجور بس مكنتش
بيساعدهم علي كده؟

ج: مهما كان الشغل اللي بيشتغله حتي لو مكنتش بيساعدهم بتحاسب
طالما كان عارف إن المكان اللي بيشتغل فيه بيساعد أو بيحرض
علي الدعارة والفجور.

س: لو شخص ساكن في سكن مشترك وباقي اللي ساكنين معاه
بيجيبوا حريم وبيمارسوا معاهم الجنس؟

ج: لو محترم لازم يبعد عن المكان ده لأن القاتون عاقب اللي بيقم في
مكان بيرتكب فيه جرائم الدعارة والفجور وهو عارف وراضي
بكده.

١. مصر ٩ لسنة ٦٠ في جلسة ٥/٦ / ١٩٩٠.

س: ولو شخص اتمسك في مكان أو بيت وميعرفش عنه حاجة وكان فيه دعاره أو فجور واتمسك فيه بتعمله قضية؟

ج: علي ما بنبت هيكون اتبهل لكن القاتون قرر إن مليش حد يتعاقب علي مجرد ظبطه في مكان بيتم فيه دعاره أو فجور.^(١)

س: ولو واحد استلف من صديقه عربيته وجاب فيها واحدة ومارس معاها الجنس؟

ج: لو كان عارف إنه هيجيب فيها واحدة علشان يمارس معاها الجنس من غير تمييز ببقى متهم بتسهيل جريمة دعاره وممكن يتهم بتسهيل للفجور لو كان صديقه عنده شنوذا ومارس الجنس مع راجل تاني.^(٢)

س: لو كان الشخص هو اللي يمارس مع الأنثى بنفسه لكن ميعرفش إنه يمارس الاجنس مع حد غيره؟

ج: في الحالة دي ميقاش بيحرضها علي ممارسة الدعاره.^(٣)

١. نقض ١٠٤ لسنة ٢١ ق جلسة ١١/٢٧/١٩٥١.

نقض ١٠ لسنة ٢١ ق جلسة ١١/٢٧/١٩٥١.

٢. مادة ٧٢ من قانون المرور رقم ٦٦ لسنة ٧٣.

نقض ٩ لسنة ١٠ ق جلسة ٥/٦/١٩٦٠.

٣. نقض ٨٦٣ لسنة ٩ ق في ١١/٢٥/١٩٩٠.

تسهيل الدعارة والفجور

س: لو صديق سكف صديقه شفته عشان يقضي فيها وقت مع صديقته؟
ج: ممكن يتعمل له قضية تسهيل دعارة أو إدارة مسكن للدعارة ويتحبس.

س: لو عندي شقة بأجرها وفيه ست أنا شاكك فيها وعاوزة تأجرها مني؟

ج: إوعى تأجر لها شقتك لأنك لو كنت عارف إنها هتستخدمها في الدعارة، أو في حاجات خارجة عن الآداب هتكون مسنول وممكن تتحبس بتهمة تقديم مكان وتسهيل دعارة.

س: ولو كان راجل اللي عاوز يأجرها لكن شكله مش ولاهد وشاكك فيه؟

ج: لو كنت عارف إنه هيجيب فيها بنات وستات وهمارس معاهم الجنس أو كان عنده شنوذ ولا مؤاخذه، وهيجيب رجاله هتكون نفس الحكاية ممكن تتحبس بتهمة تقديم مكان لتسهيل الفجور.

س: ولو كانوا عابزين يشتروا مني الشقة؟

ج: مسألة البيع تحميك وميكونش عليك أي مسئولية، لأن المشتري هيكون مالك الشقة ومسئول عنها وهيتحاسب بدل منك لكن المهم إنك تسجل الشقة باسم اللي عاوز يشتريها وكده تبقى إنت في المليم لأن الملكية تنتقل بمجرد التسجيل.

زنا الزوجة

س: يعني إيه زنا؟

ج: الزنا هو اتصال جنسي بين امرأة متجوزه برضاها برجل غير جوزها.^(١)

س: يعني إيه برضاها؟

ج: يعني تكون عارفة إنها بتمارس الجنس مع راجل غير جوزها وهي واعية ومالكة لشعورها.

س: يعني إيه اتصال جنسي؟

ج: يعني التقاء الأعضاء التناسلية بين الرجل والمرأة التقاء طبيعي.

س: مين من حقه يشتكي بالزنا؟

ج: للزوج الوحيد اللي من حقه يشتكي مراته بالزنا والشخص اللي بتزني معاه ولازم يتقدم بشكوي مكتوبة أو شفوية للمسلطات.

س: هل من حق الأب أو الابن أو الأخ يحرك قضية الزنا؟

ج: للزوج وحده اللي يقدر يشتكي ويحرك جريمة الزنا.

س: الراجل المتجوز بعقد عرفي من حقه يعمل لزوجته قضية زنا؟

ج: من حقه يعمل لها قضية زنا لأن الجواز العرفي جواز زوي الرسمي.^(٢) وببدي الزوج نفس حقوق الزوج في عقد رسمي.

١. مادة ٢٧: من لقنوا المغرولت.

٢. نفس رقم ١٠٠٧ لسنة ٢١ ق جلسة ١٩٥٣/٢/٣.

س: هل لازم يبلغ الرجل والمرأة شهوتهم لتتم جريمة الزنا؟
ج: جريمة الزنا تتم بمجرد اتصال الأعضاء التناسلية بين الرجل والمرأة للتقاء طبيعي وسواء بلغوا شهوتهم أو لا.

س: ولو اتصل للرجل بالمرأة المتزوجة من الخلف؟
ج: تتم جريمة الزنا لو مارس رجل الجنس مع امرأة متزوجة من الخلف. (١)

س: يعمل إيه الراجل لو عرف إن مراته اتمسكت في قضية دعلرة وهي علي نمته؟

ج: من حقه يرفع عليها قضية زنا هي والراجل اللي تمسك معاها.

س: هل تتم جريمة الزنا لو كانت المرأة المتزوجة والتي مارست الجنس مع رجل غير جوزها عقيم أو مستحيل حملها؟
ج: تقع جريمة الزنا حتى لو كانت المرأة عقيم أو حتى مستأصلة للرحم ويمستحيل حملها. (٢)

س: من حق زوج يعمل لزوجته قضية زنا عملت تلقيح صناعي من راجل غير جوزها بدون علمه ورضاه؟
ج: التلقيح الصناعي بدون علم ورضا الزوج لو حتى رفضه لا يعتبر زنا. (٣)

١. نفس رقم ٢١٧٠ لسنة ١٨ ق جلسة ١٩٤٨/١٢/٢٨.

٢. نفس رقم ٢١٧٠ لسنة ١٨ ق جلسة ١٩٤٨/١٢/٢٨.

٣. نفس رقم ٢١٧٠ لسنة ١٨ ق جلسة ١٩٤٨/١٢/٢٨.

س: لو كانت الزوجة مكتوب كتابها لكن لسه مغلتن بجوزها من حق
اللي كاتب كتابه عليها يعمل لها قضية زنا؟

ج : من حقه يعملها قضية زنا ما دام كاتب كتابه عليها.

س: الراجل اللي مطلق مراته ممكن يعمل لها قضية زنا؟

ج : لازم نفرق بين نوعين من الطلاق، لو كان طلاق رجعي فللزوجة من
حقه يعمل لها قضية زنا طول فترة العدة، لكن لو كان الطلاق بانئن
مش من حقه يعمل لها قضية بعد وقوع الطلاق البانئن مباشرة حتى
لو كانت في فترة العدة.^(١)

س: لو كانت واحدة مخطوبه من حق خطيبها يعمل لها قضية زنا؟

ج : مش من حقه يعمل لها قضية زنا إلا بعد عقد الجواز.^(٢)

س: وهل ممكن يتعمل قضية زنا لأرملة توفي جوزها ولازالت في فترة
العدة؟

ج : لا يجوز عمل قضية زنا لأرملة حتى لو كانت في فترة العدة.^(٣)

س: للراجل يعمل إيه لو دخل البيت ولقي راجل غريب مع مراته؟

ج : يختار في الحالة دي بين أمرين إما يطلقها أو يقتلها وشريكها
وهم متلبسين بالزنا وهياخد عقوبة جنحة وغالبها هتكون مع

١. نفس رقم ١٠٠٧ لسنة ٢١ في جلسة ١٩٥٣/٢/٣.

٢. نفس رقم ١٠٠٧ لسنة ٢١ في جلسة ١٩٥٣/٢/٣.

٣. نفس رقم ١٠٠٧ لسنة ٢١ في جلسة ١٩٥٣/٢/٣.

ايكلف التنفيذ أو يعملها قضية زنا هي والراجل اللي معاها
ويتحبسوا الإثنين هو وهي مدة متزددش عن سنتين^(١).

س: لو الراجل قتل مراته لزانية؟

ج: لازم فيه شروط أهمها:

١. إنها تكون مراته رسمي أو عرفي وعلي نمته أو كان مطلقها
طلاق رجعي ولمسه في فترة العدة.
٢. بغاين الزوج زوجته وشريكها متلبسين بالزنا أو في ظروف
تؤكد حدوث الزنا بالفعل^(٢).
٣. يقتلهم في الحال.

س: إزاي يثبت عليها واللي معاها قضية الزنا؟

ج: بلم عليهم الجيران ليكونوا شهود علي واقعة الزنا ويطلب النجدة
علي رقم ١٢٢ من أي تليفون ثابت أو محمول ويتقدم بشكوي
للمشرطة بنفسه.

س: لو راجل دخل بيته ولقي مراته بتعاملس الجنس مع صديقتها هل
يقدر يعمل لها قضية زنا؟

ج: ميقدرش لأن الزنا لازم يكون بين زوجته ورجل غريب لكن لو
زوجه مارسة الجنس مع صديقتها لا يعتبر زنا.

س: ليه يتقدم بشكوي؟

١. مدة ٢٧٥، ٢٧٥ من قانون المعربات.

٢. مصر ١٩٣٧/٥/١٧ في الطعن ١٣١٧ لسنة ٧ ق.

ج : عشان تتحرك جريمة الزنا ضد الزوجة وشريكها لازم الزوج يتقدم بشكوي لأن النيابة لا تحرك جريمة الزنا إلا بناء على شكوي من الزوج.

س : لو كتوا لابسين هومهم قبل أو بعد الموضوع ؟

ج : وجود أي راجل غريب في حجرة نوم زوجته أو في المكان المخصص للحريم يبقى دليل على حدوث جريمة زنا.^(١)

س : يعني إيه مكان مخصص للحريم؟

ج : يعني أي مكان يقدر فيه راجل غريب عن الزوجة يختلي بيها فيه خلوة تدل على حدوث جنس بينهم مثل لو كتوا في منزل وقفلين على أنفسهم الباب بالترباس من جوه وتأخروا في فتح الباب لمدة طويلة، أو وجود شخص غريب مع زوجة في حمام واحد ويخدوا لش مع بعضهم.

س : هل لازم يتم إثبات زنا الزوجة في منزل الزوجية؟

ج : إثبات زنا الزوجة ممكن يتم في أي مكان سواء كانت في منزل الزوجية أو خارجه حتي لو كانت في غرفة في فندق أو تفررت مع شريكها في مكان مطلق في ناد رياضي مخصص لخلع ملابس الحريم أو مكان مخصص للاستحمام مع غلقهم الباب على أنفسهم من الداخل.^(٢)

١. نفس ١٧/٥/١٩٣٧ في ضمن ١٣١٧ لسنة ٧ ق.

٢. مجموعة أحكام نصف قرن.

من: لو زوج مسك مع مراته جوابات أو ورقى أو رسائل علي اله: بابل
بتقول فيها أو يتفهم منها أنها خاتنه ونامت مع راجل غيره يقدر
يعملها قضية زنا؟

ج: لو الزوج مسك جوابات أو رسائل علي الموبايل أو أوراق تؤكد
إن حصل بين مراته ورجل غريب علاقة جنسية يقدر يعملهم
قضية زنا ويحبسهم، حتي لو كانت غير موقعة منهم.^(١)

من: ولو مسك صور تدل علي ارتكابها جريمة زنا؟
ج: للصور الفوتوغرافية لا تثبت جريمة الزنا مثل الرسائل
والمكاتيب.^(٢)

من: وهو من حق الزوج بمشي وراها أو يفتش شئونها أو تليفونها
والرسائل اللي فيه؟

ج: إذا شك الزوج في سلوك مراته، يبقى من حقه يفتش شئونها
وتليفونها ولوراقها وإذا لقي أي حاجة تدل علي إنها بتخونه أو

١ مادة ٢٧٦ من قانون العقوبات.

نفسر ١٩٤٦/١٠/٢٨ في ظمن ٨١٩ لسنة ١٦ ق.

نفسر ١٩٤٩/٥/١٩ في ظمن ٦٩٧ لسنة ٥ ق.

نفسر ١٩٤٠/٣/١٨ في ظمن ٧٠٥ لسنة ١٠ ق.

مادة ٢٧٧ من قانون العقوبات.

نفسر ١٩٤٣/١٢/١٣ في ظمن ١٩٩ لسنة ١٤ ق.

٢. نفسر ١٩٦٢/٥/٢٩ في ظمن ٣٣٣ لسنة ٣٢ ق.

مارست الجنس مع رجل غيره تبقي ذاتية ويفقد برفع عليها
دعوى زنا هي والراجل اللي معاها.^(١)

س: لو واحدة متجوزة عازمه صديقها في بيتها ومث هتعمل معاه
جنس ولا حاجة غلط؟

ج: مجرد وجود راجل غريب جوا بيتها بدون سبب يعتبر جريمة زنا
ولو جوزها مسكه وقفشه في البيت بعملهم قضية زنا.^(٢)

س: ولو كان معرفش بن المرأة متجوزة؟

ج: القاتون بهتترض إنه عارف إنها متجوزة، ومفيش حاجة اسمها
معرفش إلا لو ثبت إنه حاول يعرف لكن الظروف لم تمكنه من
المعرفة رغم محاولته تفصي الحقيقة إذا كانت متجوزة ولا لا.^(٣)

س: وإمتي يسقط حق الزوج في الشكوي في الزنا؟

ج: بعد ٣ شهور من معرفته بالجريمة.

س: لو شخص متجوز واحدة بعقد جواز عرفي ممكن يتمسك معاها
ويتعامله قضية زنا؟

ج: للجواز العرفي جواز قاتوني ومحدث له عنده أي حاجة لو معاه
بطاقته وبطاقة مرقته اللي متجوزها عرفي وعقد الجواز العرفي.

١. الطعن ٢٩٧ لسنة ١١ ق ١/٥/١٩٤١.

٢. مادة ٢٧٦ من قانون العقوبات.

٣. الطعن ٢٢٢ لسنة ٢٣ ق في ٢٩/٥/١٩٦٢.

س: لو مراته اللي متجوزها رسمي قفشته مع مراته اللي متجوزها

عرفي في منزل الزوجية تقدر تعملهم قضية زنا؟

ج : لا متقدرش طالما معاهم عقد الجواز العرفي.

س: هل من حق اللي متجوز واحد عرفي ممكن ياخذها معاه أي فندق

وينزلوا في أوضه واحدة هم الإنتين؟

ج : ممكن.. بشرط يكون معا بطاقة وبطاعتها وعقد الجواز العرفي.

س: يعمل إيه لو ظابط السباحة سألته مين دي؟

ج : يقول له إتبا مراته، ويوريه عقد الجواز العرفي. ومفيش حد ليه

حاجة عنده لو عندها، وميقدرش الظابط يعمل له قضية أو أي

حاجة لإنها مراته.

س: ولو كان فيه أكثر من واحد وواحدة وعاملين حفلة في بيت؟

ج : لو كتوا أصحاب وبينهم علاقات شغل وصدافة ومراته موجودة

وعاملين حفلة بريئة، يبقى مفيش أي مشكلة ومحدث ليه عندهم

حاجة، بس لو كتوا عاملين حفلة حمرا وفيها شرب ومخدرات

وستات من لياهم وحاجات تانية مش ولا بد، ممكن يتمسكوا

وصاحب الشقة يتعله قضية إدارة مسكن للدعارة لو سمح لأي

حد إنه يمارس الجنس في بيته بدون تمييز.

زنا الزوج

س: هل ممكن يتعمل لراجل قضية زنا؟

ج : من حق الزوجة تعمل قضية زنا لزوجها لو اتصل جنسيا بأي امرأة غيرها بشرط يكون بيمارس في مسكن الزوجية فقط.^(١)

س: وإيه عقوبة الزوج لو اتعمك في منزل الزوجية مع واحدة غير مراته؟

ج : بتحبس مدة لا تزيد عن ٦ شهور.^(٢)

س: وهل بتحبس شريكته معاه وإيه عقوبتها؟

ج : بتأخذ نفس عقوبة الزوج الزاني، لكن لو كانت شريكته متجوزه وزوجها عرف بالموضوع من حقه يرفع عليها قضية زنا وتحبس سنتين.

س: ومين من حقه يحرك شكوي الزنا ضد الزوج؟

ج : للزوجة اللي علي نتمه أو وكيلها الخاص.

س: إيه مدة البلاغ؟

ج : ٣ شهور من يوم علمها بجريمة الزنا.

س: وإمتي تقدر الزوجة تعمل قضية زنا للزوج؟

١. مادة ٢٧٧ من قانون العقوبات.

٢. مادة ٢٧٧ من قانون العقوبات.

ج : من حق للزوجة تعمل قضية زنا لجوزها و يتحبس ٦ شهور هو
واللي معاها. طالما ملاقات علي نمته وثبتت عليه معاشرته
الجنسية مع امرأة غيرها ليست زوجته في بيت الزوجية.^(١)

س: يعني إيه بيت للزوجية؟

ج : هو أي مسكن للزوج دائم أو مؤقت، حتي لو كانت زوجته لا تقيم
معه فيه، وتقدر الزوجة تدخله في أي وقت زى البيت اللي عايش
فيه جوزها معاها لو شقة المصيف أو أي مكان تقدر تدخله
بسهولة.^(٢)

س: لو زوجة عرفت إن جوزها بيخونها مع واحدة في غرفة بفندق من
حقها تعمل قضية زنا؟

ج : لازم خيانة الزوج لزوجته تتم في مسكن للزوجية فقط عشان تبقى
قضية زنا.

س: لو راجل متجوز ومراته غضبته عند أهلها أو مسافرة، فيه
مشكلة لو عزم صاحبه في بيته؟

ج : لو مراته حد بلغها من الجيران وطبت عليهم فجأة وقلشتهم في
بيت الزوجية ممكن تعملهم قضية زنا ويتحبس هو وصاحبه
٦ شهور.

١. مادة ٢٧٧ عوقبات.

٢. مادة ٢٧٧ عوقبات.

س: لو كان الزوج مطلقاً مراته تقدر تصله قضية زنا لو كان معاه واحدة صاحبه في بيت الزوجية؟

ج: لو كان مطلقها طلاق رجعي تقدر تصله قضية زنا لو مسكنه وهي لسه في فترة العدة لكن لو كان مطلقها طلاق باتن يبقى مش من حقها تصله أي حاجة.

س: ولو كتبت صاحبه متجوزة بس فيه مشاكل بينها وبين جوزها وهي رافعة عليه قضية طلاق أو خلع؟

ج: طالما لسه علي نمته وقبل ما يصدر لها حكم بالطلاق نهائي أو حكم بالخلع وتكون قضت فترة العدة (٣ شهور بعد الطلاق) بقدر جوزها يعملهم قضية زنا سواء كانوا في بيتها أو في بيته أو في أي مكان.

س: تتصرف إزاي الزوجة لو عرفت إن جوزها بيخونها مع واحدة في بيتها أو في شقة تانية؟

ج: لو قدرت تظبطها معاه وتعملهم شكوي في القسم أو تطلب لهم اللجدة هيتحبس هو والست اللي معاه ٦ شهور بس بشرط إنهم يكونوا في بيت الزوجية أو في شقة للمصيف أو أي مكان عرفاه كويس وتقدر تدخله بسهولة.

س: وإزاي تقدر تثبت عليهم الزنا؟

ج: تقفل عليهم الباب من بره بالمفتاح وتسبب المفتاح في الباب أو تحط قفل علي الرزة لو كان الباب له رزة، وتصوت وتلم عليه

الجيران علشان يكونوا شهود عليه وتطلب النجدة علي رقم ١٢٢
لكن لو نزل هو والست اللي معاه أو نزلها من الشقة هيبقى
صعب تثبت عليه جريمة الزنا.

س: ولو كان بيروح لصاحبه بيتها أو بيخدها في فنادق أو مكان تقي؟
ج : لو كانت الست اللي بيروح لها متجوزة تبلغ جوزها وهو ممكن
يشكّيهم ويحبسهم هما الاتنين في قضية زنا.

س: لو مش متجوزة وبيروح عندها البيت؟
ج : الزوجة مش من حقها تعمل لجوزها قضية زنا إلا في بيت الزوجية
فقط، لكن تقدر تعرف مكاتهم وممكن تبلغ عنهم مباحث الآداب
وهيعملوا ليها قضية دعارة ويحبسوها، خصوصا إذا كانت اللي
معاه ست مشبوهة وليها سوابق.

س: لو زوجة سمكت جوزها قبل كده في قضية زنا في بيت الزوجية
يقدر بعد كده يعملها قضية زنا؟

ج : ميقدرش للزوج اللي إتمسك في قضية زنا وخذ حكم يعمل قضية
زنا لزوجته.^(١)

١. مادة ٢٧٣ من قانون العقوبات، طعن ١٩٦٢/٥/٢٩ في طعن ٢٢٢ لسنة ٢٣ ق.

ص: تعمل إليه للزوجة لو ظهبت جوزها بيمارس الجنس مع راجل زيه
في منزل الزوجية، وهل تقدر تعمل لهم قضية زنا؟

ج : مفيش زنا لراجل مع راجل لكن ممكن تبلغ عنهم والشرطة تعمل
لهم قضية فجور، لو كان جوزها متعود ببيع عرضه وشرفه
للرجال بدون تمييز، لكن متقدرش تعمل لجوزها قضية زنا في
منزل الزوجية إلا لو ظهطته بيمارس مع أنثي، لكن تقدر تلم عليه
وتطلب النجدة علشان تثبت حالة بالوضع اللي جوزها عليه لو
كانت عاوزه ترفع عليه قضية طلاق للضرر وتتطلق منه بسهولة
لو ثبتت الحالة بأن جوزها شاذ جنسياً.

التعرض لأنثى

س: أعمل إيه لو حد عاكسني في الشارع بقلة ألب؟
ج: تروحي القسم وتعملي له محضر تعرض لأنثى وخش حياءها في الطريق العام.

س: يعني إيه تعرض لأنثى علي وجه يخنش حياءها؟
ج: يعني أي حد يقول لواحد كلام أو يعمل حركات تكسها وتخرجها وتجرح شعورها كتثي أو يلذبيها نفسيا في مكان عام أو في التليفون، ودي جريمة بيعاقب عليها القاتون بالحبس مدة مترش عن سنة أو بالغرامة اللي متقلش عن ٢٠٠ جنيه ومترش عن ١٠٠٠ جنيه أو بعقوبة واحدة منهم الحبس أو الغرامة.^(١)

س: هل المعاكسات في الطريق تعتبر تعرض لأنثى في الطريق العام؟
ج: المعاكسات تعتبر تعرض لأنثى في الطريق العام مادام اللي بيعاكس قل دلام خارج عن حدود الألب والاحترام والأخلاق يجرح شعور الأنثى.

س: أعمل إيه لو حد مد إيده ولمس جسمي أو مسكني من مكان حماس؟

ج: لو حد مد إيده عليكي غصب عنك ولمس أي مكان من جسمك يبقى ارتكب جريمة هنك عرض في حلك ويتحبس فيها عطلول.^(٢)

١ مدة ٣٠٦ مكرر أمن قانون العقوبات.

٢ نفس ١١٥٩ لسنة ٢٨ و جلسة ١٠/١١/١٩٥٨.

س: أعمل إيه لو كان سنّي أقل من ١٦ سنة وحد مد ايده عليّ أو هددني أو عمل معايا أي حاجة جنسية بالعافية؟

ج : تبقي جناية ويتحبس فيها عطلول حتي لو كان بمزاجك مدام سنك أقل من ١٦ سنة ولازم تقولي لأهلك ومتخافيش لأنك مجني عليكى وملكيش نتيب.

س: ولو حد من أهلي أو قرايبي أو للمدرس بتاعي لو حد بيشتغل عننا زي السواق أو للخدام هو اللي عمل كده؟

ج : برضه تبقي جناية ويتحبس فيها من ٣ إلى ٧ سنين.

س: أعمل إيه لو كنت راكبه أتوبيس أو ميكروبلص وحد حاول بضارقتي أو يقف ورايا ولمسني بقلة أتب غصب عني؟

ج : لو لمس أي حتة منك بدون رضلكي تعتبر جريمة هتك عرض وحاولي تهدي عنه، ولو صمم إنه يتحرش بيكي زعقي بصوت عالي ولمي عليه للناس اللي في الميكروبلص أو الأتوبيس عشان يكونوا شهود عليه، واعلمي له محضر هتك عرض.

س: من حقّي لبس أي لبس أنا عايزاه في الشارع ولا ممكن يعملولي قضية لو كنت لابسه لبس ضيق أو عريان شويه؟

ج : اللبس حرية شخصية ومحش له حاجة عندك هس الأحسن إنك تلبسي لبس عادي غير ملفت للنظر جامد أو يكون كاشف جسمك بطريقة ملفنة ومثيرة.

س: أعمل إيه لو أصحابي قاعدين بيشرّبوا مخدرات وأنا قاعد معاهم بدون ما أشرب معاهم؟

ج : من الأفضل تبتعد عنهم لأنك لو اتمسكت وهم بيشرّبوا المخدرات تتحبس معاهم مدة لا تقل عن سنة ولو كاتو بيشموا بوردرة أو كوكايين أو هيروين تتحبس مدة مثل أفل من سنتين ولحد ٦ سنين وغرامة متقلش عن ألفين جنيه ومتردش عن ١٦ آلاف جنيه.

س: هل فيه مسئولية على لو حد من أصحابي جالي البيت وطلب يشرب سيجارتين حشيش أو باتجو وهل فيه مسئولية على؟

ج : نعتذر له لأنه لو اتمسك عندك عليك مسئولية لأنك مسئول عن أي حاجة تتم في بيتك حتي لو مكنتش بتشرب معاه ويتعملك قضية إدارة مسكن لتعاطي المخدرات.

س: أعمل إيه لو صاحبي كان معايا ومعاه سيجارة ملفوفة وحاول يشربها في عرييتي؟

ج : ترفض وبشدة ومتكسفش منه لأنك ممكن تتحبس معاه لو اتمسكتوا.

س: أعمل إيه لو كنت قاعد في كافيه أو علي قهوة وحد رمي حنة حشيش أو باتجو تحت الكرسي بتاعي؟

ج : ملكش دعوة بيها خالص سيبها وإوعي تمسكها عشان ممكن تتحبس علطول لو اتمسكت بيها وأنت ماسكها.

- دور الشرطة في حماية حقوق الإنسان إعداد مركز بحوث الشرطة طبعة ٢٠٠٥.
- الخدمة والحماية إصدار اللجنة الدولية للصليب الأحمر.
- التقرير السنوي للمجلس القومي لحقوق الإنسان.
- دليل وواجبات رجال الشرطة في مجال حماية حقوق الإنسان وصون حرياته الشخصية إصدار وزارة الداخلية ٢٠٠٥.
- أصول وأساليب التحقيق للعقيد دكتور فدي الشهاوي.
- التحقيق الجنائي علم وفن بين النظرية والتطبيق للواء عبد الواحد إمام مرسى.
- حقوق الإنسان مقاربات للسيد/جمعة أحمد عتيقة.
- ماهية التفتيش للمستشار أحمد الهنداري عاشور.
- إعداد رجل الأمن في ج.م.ع العدد ١٣١ للواء دكتور محسن العبودي.
- الرأي العام والشرطة للواء فخر الدين خالد.
- المجلة الدولية للشرطة الجنائية.

أرقام الجهات المختلفة لخدمة المواطنين بوزارة الداخلية

الجهة	الرقم	تفصيلي الرقم
إدارات وأقسام شرطة الخدمة	١٢٢	بلاغات المواطنين
قطاع مصلحة الأمن العام	١١٥	بلاغات المواطنين (سلاح مخففات النار - مختلف الجرائم)
الإدارة العامة للمرور	٠١٢١١١٠٠٠	حوادث الطرق الصرعة
الإدارة العامة للمعلومات والتوثيق	٢٧٩٢١٤٩٠ - ٢٧٩٢١٤٩١ ٢٧٩٢١٤٨٧ -	مكافحة جرائم الحاسبات
مصلحة القطاع المدني	٢٤٠١٤٠٩٧ - ٢٤٠١٤٠٩٨ ٢٤٠١٤٠٩٩ -	بلاغات المواطنين
مطاطي القاهرة	١٨٠	بلاغات الحريق
الإدارة العامة للاتصالات الشرطة	٢٧٩٢٦٥٣٠ - ١٣٨ ٢٧٩٢٦٥٣٩ . فلكس ٢٧٩٤٥٥٢٩ - ٢٧٩٤٨٣٠٠ - ٢٧٩٤٨٣٠٧ ٢٧٩٤٨٣٠٩ -	بلاغات شكاوى المراه
الإدارة العامة للاتصالات الشرطة	١٢٨	الخدمة الصوتية لوزارة الداخلية للإستعلام عن الخدمات الجماهيرية التي تقدمها الوزارة



- تحمل رای من ای موقع ممکن بچسبک مع الشرطة ؟
- تحمل رای لو کنی وقتک و عاوزی بچسبک بکری
و بچسبک ؟

- تحمل رای لو ظابط لو امنیت لفک له شه و لست
بری ؟

- تحمل رای لو عاوزی بچسبک بکری با عافیه چون رادن
تفتیش ، و بکون شکله رای رادن التفتیش ؟

- تحمل رای لو الشرطة ضبطت علی بابک و لست معال
واحد صاحبک من تسکله ، و حل ممکن بچسبک لکم
قضیه معاره ؟

- تصروف ازای لو دخلت بکری و لقتی مراکه بکری
اچن من مع واحد صاحبک ؟

- ازای تسکلی ظابط لو امنیت شرطه ؟

- تحمل رای لو ظابط فتن مراکه لو بکری تفتیش
ذاتی ؟

- صحیح .. صو عین رای بکری .. و عین رای کعب رای ؟

عمر عقیض